

انسانوں کی



سقراط

فرست بوک

انسانولوجي

الشقر؛ أحمد محمد

إنسانولوجي / أحمد محمد الشقر. - القاهرة: فرست بوك للنشر والتوزيع / ط ١ / القاهرة:
٢٠١٦ م.

٢٣٢ ص: ١٤ × ٢٠ سم

تتملك: ٥-٢٨-٦٥١٨-٩٧٧-٩٧٨

رقم الإيداع: ٢٠١٦/١٤٥٦٠

دار النشر:	فرست بوك للنشر والتوزيع
عنوان الكتاب:	إنسانولوجي
الكاتب:	د. أحمد محمد الشقر
رقم الطبعة:	الأولى
تاريخ الطبع:	٢٠١٦

جميع حقوق الملكية الأدبية والفنية محفوظة للناشر



فرست بوك

ويحذر طبع، أو تصوير، أو ترجمة، أو إعادة تنضيد للكتاب كاملاً أو جزئياً، أو تسجيله على أشرطة كاسيت، أو إدخاله على الكمبيوتر، أو برمجته على أسطوانات ضوئية، إلا بموافقة الناشر الخطية الموثقة

فرست بوك

٣٤ شارع زكي حواس - حلوان - القاهرة

ت: ٠١٠٠١٨٠٧٢٣٥ - ٠١٠٠٨٩٥٤٣٢١

Firstbook_mz@hotmail.com

انسانولو جي

د. احمد محمد الشقر



فرست بوك

2016



مش مقدمات

في زمن اليوتيوب والسينما.. في عصر السرعة والإنترنت..
ومع اختلاف الأجيال من جيل لجيل صعب تلاقي
ناس كثير بتقرأ.. أو مهتمة بالقراءة.. عشان كده قررت
أكتب بأسلوبي جايز أكون سبب في إن واحد زيادة
يقراً.. ويعرف معلومة من غير ما يحس.

تعمدت أن تكون اللغة سهلة والأسلوب بسيط.. لأنني لا أكتب للمتقنين..
ولكني أكتب ليزيد المتقنين واحداً.

﴿فَأَمَّا الزَّبَدُ فَيَذْهَبُ جُفَاءً وَأَمَّا مَا يَنْفَعُ النَّاسَ فَيَمْكُتُ فِي الْأَرْضِ﴾ [الرعد: ١٧].

تأليف: د. أحمد محمد الشقر

النسيية كما يجب أن تكون

في سنة نص قبل الميلاد..

دخلتُ كهفًا.. فوجدتُ زحاماً من أشياء لم أرى مثلها
من قبل.. وجدتُ كُتُباً قد تراصَّت على شكل أبراج،
وحواناتٍ وحشراتٍ قد تجمدت في قوالب زجاجية..

حفظت لها ملاحظتها، ووجدت بين هذا الزحام رجلاً قد وُضع على جسده
ملابسٌ لم أعتد بها.. فلم تكن أنيقة كزي عصرنا الفرعوني، وكان يضع أمام
عينه شيئاً عجيباً أيضاً، وكأنه رجلٌ من بلاد أخرى.. بلاد ما وراء النهر.. لا
أدري إن كان ملكاً من الملوك قد ضاقت به الدنيا وهرب إلى كهفٍ يُدفن
فيه، أو خادم قد حبسه مَلِكُهُ في هذا الكهف مع هذه المخلوقات وهذا البناء
العجيب الذي خلته كوخاً أو سرادقاً.

فتمهلست إلى الرجل في بطيء.. فداست قدمي في فخٍ قد أعدَّ ليصدر صوتاً
فينتبه الرجل، ليقول لي ما هو أغرب مما رأيته كله.

- أنت مين؟!

= ل.. لقد.. دلني أناسٌ على هذا الكهف وأخبروني أنك من ستساعدني.

- ناس مين وأساعدك في اينه؟

= معي بحث كُفِّتُ به من الأُبلة^(١) وأريد..

- لا.. آسف.

= إنه عن الإنسان.

- ممممم.. مقابل ايه؟!

= مقابل!!!! هل لمساعدة الناس مقابل؟!

- عادي.. أه.

= إذآ.. ماذا تريد؟ الذهب.. الفضة.. الإبل؟!

- الهدوء.

= هاهاها.. أتمزح؟!

- ده شَرطي.

= حسناً.. ما هذا الشيء الذي أمام عينيك؟

- فيتو!

= ماذا تعني؟!

- فيتو يعني أعترض.. يعني لا.. الأسئلة هنا في حدود البحث وهجواب

على اللي أنا عايزه وبس.

= حسناً.

- وبلاش حسناً دي.. اسمها طيب.. قشطة.. كده يعني.

(١) الأُبلة: تعني المدرسة باللغة الفرعونية.

= قشطة!.. ما اسمك؟

- فيتوا!

= و.. ما هذا الشيء الذي في فمك؟

- شوفت الهدوء صعب إزاي.. امسك ورقة البردي دي والريشة واكتب
أسئلة البحث بس.

= حسناً.. حس.. طيب.. أخبرني عن ذكاء الإنسان!

فأخذ نفساً عميقاً ثم أخرج من فمه دخاناً كثيفاً.. وضاحت عيناه وقال:

- لو جينا بويضة مُحَصَّبة أو جنين عشوائياً وضربناها في عدد لا متناهي
من الاحتمالات من الكروموزومات^(١) نفترض مثلاً ٢٨ كروموزوم، فنتأله
تختار تبقى كائن طري ضعيف بطيء بتاكل خس وجزر وشايل بيتك على
ضهرك وتعيش أكثر من ١٥٠ سنة.. ولا تختار العقل وتاكل ورق عنب؟!
فيختار يبقى سلحفاة.

أو ٨ كروموزومات: تختار تبقى كائن مريض عندك زهايمر والذاكرة
بتاعتك متعديش ١٠ ثواني والناس شايفاك تافه وملكش لازمة وتطير تزن في
ودنهم.. ولا يبقى عندك عقل وتقتل الكائن ده؟ فيختار يتقتل ك دبابة.

أو مثلاً ٢٨ كروموزوم: تختار تبقى مُشعر ومراتك تروح تصطاد أكلك
وتجبهولك لحد عندك وتبقى ناك الغابة.. ولا تبقى مُشعر بردو ومراتك
تصطادك أنت وتاكل أكلك وتاكلك أنت كمان؟ فيختار يبقى أسد.

(١) الكروموزوم: ما يحمل جينات الكائن الحي.

أو مثلاً ٥٥ كروموزوم: تختار تلبس حرير وتنام في حرير وتصحى في حرير وتروح تطير زي الفراشة.. ولا تختار العقل ومتلبسش حرير؟ فيختار يبقى دودة قز.

أو ٤٦ كروموزوم: تختار العقل ولا...؟ عقل!! يعني ايه وشكله ايه؟..
أه أه ماشي هختار العقل.. اللي هستخدم منه بس حوالي ١٠٪.

﴿ إِنَّا عَرَضْنَا الْأَمَانَةَ عَلَى السَّمَوَاتِ وَالْأَرْضِ وَالْجِبَالِ فَأَبَيْنَ أَنْ يَحْمِلْنَهَا وَأَشْفَقْنَ مِنْهَا وَحَمَلَهَا الْإِنْسَانُ إِنَّهُ كَانَ ظَلُومًا جَهُولًا ﴾ [الأحزاب: ٧٢].

= فنظرت إليه وقد نفذ الحبر مني وملأت الورقة بكل أشكال وألوان الأسئلة المتعلقة بالموضوع والغير منها، فأخذ مني الورقة.. وابتسم وكتب.
- فيتو.

= لا أدري إن كان يتحدث عن ذكاء الإنسان أم لا.. فقلت له، إذا حدثني عن غياب الإنسان!

- مممم... خُد الورقة دي.

= لا، معي ورقة؟

- لا، خُد اللي معايا دي!

= فأخذتها.. ووجدت عليها نملة، فدعستها.. فصرخ الرجل وفزع من مكانه!!

- أنت عملت ايه؟!!! أنت عارف أنت عملت ايه؟!!! دي الملكة!!!

= إنها مجرد نملة... مجرد حشرة!

- أنت حطمتها!!! الملكة لو ماتت القبيلة تموت!!

= حطمتها! هل دعست على سفينة؟! ثم أخذ النملة في رفق، وحملها ووضعها في شيء عجيب.. فقلت: أسيحيها هذا الشيء؟!

- ده ميكروسكوب بيكبر الحاجة ١٠٠٠ مرة.. تعالى بص

النملة اللي أنت مستقل بيها دي.. مكونة من صناديق إزاز متركبة على بعض وفيها مفصلات على هيئة أيادي وأرجل وقرون استشعار فوق (أيوة إزاز).

﴿ حَتَّىٰ إِذَا أَنزَلْنَا عَلَىٰ وَادِ النَّمْلِ قَالَتْ نَمْلَةٌ يَا أَيُّهَا النَّمْلُ ادْخُلُوا مَسْكِنَكُم لَّا يَحْمِلَنَّكُمْ سُلَيْمٰنُ وَجُنُودُهُ وَهُمْ لَا يَشْعُرُونَ ﴾ [النمل: ١٨].

النملة اللي أنت مستقل بيها دي عندها نظام دقيق جداً، أقوى من نظام الفرعون بتاعك.. اللي أنت شايفها دي الملكة.. تعرفها من الجناحين بتوعها الكبار... في موسم التزاوج بتبدأ تطير ويطير وراها ذكور النمل - نمل أضعف وجناحاته أقصر - عشان كده مش ييلحقها إلا أقواهم، بعد كدة الملكة دي مش بتحتاج ذكور تاني بقية حياتها، وبتحفظ باللقاح ده على طول.. حتى بُص على بطنها!! بتفضل تحرك بطنها.. بتقلّب اللقاح وكل يوم تبيض بيضة.

النملة اللي أنت مستقل بيها دي لما بتيجي تبيض.. بتتني جسمها زي حرف الدال «د» كده وبتبوقها اللي زي الدبوس بتطلع البيضة من غير ما تتكسر، وتغسلها بلعابها المكون من أنثي بيوتك (مضاد حيوي) عشان يموت البكتيريا.

النملة اللي أنت مستقل بيها دي بعد ما بتبيض بتنادي الخدم بتوعها عشان يغسلوا البيض، بتتكلم معاه.. النمل بيتكلم، يطلع أصوات زينا.. أو ساعات بتشوفهم يتوشوشوا أو يبيوسوا بعض كده.. لا، دي النملة بتفرزمادة كيميائية في بوق النملة الثانية ودي لغة كلام ثانية عندهم.

النمل عنده نظام دقيق.. كل نملة ليها دور، وفي منهم مهندسين.. لو شوفت بيت النمل هتلاقيه متقسم أدوار على حسب نوع الأكل ودرجة الحرارة، صيف أو شتا، الدور اللي فوق درجة حرارته غير الدور اللي تحت.

و النمل الحارس اللي بيحمي البيت والأكل، ولو حشرة قربت حتى لو أكبر منه أضعاف، ينط عليها ويكتفها ويحقنها في المركز العصبي.. فتشل وتموت هو النمل دارس طب أو تشريح!!! عرف منين المركز العصبي وإن الأنتي بيوتك ضد البكتيريا؟!.. ده فيه بشر ما تعرفش!

أنا كده رديت على سؤالك بتاع غياب الإنسان.. إنك تشوف نملة وتدوس عليها بكل بساطة وتقول دي حشرة!

﴿كَذَلِكَ يُبَيِّنُ اللَّهُ لَكُمْ آيَاتِهِ لَعَلَّكُمْ تَعْقِلُونَ﴾ [البقرة: ٢٤٢].

= فاندھشت لهذا الرجل! أكان يعطيني الورقة لأري النملة، فأقتها.. فيعطيني درساً؟!!

مَن هذا الرجل؟! ومن أين أتى! وما هذا الذي في فمه؟!!

- دي لفافة ورقة بردي.. محشية ببعض النباتات بتهدّي الأعصاب زي السجارة كده.

= كيف سمعتني!! أنقرأ الأفكار أيضاً؟!!!

- يا عم ما أنت كاتب السؤال في الورقة.

= إذا النمل عاقل.. أم ماذا؟.. ما الفرق إذا بين النملة وبينى؟!

لو مسكت دماغك فتحتها ودماغ النملة.. هلاقي نفس الشيء! مخ.. مدلدل منه شوية أسلاك وحبال باختلاف الحجم، وده لاختلاف النشاطات والإهتمامات.. فأكيد اهتماماتك أنت أكثر من النملة، وتفاهاتك أنت أكثر بردو.. عشان كده مخنا فضل يكبر يكبر لحد ما ضغط على الأسنان.. ضرس العقل اللي بيطلع بصعوبة أو ساعات مبيطلعش.

تخيل مثلاً سنترال في شبرا ١٠ مليون نسمة.. لازم يبقى أضخم وأسلاكه أكثر من السنترال اللي في مصر الجديدة اللي فيها مليون نسمة بس.. الحجم يختلف لكن المراكز ثابتة؛ مركز البصر، السمع، اللمس، الشم، الحركة، التوازن، التنفس، الدورة الدموية، العاطفة، الغرائز والألم.. كل ده موجود في النملة باختلاف ترجمتها للمراكز دي اللي بتختلف عن ترجمتنا.

الفرق في المركز اللي في الجبهة.. بتاع الخيال وصحابه؛ التفكير والتصوّر والذاكرة والضمير وإدراك المستقبل والتخطيط التدبر ده بتاع الإنسان.. دي «الأمانة»!

ويخرج من كل مركز كابل فيه أسلاك توصل رايح جاي من العضو وليكن العين لمركز البصر.. وبينهم كابل فيه مليون سلك.. والودن والسمع مليون كمان وهكذا.. لحد ما يوصل حوالي ١٤ ألف مليون سلك!

اللي يميزك عن باقي الكائنات هو الخيال وصحابه في المركز إيّاه اللي في الجهة.. ف لو عشت حياتك كلها تاكل وتشرب وتسمع وتشوف وقلبك يدق وتتنفس وقلبك يدق وبغرايزك وعواطفك وشهواتك وروتينك الطاغي على كل ده، ولغيت «ميزتك» في الخيال وصحابه.. ف أنت غملة! مع احتراممي للنملة اللي أحسن منك في حاجات ربنا إداها لها.. أنا وأنت وغيرنا منعرفهاش.

لقد احترت.. هل الإنسان غبي، أم أنه ذكي.. أغبيّ إلى حد الذكاء؟! أم أنه في ذكائه الشديد غبي؟! فتعظمه تارةً وتحقره أخرى.. أريد أن أعرف! ما صفات الإنسان!؟

إنها النسبية.. الإنسان أمر نسبي كما هو الزمكان.. (الزمان والمكان).. شأنه شأن كل شيء في الكون بل الكون نفسه نسبي.. -

الإنسان زي النور.. أبيض.. قصدي إحنا شايفينه أبيض، بس هو في الحقيقة بوشوش، ٧ ألوان الطيف موجات وذبذبات مختلفة.. عنينا ماتشوفهاش، بس مخنا يترجمها ألوان.. زي الورقة المغروس فيها قلم ومتلونة ٧ ألوان.. لو لفيتها زي المروحة تشوفها بيضاء.. لا الأحمر أحمر.. ولا الأزرق أزرق، لكن موجة طويلة وموجة قصيرة.

الزرع اللي انت شايفه أخضر.. في الحقيقة مش أخضر.. الزرع يمتص كل الألوان ويعكس لون واحد بس اللي هو درجة من اللون الأخضر، موجة ليها طول مُعيّن.. عينك متستوعبهاش لكن مخك حافظه و مترجمه لون «أخضر»، وكذلك البحر والسما وغيره.

النجوم اللي بنشوفها في السماء دي.. إحنا بنشوف الضوء اللي خارج

نتيجة انفجارها اللي حصل على بُعد ٥٠٠ مليون سنة ضوئية.. يعني إحنا بنشوف حاجة حصلت في الحقيقة من ٥٠٠ مليون سنة.. إحنا مش بنشوف نجوم، إحنا بنشوف ماضي النجوم، ده معناه.. إن إحنا بنشوف حاجات مش موجودة، ومش بنشوف حاجات موجودة.

بلاش.. العسل اللي طعمه حلو ده.. اللي بالنسبة لنا طعمه حلو.. دودة المِش شايقة إنه وحش ومبتقر بلوش لو هتموت وبالنسبة لها المِش ده عسل، والعسل مِش.. فهو شيء نسبي! ولكن أنا وأنت وغيرنا متفقين إن العسل حلو.. قصدي مِخنا اللي متفق، لكن الحقيقة غير كده.. الحقيقة نسبية زي الإنسان.. مسألته نفسك ليه مفيش شخص محدش يختلف عليه؟

عشان كلنا حلو ووحش.. كلنا طيب وشرير.. كلنا كُذاب وصادق.. كلنا نسيين.. نختلف مع اختلاف الزمان والمكان والأشخاص.. نختلف تحت الضغوط.. زي المياه.. المياه من سائل وتلج وبخار.. نفس المكونات، ٢ هيدروجين و١ أكسجين.. تحت الضغوطات

من حرارة وطاقة.. ذرات المياه بتبعد أو تقرب من بعضها.. عينك متشوفهاش بس مِخك يترجمها.

حتى الجمال نسبي، محدش يتفق عليه.. صورة وانعكاسها.. مترجمة في دماغنا.. عيننا تشوفها ومتفهمهاش مِخك يحط التاتش بتاعه ويترجم.

بس جايز لو كان نظرنا إكس راي أو أشعة فوق البنفسجية.. كنا شوفنا بعض من جوه.. هياكل وهواء.. أبيض وأسود.. من غير ما نشوف الجمال

بس مش كفاية.. لو عقلنا كمان كان بيترجم لغة «موريس» اللي هي «نقطة وشرطة» أو لغة البرمجة اللي هي «صفر وواحد».. ساعتها بس كان ممكن نشوف الحقيقة النسبية والتناقضات الكثيرة جوه الإنسان الواحد بس في الأول والأخر.. الإنسان نسبي.. غير ثابت.. لدرجة إن ربنا ذكره في القرآن ٥٦ مرة مباشرة في صفات مختلفة.. وفيها تناقضات الإنسان .

﴿وَلَيْنِ أَذَقْنَا الْإِنْسَانَ مِنَّا رَحْمَةً ثُمَّ نَزَعْنَاهَا مِنْهُ إِنَّهُ لَيَكْفُرًا﴾

[هود: ٩].

﴿لَا يَسْتَمُ الْإِنْسَانُ مِنْ دُعَاءِ الْخَيْرِ وَإِن مَسَّهُ الشَّرُّ فَيَكْفُرًا﴾

[فصلت: ٤٩].

﴿وَيَدْعُ الْإِنْسَانُ بِالشَّرِّ دُعَاءَهُ بِالْخَيْرِ وَكَانَ الْإِنْسَانُ عَجُولًا﴾

[الإسراء: ١١].

﴿وَلَقَدْ صَرَّفْنَا فِي هَذَا الْقُرْآنِ لِلنَّاسِ مِنْ كُلِّ مَثَلٍ وَكَانَ الْإِنْسَانُ أَكْثَرَ شَيْءٍ جَدَلًا﴾

[الكهف: ٥٤].

وده مش غريب.. بالعكس، من الذكاء إنك تجمع الشيء ونقيضه.. لأنه أمر نسبي.. يكاد يصل إلى حد الكمال.. وكون إنك تثبت نظرية صحيحة كاملة ١٠٠% بمعادلاتها وإثباتاتها.. وترجع تثبت عكسها.. فده قمة النجاح.. لأن مع تغير الظروف، تتغير النتائج.

«الإنسان أوضح شيء نسبي.. فهو أوضح من الزمان والمكان.. فإنها النسبية كما يجب أن تكون».

أندرويد الحياة

=دعني اذا ...

-فيتو.

=ماذا؟

-أسئلتك كترت.. والهدوء مش مقابل كفاية.

= اطلب ما شئت.

- مممم.. بعد ما تخصص أسئلتك هقولك أنا عايز ايه.. قول سؤالك؟

= من أين جتنا.. من أين جاء الإنسان؟.. بل الكون؟!

- فيتو كبيرة!

= لماذا؟!

- أولاً موضوعنا الإنسان مش الكون.. ثانياً ده موضوع صعب وكبير

ملوش آخر.

= أرجوك! سأعطيك ضيف ما تطلب مهما كان.

- مممم.. طيب مبدئياً وببساطة.. طلع ٤ حاجات على صوابك:

١. الذرة جواها ← نواة حوالها ← إلكترون، بروتون، نيوترون
← جواه كوركات.

٢. ٤ قوات: قوة الجاذبية ودي اللي بتشد الحاجة (لمركز) الأرض، وقوة نووية شديدة ونوية ضعيفة ودول ببساطة اللي بيشدوا النواة حوالين الذرة، وقوة كهرومغناطيسية ودي اللي بتشد مكونات الذرة حوالين النواة.

٣. ٣ حواجز: طول بلانك: وده أقصر حاجة في الكون ولو قدرت توصل لأقصر من كده.. هتكوّن ثقب أسود، وحرارة بلانك: ودي أعلى درجة حرارة في الكون، وسرعة الضوء: ودي أسرع حاجة في الكون.

٤. إنترويا والتبعثر أو إزاحة حمراء وده مش مهم دلوقتي.

شايف النقطة دي (.).. الكون قبل نشأته كان نقطة لا متناهية في الصغر.. يعني دائرة نص قطرها صفر وده من ١٣,٧ بليون سنة.. النقطة دي جواها الحاجات الأربعة اللي على صوابك دي.. بس أصغر من طول بلانك وأعلى من حرارة بلانك وأسرع من الضوء.. يعني كسرت ال ٣ حواجز وجوه النقطة دي ال ٤ قوات (جاذبية، نووية شديدة وضعيفة، كهرومغناطيسية) في صورة قوة واحدة، وطبيعي كل ده أدّى لانفجار.. وزى أي انفجار بعده حصل تبرّد، تمدّد، تطوّر.. درجة الحرارة تقل، الكون يتمدد وبعدين يتطوّر.

﴿أَوَلَمْ يَرِ الَّذِينَ كَفَرُوا أَنَّ السَّمَوَاتِ وَالْأَرْضَ كَانَتْ رَتْقًا فَفَتَقْنَاهُمَا وَجَعَلْنَا مِنَ الْمَاءِ كُلَّ شَيْءٍ حَيًّا أَفَلَا يُؤْمِنُونَ﴾ [الأنبياء: ٣٠].

بعد أول ثانية.. الكون يبرد ١٠ بليون مرة، وظهرت إلكترونات وبروتونات ونيوترونات، بعد ١٠٠ ثانية الكون يبرد ١٠٠٠ بليون مرة وتكوّنت نواة الذرة، ثم بعد كام ساعة.. درجة الحرارة بقت ٣٠٠٠ وتكونت الذرة نفسها.. وذرة على ذرة تكوّن أول عنصر.. وعنصر على عنصر تكوّنت مادة وهكذا، وبعد مليار سنة: اتجمعت العناصر والمواد والجسيمات على بعض فكوّنت نجوم وكواكب من ضمنها الأرض ومجموعات منها مجموعتنا الشمسية.. ومجرات ومنها درب التبانة.. وفضل الكون يبرد ويتمدد.. يبرد ويتمدد.

وهنا بقى هجيب البلونة دي وارسم عليها دواير كأنها مجرات.. المسافة بينهم صفرا! والبلونة دي درجة حرارة عالية وكل ما تبرد تتمدد وتتنفخ، فالمجرات تبعد عن بعضها، تتنفخ وتبعد.. لو فضلت انفخ البلونة بلايين بلايين السنين.. هوصل للمسافات الموجودة دي وده معنى «الإنتروبيا».

﴿وَالسَّمَاءَ بَنَيْنَاهَا بِأَيْدٍ وَإِنَّا لَمُوسِعُونَ﴾ [الذاريات: ٤٧].

والكون هيفضل كده لنهايته لحد ما يفرقع.. زي ما بدأ بفرقعة (انفجار) هينتهي بفرقعة:

﴿يَوْمَ نَطْوِي السَّمَاءَ كَطَيِّ السِّجِلِّ لِلْكُتُبِ كَمَا بَدَأْنَا أَوَّلَ خَلْقٍ نُّعِيدُهُ وَعَدًّا عَلَيْنَا إِنَّا كُنَّا فَاعِلِينَ﴾ [الأنبياء: ١٠٤].

مش بس كده.. هيبقى فيه كون تاني خالص غير ده:

﴿يَوْمَ تَبْدُلُ الْأَرْضُ عَيْرَ الْأَرْضِ وَالسَّمَوَاتُ سَبْعَ سَمَاوَاتٍ وَبَرَزُوا لِلَّهِ الْوَاحِدِ الْقَهَّارِ﴾

[إبراهيم: ٤٨].

وعلى قد ما المسافة بين الكواكب والنجوم بعيدة، فالمسافة بين الناس

وبعضها على نفس الكوكب أبعد.. لأنها مش بتقاس بالمتر أو الكيلومتر، فالإنسان قدر يوصل لكل ده بعقله، بل قدر يوصل بجسمه وطلع شاف القمر والكواكب الثانية وقدر يسيطر على الكون بس لسه عاجز إنه يسيطر على نفسه وغرايزه وشهواته

وده يثبت إن التقدم في العلم أسهل بكثير من التقدم في الأخلاق.. وإن المادة أسهل بكثير من المعنى.

« ف عجباً.. ف الإرتقاء إلى القمر أيسر من الإرتقاء بالأخلاق!.. وكان السفر إلى القمر ليس بصعود.. بل هروب.»

= فذهلت لما سمعت! هل لأنني لمر أفهم حرفاً مما قاله.. أم لأنني فهمت كل ما يعني وبشدة، لدرجة لمر أصدقها؟!

- من هذا الرجل؟! ومن أين أتى؟ وما هذا الأسلوب؟!

= من.. من أين أتيت؟!

- بعد نشأة الكون.. ظهرت الذرات.. اتجمعت فوق بعض وعملت شوية عناصر أهمها الكربون والهيدروجين والأكسجين اللي منها تكوّنت مواد.. أهمها المياه، ومن عناصر تانية زي النيتروجين تكوّنت منها أحماض أمينية والبروتين ودول قوالب طوب.. اللي بيها تبني مبنى الحمض النووي الـ DNA.. وكأنها حروف تجمعت بمليون ومليون طريقة وكوّنت كلمة.. الكلمة مع الكلمة بمليار طريقة وطريقة تكوّن جملة.. الجملة مع الجملة بليون وبليون طريقة.. يكون أول أبسط خلية زي الأميبا اللي بدون عقل.. مُبرجة تنقسم من ١، ٢، ٤، ٨، ١٦، ٣٢، ٦٤.

ومنها.. للأكثر تعقيداً وهو جنين الإنسان.. برود خلية واحدة بدون عقل بتنقسم من ١ لـ ٢، ٤، ٨، ١٦، ٣٢، ٦٤.

هل ده معناه إن الإنسان أصله أميبا؟! طيب خد الأعجب!

الجنين في مرحلة من المراحل يبقى عنده خياشيم زي السمكة وبتختفي.. ومرحلة تانية يبقى عنده ديل وبيختفي.. ومرحلة تالثة جسمه كله يبقى متغطي شعر وبيفضل يقل.. يقل لحد ما يفضل اللي فوق الراس، والأعجب إن التعبان لما شرحوه لقوا عنده رجول بس ما استخدمهاش واختفت.. والسمك عنده رتتين بس ما اتنفسش بيهم واختفوا!

هل ده معناه إن الإنسان كان أصله قرد وتطور؟! زي التعبان والسمكة!

الإجابة لا، بالعكس ده مش تطور.. ده تطوير.. ده يدل على وحدة المنشأ والناشئ.. «الله».

﴿وَقَدْ خَلَقْنَا أَطْوَارًا﴾ [نوح: ١٤].


هو نفس اللي علّم الناموسة إنها تبيض على المياه بيض بـ عوامات.. هي الناموسة درست أرشميدس ولا فيزياء؟!.. وهو برود اللي علّم النملة اللي أنت فعصتها.

مثال على كده.. العربية الكارو والعربية المرسيدس.. دي عربية ودي عربية.. نفس الفكرة ونفس الهيكل؛ حديد، عجلات، كاوتش.

هل ده معناه إن العربية الكارو تطوّرت وبقت مرسيدس أو إن المرسيدس في الأصل كانت كارو؟!.. أكيد لا، بس نفس المُصمم والتصميم.

خليني أرسم ٤ حلقات مش متداخلين وُبُعاد عن بعض:

الحلقة الأولى «جماد».. الثانية «نبات».. الثالثة «حيوان».. الرابعة «إنسان».. لو زودنا على الجماد «نمو» بقى نبات.. ولو زودنا على النبات «حس وحركة» بقى حيوان.. ولو زودت على الحيوان «فكر» بقى إنسان.



جماد (+نمو) ← نبات (+حس وحركة) ← حيوان (+فكر) ← إنسان

بين كل حلقة وحلقة.. مراتب و«أعلى مرتبة الأدنى هي أدنى مرتبة الأعلى».. بمعنى؛

أعلى مرتبة في الجماد هي المرجانيات، هي بتنمو بس جماد.. وأعلى مرتبة النبات هي نبات الست المستحية، لو لمستها تحس وتتحرك.. وأعلى مرتبة الحيوان قرد جاوه، اللي بيقلد الإنسان وبيتعلم بس مايبعلمش، بس في الآخر حيوان.. وفي مرتبة الشرف «الإنسان».

الحلقات دي لا يمكن تتدخل في بعضها.. لا يمكن ترتقي.. لا يمكن تسميه تطوُّر بل تطوير.. أو بمعنى ثاني «أب ديت».. زي البرنامج اللي على الموبايل.. مش بيعمل أب ديت لو حده.. اللي مصممه هو اللي زرع جواه حته التطوير.. نفس الفكرة.. إنها سُنَّة الحياة.. بل «أندرويد الحياة».

= لمر أقصد هذا!.. لمر أقصد كيف نشأت!!!.. بل أقصد من أنت؟

- أنا جعان.. تعالى كُل معايا.

= فأعطاني لوحة فنية دائرية الشكل من ألوان مختلفة ورائحة لمر أعرف مثلها قط..

- دي اسمها بيتزا.. كُل!

= حسناً..

- مالك! ما تأكل.

= لقد.. لقد كذبت عليك.. كذبة بيضاء.. لكن أنا لا أكذب عادة..
صدقني.

- كلنا فاكيرين نفسنا مش بنكذب، ولو واحد فينا قال «أنا بس كذبت مرة أو اتنين» يبقى فاكير نفسه وصل لمنتهي الصدق والصرامة.. بس في الحقيقة كلنا بنكذب.

من أول ما بنصحي الصبح.. ونقول صباح الخير بابتسامة روتينية فاترة في وش حد ما بنطيقوش ومش بنتمنى له الخير.. كذبة.

تسريحة الشعر كذبة.. الباروكة فوق القرعة كذبة.. الصبغة السوداء فوق الشعر الأبيض كذبة.. طقم الأسنان كذبة.. ريحة البرفان فوق العرق كذبة.

البدة فوق الفانلة المقطعة كذبة، عمليات التجميل كذبة.. الروج والأبي لاينز والكحل واللينسز كذبة، المكياج أكبر كذبة.

صورة السندويتش في الإعلان كدبة.. الإعلانات كلها كذب..
الدايت كدبة.. التلفزيون كدبة.. السينما كدبة.. الجرايد والسياسة
كدبة.. السيجارة كدبة.. الدواء كدبة.. الماركة كدبة.. والأسماء كدبة..
الأوكازيون كدبة.

الألوان كدبة.. الخط كدبة.. الزمن كدبة.. والعمر أطول كدبة!..
الحب كدبة.. والكُره كدبة.. الضحكة والدمعة.. كدبة وكدبة.

صوتنا اللي بتغيره وإحنا بنطلب ديليفري كدبة.. خدمة العملاء كدبة.
«على جنب ياسطى» اللي بنقولها وبننت حلوة نازلة.. كدبة.

حتى اللايك اللي بنعمله على الفيس بوك كدبة.. يبقى يا إما عشان
الشخص نفسه.. يا إما عشان نوصل رسالة معينة للشخص ده.. يا إما عشان
يرد لنا اللايك تاني.. مصلحة يعني.

الكذبة كدبة، والصدق كدبة.. ف ساعات بنقول الحقيقة عشان نكذب.
المجاملة كدبة.. الهدية كدبة.. السقفة كدبة، والضحكة في الصورة
كدبة.. الصورة نفسها كدبة.

الضحكة لمستول عشان ينجلك مصلحة.. كدبة، والضحكة لدكتور في
لجنة شفوي على حاجة ما تضحكش عشان الدرجة بردو.. كدبة
«أنا قولت بس أظمن عليك» في مكالمة مدتها دقيقة عشان معاك دقائق
مجانية.. كدبة.

حتى الأمثلة الشعبية كدبة.. فالجوع مش كافر.. الجوع صادق..
أصدق مننا.. إحنا اللي بنكذب.. بناكل وإحنا مش جعانيين..

إزاي الجوع كافر وهو عبادة! ركن من أركان الصيام، إنك تشعر بجوع غير القادر، وتقدر حجم النعمة اللي أنت فيها.. فتقرر تساعده بإيد.. والإيد الثانية تبوسها وش وضهر وتشكر ربنا.

والجوع إلى الحقيقة.. الجوع إلى العلم والمعرفة، وإلى الإكتشاف.. هو أشرف أنواع الجوع.

كما هو حال الإسراف.. ليس كل الإسراف حراماً.. فـ إسراف ٧٠ مليون دولار في إحدى المعامل.. لإجراء تجربة البروتونات المُسرعة.. وتمثيل مشهد الانفجار الأعظم من جديد.. وتضيق تلك الملايين على جزء من مليون مليون من اللحظة.. ليس إسرافاً..

فترى المرأة تسرف ١ مليار دولار على المكياج.. والشباب ١ مليار أخرى على المخدرات.. والدول تسرف المليارات على الأسلحة.

ف الإسراف على هذا النوع من الجوع إلى العلم لإشباعه.. أنبل أنواع الإسراف.

كل الكلام والأفعال والأخلاق والمشاعر والتصرفات والأفكار اللي من غير نية طالعة بصدق من جوة،، وتحتل أكثر من معنى.. فهي كذبة! ولو قولتلي إن في حد صادق مع نفسه، ومع غيره.. في كل أقواله وأفعاله.. تبقى كذاب.



نحن نصدق.. نادراً ما نصدق.. نصدق صدقاً محدوداً.. صدق لحظي.. فما

أن تنطلق الكلمات بين الفم واللسان.. فتخرج كالرسم على الماء.. كالنقش على الرمال.. أو النفخ في الفضاء.

وبعد ذلك تتغير الظروف.. ويأتي دور العواطف والأقوال والمصالح.. وتلعب بها الألاعيب، وتُبتلي النفوس.. فتظلم وتُظلم.. وتتقلب القلوب.. فبعد النهار يأتي الليل وبعد الليل يأتي النهار.. فندور حول أنفسنا كما تدور الأرض حول نفسها، وندور حول بعضها البعض كما تدور الأرض حول شمسها أو كما تدور الأرض حول قمرها!

= تقصد القمر حول الأرض!

- لا.. لو وقفت على سطح القمر.. هتشوف الأرض هي اللي بتلف حول القمر، لكن إحنا بنقول القمر بيلف حول الأرض عشان إحنا على الأرض.. وعشان جاذبية الأرض أقوى.

معقول!! حتى دي كذبة!

ولا توجد كذبة بيضاء.. كسطح القمر.. حتى هذه كذبة أيضاً.. فالقمر سطحه قاتم، وما هو إلا إنعكاس لنور الشمس فوقه.. فنراه أبيض.

فالكذب الأبيض.. كالسم في العسل، والشطة في الكشري، والفرزة في فيلم الرعب.. ليس له طعماً...

فتظني الكذبة على بياضها.. كما تظني الشطة على طعم الأكل، وتذهب حلالة الكذبة في كونها كذبة.. كما تذوب أحداث الفيلم الدرامية وسط خوف وتأهب لردة فعل الفرزة.

فليس هناك كذب مُلوّن.. فالكذب أسود.. حتى يليق بنا.

- قولي بقي.. كذبت عليا في ايه!؟

= لقد كذبت عليك! ليس عندي من المال ولا الذهب ولا الإبل، وليس عندي منزل.. ولا حتى كهف مثلك.. حياتي صعبة ولستُ بارعاً في شيء... أنا فاشل.

- كان فيه طفل.. أبوه يتاع ريش.. الطفل ده اتأخر في الكلام ٤ سنين، واتأخر في الكتابة ٧ سنين.. وكان ساقط إعدادية، وسقط في الرياضيات والمدرسين كانوا يقولوا عليه إنه ما يفهمش.. وده خلّاه يبعد عن الناس وجاله توخذ.. بعد كده خلّص ثانوية عامة وواجه صعوبة في إنه يدخل الجامعة، ولما تخرج من الجامعة اترفد ٣ مرات من وظيفة التدريس عشان مبيعرفش يشرح.. وفي الآخر بقي ايه!؟

بقي أينشتاين.. صاحب نظرية النسبية الخاصة والعامة، اللي قليل أوي حد يفهمها، ولو فهمها مبيعرفش يشرحها، وحصل على جائزة نوبل في حاجة تانية خالص.. في ٣ حروف:

$$E=mc^2$$

طفل تاني، بعد موت أبوه.. أمه سابتة لجدته.. وهو ٩ سنين وكان عنده صعوبة في دفع المصاريف.. وساب المدرسة وقرر يشتغل في الزراعة! الطفل ده بقى نيوتن.. اللي وضع علم التفاضل والتكامل وهو عنده ٢١ سنة!! ووضع قوانين الحركة والسكون المشهورة.

الطفل الثالث.. كان يقعد سرحان في المدرسة، والمدرسين قاله عليه غبي.. واترفد من المدرسة بعد ٣ شهور، واتضح إنه مكنتش بيسمع كويس..

ونزل يبيع جرايد في الشارع.. وكان عنده معمل صغير في بيته بس أبوه كان يبحرمة منه.

الطفل ده توماس إيديسون.. اللي اخترع ٢٤٣ اختراع، منهم المصباح الكهربائي وآلة التصوير والفوتوجرافي.

الثلاثة دول يعتبروا من أهم ١٠٠ شخص في التاريخ!!!

بلااااش.. كان مزور ورق عشان يشتغل سواق على عريية إسعاف.. بعد كده ربنا فتحها عليه وبقي يصمم غلاف برنامج كل أسبوع.. بعد كده عمل شركة صغيرة.. وأنتج فيلم قصير مدته دقيقة واحدة! واللي بسببه الشركة أعلنت إفلاسها، ماسكتش وراح اشتغل في جرنال.. واترطمه لقلة خياله وإبداعه!!

الشخص ده مين؟!

والت ديزني.. أبوة صاحب شركة ديزني.. بتاعة فيلم شركة المرعبين المحدودة وميكي ماوس، وحصل على ٢٢ جائزة أوسكار!

هنري فورد.. اللي بدأ من الصفر، واشتغل في الزراعة، وضيع فلوس رجال أعمال كثير.. وأعلن إفلاسه ٥ مرات!

وأول عريية صممها اتكلفت ٦٠٠,٠٠٠ دولار!.. وبقي معاه بليون دولار بعد ١٥ سنة بس!.. وصاحب شركة فورد من أحسن شركات السيارات حالياً.

وساندرز كنتاكي.. صاحب مطعم كنتاكي.. أنا أه مش بحبه، بس اشتغل في خدمة السيارات، واشتغل فلاح ومطافي وفي الجيش وفتح بيته مطعم صغير.. واخترع وصفته اللي عرضها على ١٠٠٠ مطعم ورفضوا يشتروها.

ومن غاسل أطباق وحارس مطعم ثم حمال كراسي وترايبزات في فندق بسيط.. إلى الدكتور إبراهيم الفقي خبير التنمية البشرية والبرمجة اللغوية العصبية.

وستيفن كينج.. اللي أبوه هرب بحجة إنه رايح يشتري سجائر، وأمه اشتغلت خياطية.. ستيفن أصابه الضغط اللي أضعف بصره وسمعه، وما استسلمش وألّف أول كتاب.. ولكن جاله إحباط ورماه في الزباله!.. بس بعد كده كمل الكتاب وباع منه ٣٥٠ مليون نسخة واتعمل فيلم Carrie!

وزيّه.. دكتور سوس، أول كتاب ليه اتفرض من ٢٧ ناشر.. بس بعدها بقى أشهر مؤلف كتب أطفال وأكثرهم مبيعاً!

ونجيب محفوظ.. بعد روياته المثيرة للجدل واللي ما اتنشرتش، ومش بس كده، حاولوا اغتياله.. بقى أكثر أديب عربي اتحولت أعماله إلى سينما وتليفزيون، وأول عربي يحصل على جائزة نوبل في الأدب!

ويكسار Pixar وستيفن جوبز.. اللي اتفرد من شركته اللي هو مأسسها في البداية.. وصل وبقى صاحب شركة أبل apple.

وييل جيتس.. اللي بدأ من لا شيء وأصبح أغني رجل في العالم وصاحب شركة Microsoft.

أكيو مورينا.. اللي صنع حلل رز ومعرفش يبيعهها عشان كانت بتحرق الرز.. دلوقتي صاحب شركة SONY.

وزي ما في اللي اتغلب على الفشل والظروف الصعبة.. في اللي اتغلب على المرض والإعاقة الجسدية.. وأثبتوا إن الإعاقة إعاقة فكر مش إعاقة جسد.

أولهم.. طفل أبوه مُدمن كحول وأمه مريضة، قالوا عنه «لا أمل له في الفن».. بس هو كان يحب الفن والموسيقى، ويوم ما مشيت معاه شوية.. جاله صمم، بمقاش بيسمع اللي بيعزفه!، وانعزل عن الناس وفكّر ينتحر.. بس عشان هو بيتهوفن ما استسلمش، وبقي أعظم موسيقار وألّف ٩ سيمفونيات، ٣٢ بيانو، ٥ كمان، وغيرهم .

وبعده على طول.. هيلين كيلر.. اللي من صغرها مش بتسمع ولا بتشوف!! وبالتالي معرفتش تتكلم ولا تتعلم.. بس قدرت تتواصل مع عائلتها بـ ١٦٠ إشارة.. مش بس كده، حوّلت الإشارات دي لـ ٩٠ كلمة.. واتعلّمت جغرافيا على أرض الجنينة بتاعتها، وبقت أديبة ومحاضرة عظيمة ومثال مُشرف للمرأة في التحدي والإصرار.. بل للإنسان.

وفان غوخ.. اللي جاله مرض عقلي وودنه اليمين اتقطعت، وكان عايش فترة كبيرة مع الجوع والرسم عشان ظروفه صعبة.. رسم حوالي ٨٠٠ لوحة! مقدرش يبيع منهم إلا لوحة واحدة بس!، وكانت لصاحبه!!!! ودلوقتي بعد ما مات بقي ليه معرض بـ اسمه، ولوحاته بقت أغلي لوحات في العالم.

وأهمهم! ستيفين هاوكينج.. اللي وهو لسه شاب ٢١ سنة جاله مرض عصبي، مرض بيموت وملوش علاج والدكاترة قالوا مش هيعيش أكثر من سنتين وبعد كده جاله شلل ومقاش يتحرك.. مش بس كده، جاله إلتهاب في القصبه الهوائية، ومقاش ينطق ولا يحرك ذراعه ولا رجله.

ستيفين هاوكينج لسه عايش.. عنده ٧٤ سنة، ومن أشهر علماء الفيزياء على مستوى العالم، وفي مجال صعب جداً، وهو دراسة الكون والثقوب السوداء والديناميكة الحرارية ودراسات التسلسل الزمني، وقدر يتغلب

على زمايله اللي بيتحركوا ويفكروا بالورقة والقلم.. ستيفن كان يحسب كل معادلاته وحساباته في مخه وشركة إنتيل صممت له جهاز مخصوص، كمبيوتر ناطق بيتوصل بعقله، ويطرح حركة عينه ورأسه إلى كلام.. يعني يقدر يتكلم من خلال الكمبيوتر ده.

ستيفن ألف كتب كثير.. من ضمنها كتاب يُصنّف من أكثر الكتب مبيعاً في التاريخ، أكثر من شكسبير.. بمعدل كتاب لكل ٥٠٠ شخص على الكرة الأرضية!

وزي ما في ناس قدرت تتحدي المرض والإعاقة.. في ناس قدرت تحول الصعوبات والإعاقات لنجاح وتميز، ونفس نقطة الضعف ده حولتها قوة.

فمثلاً برايل اللي أصابه العمى، ومبقاش يشوف من وهو ٣ سنين، قدر يستغل العمى ده في إنه يخترع طريقة يتغلب بيها على العمى -طريقة برايل-، وساعد كل المكفوفين إنهم يقرأوا..

وزيه طه حسين، أصابه العمى وهو ٤ سنين، وبقي عميد الأدب العربي وطلع «عينا» كلنا في قصة الأيام في ٣ ثانوي.

ودكتور مصطفى محمود.. اللي درس الطب، وكان يقضي طول اليوم قدام جثث الموتى ويتأمل فيها، جازي لو مكنتش أهد، مكنتش وصل لكمية الكتب اللي ألفتها في جميع المجالات؛ العلمية والدينية والفلسفية والسياسية والروايات وغيره.. ومكنتش حصل على الجوائز دي.

فمن الإلحاد إلى «العلم والإيمان» حوالي ٤٠٠ حلقة من أشهر البرامج عالمياً.. واللي كان سبب في هداية ناس كثير، وتزويدهما بالإيمان واليقين، ورغم

العلم والشهرة والنجاح الكبير، ورغم البساطة التي كان فيها.. رفض توتّي منصب الوزارة، ده غير الأعمال الخيرية من مراكز وقوافل طبية، ومراصد فلكية ومتاحف ومساجد.. فهو خير مثال على «عِلْم يُنْتَفَعُ بِهِ» بعد مماته.

وأخيراً وليس آخراً.. دكتور أحمد زويل، اللي من وهو ٨ سنين كانوا بينادوه يا دكتور.. خَلَصْ ثانوية عامة ودخل كلية العلوم وتفوّق فيها بـ امتياز وسافر أمريكا بشهادته.. بـ كام كتاب قراه على كام قصة على كام فيلم

لو كان أحمد زويل زعل إنه مادخلش طب ودخل علوم.. وراح قعد في كافتيريا تجارة أو آداب.. كان زمانه مُدرّس علوم في مدرسة النموذجية بنات وما كنش خد جايزة نوبل في الكيمياء والذرة وجوايز تانية.. وبقي شرف لنفسه وليته ولبلده.. ونشر أكثر من ٣٥٠ بحث علمي.. وأصبح من أبرز العلماء في مجال الليزر في الولايات المتحدة بترتيب الـ ٩ ضمن ٢٩ واحد من ضمنهم اينشتاين وجرهام بيل.

خليك سفنجة.. لو قطعتها فتايت صغيرة بإبرة، وطحنتها وفرمتها بشاكوش، وعصرتها في قماش ثقوبه صغيرة، وصفيته في مصفاة ثقوبها أصغر من القماش.. الذرات اللي اتبقت من كل التقطيع والطحن والعصر ده، كل نقطة منها هتكبر تاني، وتكوّن حيوان الإسفنج زي ما كان وكأن مفيش حاجة حصلت.

«جائز مشكلتك تفاحتك.. وأنت نيوتن»!

خلاصة الكلام.. لو قلمك الرصاص اتكسر نصين.. ابري النص الثاني.. هيبقى معاك قلمين.

« فليست كل النهايات نهاية.. إذا جعلتها أنت بداية».

= احذرررررر!! احذر! وحش.. وحش.. ما هذا!!!!!!

لقد ذهب ما هذا!

- معر.. معر.. ده طائر.. أنت أنقذتني.. شكراً.

= هل أستطيع أن أصبح خادمك؟ سأساعدك فيما تطلب.. أريد فقط أن

أنام في هذا الكهف.

- ممم.. مقابل أنك أنقذت حياتي؟.. ماشي، من دلوقتي أنت المساعد

بتاعي، وهتبات هنا معايا.

= شكراً.. شكراً لك.

- قول لي بقي الساعة كام دلوقتي؟

= ماذا تعني؟

- الساعة؟! التوقيت؟ الزمن؟!

= لا أعرف ماذا تقصد!

الإنسان الكائن الوحيد اللي أدرك الزمن وقدر يقيسه وعرف الماضي

والحاضر والمستقبل.. قدر يحدد الوقت من زمان.. ومش بس كده، ده قدر

يحفر التاريخ على الصخر، ويسجل حضاراته فمثلا الشجرة.. استخدم

عُمر الأشجار عشان يتعرف على عُمر الحضارات، لو قطعت الشجرة

هتلاقي الجزء مكون من حلقات، دواير جوه بعضها.. كل سنة الشجرة

تعيشها تسجلها في شكل دايرة مش بس كده.. الدايرة تفرق على حسب

الجو.. لو المناخ صالح للنمو، تلاقى الدائرة تخينة.. لو المناخ كان صعب، تلاقى الدائرة ربيعة!

يعني الشجرة بقت زي الأرشيف.. كتاب مسجّل في صفحاته الزمن والطقس.. لحظة به لحظة بعد كده.. الإنسان وصل لأنه يستخدم الفخار في تحديد الزمن عن طريق إنه لما يبخرقه بيطلع طاقة على شكل أشعة يقدر يحسبها، ويقسمها على معدل معين، فيعرف الفخار عاش كام سنة ومش بس كده، قدر يحسب نسبة تحوّل البوتاسيوم إلى أرجون في الصخور، وبردو بحسابات دقيقة وعن طريق التفاعل والتحوّل الذري ده.. قدر يعرف عُمر الصخور.

وأخيراً كربون ١٤، اللي موجود في كل الكائنات الحية، حتى في جسمنا.. ويفضل يزيد لحد ما الكائن يموت.. كميته توقف.. وتبدأ تقل للنص كل كام سنة.. ف من حته عظمة، نقدر نحدد عُمر الكائن، ومن أي زمن.. وكان الشجرة ساعة، والصخرة والفخار ساعة.

ومن الشجرة اللي بتعيش ٧٠٠٠ سنة، للفخار اللي بيعيش ١٠٠،٠٠٠ سنة، للصخور اللي بتعيش ٤٠٠ مليون سنة، للكربون ١٤ اللي قدرنا من خلاله نحسب أعمار من مليارات السنين بخطأ حسابي لا يزيد عن ١٠٠ سنة، إلى الساعات الرملية والمائة، والساعات القمرية والشمسية .

كل الساعات دي قائمة على التغيير والتآكل، حتى الساعة الشمسية اللي هي عبارة عن انحراف الظل مبني على حركة الشمس، وتغيّرات مكان الظل، وتغيّر نسبة الرمل في الساعة الرملية.. ف الزمن قائم على التغيّر.. الزمن نفسه مُتغيّر.

= ماذا لو أن هناك شيء لا يتغير!؟

- الله لا يتغير.. لا يكبر ولا يصغر، لا يشيخ ولا يبداً ولا ينتهي، ليس له ماضي ولا حاضر ولا مستقبل الله لا يجري عليه طارئ الزمان.. لأن الله خالق الزمان.

الزمن مخلوق من مخلوقات الله، مخلوق مع الكون.. فالله كائن قبل الكون وبعد فئاته.. الله قاهر الزمن وبأسطه.

الله لا يستجد عليه شيء.. فالمستقبل بالنسبة إلى الله قد حدث ودون في أم الكتاب.

المستقبل ماضي ولذلك استخدم الله الفعل الماضي في قرآنه.

﴿وَنُفِخَ فِي الصُّورِ فَصَعِقَ مَنْ فِي السَّمَوَاتِ وَمَنْ فِي الْأَرْضِ إِلَّا مَنْ شَاءَ اللَّهُ ثُمَّ نُفِخَ فِيهِ أُخْرَىٰ فَإِذَا هُمْ قِيَامٌ يَنْظُرُونَ﴾ [الزمر: ٦٨].
﴿إِذَا وَقَعَتِ الْوَاقِعَةُ﴾ [الواقعة: ١].

لكن نحن عالمنا عالم التآكل والإنحلال.. عالم الزمان، لكن الله فوق الزمان، ولا يخضع للزمان ولا ينتظر شيئاً.

كل ما عدا الله مُتَزَمِّنٌ بالزمان.. خاضع له، لكن مع اختلاف وتفاوت.
﴿تَرْجُ الْمَلَائِكَةُ وَالرُّوحُ إِلَيْهِ فِي يَوْمٍ كَانَ مِقْدَارُهُ خَمْسِينَ أَلْفَ سَنَةٍ﴾ [المعارج: ٤].

يعني الملائكة والروح يومهم بخمسين ألف سنة من يومنا.

﴿يُدَبِّرُ الْأُمُورَ إِلَى السَّمَاءِ إِلَى الْأَرْضِ ثُمَّ يَعْرُجُ إِلَيْهِ فِي يَوْمٍ كَانَ مِقْدَارُهُ أَلْفَ مِائَةٍ مِمَّا تَعُدُّونَ﴾ [السجدة: ٥].

و ملائكة أخرى - ملائكة التدبير - يومها بألف سنة ده لأن الملائكة ليها منظومة حركية غيرنا.. مخلوقات تانية، مخلوقات نورانية في ملكوت وعالم ثاني وسما تانية.

إحنا لينا تقويم زمني بنعيش فيه، والإنسان لما يموت هيخرج من تقويم زمني لتقويم زمني ثاني مختلف، اليوم فيه مش هو اليوم والسنة مش هي السنة ف يوم البعث يتهيأله إن كل السنين اللي عاشها واللي عدوا عليه في القبر.. إنهم ساعة، ويحلف على كده، ده لأنه فعلاً خرج من تقويم زمني لتقويم زمني ثاني.

﴿ وَيَوْمَ تَقُومُ السَّاعَةُ يُقْسِمُ الْمُجْرِمُونَ مَا لَبِثُوا غَيْرَ سَاعَةٍ كَذَلِكَ كَانُوا يُؤْفَكُونَ ﴾ [الروم: ٥٥].

﴿ وَيَوْمَ يُحْشَرُهُمْ كَانُوا لَبِثُوا إِلَّا سَاعَةً مِنَ النَّهَارِ يَتَعَارَفُونَ بَيْنَهُمْ ﴾ [يونس: ٤٥].

ومع إنه الخالق فوق عباده، ولأنه الخالق فوق عباده.. فهو مع كل مخلوق من مخلوقاته، قريب يجيب من دعاه.

﴿ يَسْأَلُهُ مَنْ فِي السَّمَوَاتِ وَالْأَرْضِ كُلَّ يَوْمٍ هُوَ فِي شَأْنٍ ﴾ [الرحمن: ٢٩].

فيسأله أهل السماوات في يوم قدره ألف سنة، ويسأله أهل الأرض في يوم مقداره ٢٤ ساعة.. ويسأله أهل الذرة والنواة في يوم مقداره جزء على مليون مليون من الثانية.

وده الزمن الموضوعي.. الزمن المادي الملموس.. زمن الساعة.. زمن الأفلاك.. زمن خارجي مشترك.. زمن ساعة اليد أو نتيجة الحائط .

أما الزمن الوجودي.. الزمن الداخلي.. زمن الأحلام.. زمن شخصي

لا يُقاس.. أحداثها سنوات وقرون فتحلم أنك صغير وتكبر يوم بعد يوم
وسنة بعد سنة، وتنتهي دراستك.. فتحب وتزوج وتُنجب، وتشينخ فتموت..
أحداث وسنين مرت في ٤ ثواني معدودة على ساعتك بجانب المخدة.

و زمن الإمتحان اللي بيعدى في ثانية لما المراقب يقول بصوت مستفز
«فاضل ربع ساعة» ودقة قلب زيادة تتولد في اللجنة والوقت يعدي كأنه
رُبع ثانية.

كل نظام حركي ليه تقويم مختلف؛

ف الساعة هي دورة الأرض ١٥ درجة حول نفسها، واليوم هو دورة كاملة
للأرض حول نفسها والسنة هي دورة كاملة للأرض حول شمسها.

- وده معناه إن الساعة واليوم والشهر والسنة.. مصطلحات ترمز إلى
أوضاع مختلفة من المكان - مكان الأرض حول نفسها وحول الشمس.

وكل الساعات اللي على كوكب الأرض مضبوطة على تقويم النظام
الشمسي.

بس النظام الشمسي مش الوحيد في الكون؛

ف عطارد مثلاً بيدور حول نفسه في ٨٨ يوم، وحول الشمس برودو في
٨٨ يوم!، وده معناه اليوم في عطارد قد السنة.. يومه قد سنته، وده تقويم
مختلف.

وكلمة «دلوقتي» مينفعش تتقال على الكون كله.. لاختلاف المكان
ولكن ممكن نقولها على تزامن حدثين في مكانين مختلفين.. ف مثلاً:

لو أنت قاعد في البلكونة في باريس واتصلت بصاحبك في نيويورك هتقوله «.. ده أنا قاعد دلوقتي بتفرج على شروق الشمس».. وهو عنده في نيويورك ليل، هنا نقول إن شروق الشمس في باريس يتزامن مع الليل في نيويورك على كوكب الأرض في تقويم المجموعة الشمسية في مجرة درب التبانة في الكون بتاعنا.. بس عشان إحنا عايشين على نفس الكوكب ونفس المجموعة والمجرة والكون، مش لازم نقول كل التفاصيل دي.. بس لازم عشان نحدد أي حدث نقول في المكان كذا في الوقت كذا.

ف ممكن النجمة اللي أنت شايفها دي.. تكون انفجرت وقت ما أينشتاين كان عايش ويفكر في الموضوع ده ووصل للنسبية، والضوء الناتج عن الانفجار احتاج كل السنين دي عشان يوصل لينا، ونجمة تانية انفجرت دلوقتي - تزامن وقت انفجارها مع حدث إنك بتقرأ الكتاب.. حفيدك يشوفها بعد ١٠٠ سنة، وميجيش في دماغه أي حاجة من الكلام ده، وكل اللي هيفكر فيه.. مشهد «تيمون وبومبا» بتاع «دبان منور لازق في السجادة الزرقا اللي فوق ديه».^(١)



(١) معلومات طريقة: نور الشمس بياخد ٨ دقائق عشان يوصل الأرض.

النسبية كما هي

يقول أنيس منصور في كتاب «الخالدون المائة وأعظمتهم محمد رسول الله» عن المؤلف مايكل هارت.. عن أينشتاين ونظرية النسبية «لا يستطيع أي إنسان أن يشرحها في مجلة لعامة الناس مهما أوتي من القدرة على

التوضيح» وإن أينشتاين نفسه معرفش يشرحها!

ودي بنا في كلام أينشتاين نفسه لما قال «إذا لم تستطع شرح فكرتك لطفل عمره ٦ أعوام فأنت نفسك لم تفهمها بعد!»

ومن هنا جاء التحدي! إني أفهم نظرية النسبية.. وأشرحها لك.

الموضوع بدأ إزاي؟.. قبل أينشتاين كان فيه ٣ حاجات مرتبطين ببعض.. الزمان والمكان وسرعة الضوء.. في معادلة واحدة.

الكل كان معتقد إن الزمان هو الثابت.. والمكان وسرعة الضوء اللي بيتغيروا.. أينشتاين فكّر تفكير طفولي بسيط.. وهنا تكمن العبقرية، أينشتاين تخيل نفسه بيسابق شعاع ضوء.. هيحصل ايه لو راكب عجلة فيها كشاف بيطلع نور قدامه، وهو كل شوية يسرع عشان يسابقه.. اللي استنتجه من الفكرة دي.. إن سرعة الضوء هي اللي ثابتة، وده دهناه إن الزمان والمكان هم اللي بيتغيروا (نسبيين)!!..

مش بس كده.. دول مرتبطين ببعض في بُعد واحد اللي هو «الزمان»

ركز معايا ..

١. الحركة ليست حركة مطلقاً وإنما نسبية،

تخيل إنك راكب عريية جنب الشباك وماشي بسرعة جنب شجر.. هتبص على الشجر هتحس إن الشجر اللي بيتحرك، مش أنت.. فجأة جت جنبك عريية بتمشي بنفس السرعة، هتحس إن العرييتين واقفين، والشجر بس اللي بيمشي.. مع إن العرييتين اللي بيتحركوا!

ولو تخيلت إنك راكب طائرة بتتحرك بثبات ومفيش صوت محركات ولا مطبات هوا، وقدامك كوباية مائة مائة ثابتة مش بتتحرك، وأنت حاسس إنك واقف بس في الحقيقة.. أنت بتتحرك والمياة بتتحرك، والطيارة بتتحرك، مش بس كده، الكرة الأرضية كلها بتتحرك وبتلف حول نفسها، وحول الشمس، اللي بتلف حول المجرة، والمجرة كلها بتلف.. ده مفيش حاجة ثابتة بقى!

بس إحنا مش بنحس بالحركة دي.. عشان كل حاجة بتتحرك بنفس السرعة في وقت واحد.. زي العرييتين اللي ماشيين جنب بعض بنفس السرعة!

= أنت عايز تقول ايه؟!

- عايز أقول إن الحركة نسبية.. يعني الطيارة بتتحرك بالنسبة للأرض، والأرض بتتحرك بالنسبة للشمس، والشمس بتتحرك بالنسبة للمجرة، والمجرة بتتحرك بالنسبة للكون، وده معناه إننا منقدرش نقول على حاجة بتتحرك إلا

لما نراقبها من بره.. من رصيف ثابت، وبما إن مفيش مكان ثابت.. فالحركة ليست مطلقة، ولكنها نسبية.

٢. سرعة الضوء ثابتة ٤٥٨،٧٩٢،٢٩٩ متر/ ثانية (حوالي ٣٠٠ ألف كيلو متر / ثانية) مهما كانت سرعة المصدر؛

تخيل أنك بتجري بسرعة معينة، وفيه رياح (هواء) بتزقك في نفس اتجاهك، سرعتك هتزيد هتساوي (سرعة الجري + سرعة الرياح)، طيب لو الرياح دي عكس اتجاهك، سرعتك هتقل لأن الرياح بتزقك الناحية الثانية (سرعة الجري - سرعة الرياح)


طيب لو جبت مصدر ضوء «كشاف» ليه سرعة معينة وهي سرعة الضوء، وركبته في قطر ليه سرعة معينة بردو.. المفروض سرعة الضوء تزيد عشان القطر (زي ما سرعتك زادت وأنت بتجري عشان الرياح)!

لا!، لقوا إن سرعة الضوء ثابتة.. مهما كانت سرعة المصدر يعني لو جبت مسدس وحطيت فيه رصاصة مصنوعة من الضوء، وضربت.. هتلاقي إن الرصاصة بسرعة الضوء مش سرعة ضربة المسدس!


٣. التباطؤ الزمني؛

تخيل إنك رائد فضاء على مركبة فضاء.. طيارة في الفضاء، وواحد ثاني مسئول مراقبة على الأرض، وأنتو الاتنين معا كوا نفس الساعة بنفس الماركة.. زي بعض بالظبط، وفيه لمبة في أرضية المركبة الفضائية بتطلع نور يخبط في السقف في نقطة معينة وفي وقت معين.. أنت بتقيس الوقت ده، والمراقب بيتقيس.

أنت هتشفوف النور ماشي في خط عمودي.. لأن كل حاجة بتتحرك بـ
نفس السرعة (أنت والمركبة والأرض والسقف والكشاف)



لكن المراقب هيشوف إن النور ماشي في خط مايل.. لأن على ما الضوء
يتحرك، ويوصل للنقطة اللي في السقف.. تكون النقطة اتحركت، لكن
المراقب ثابت.



وده معناه إن المسافة زادت، وبالتالي لما أنت تقيس الوقت، والمراقب
يقيس الوقت.. مش هيبقوا زي بعض.

المراقب هيسجل زمن أكبر عشان المسافة أكبر.. مش بس كده، لو
قارنت ساعتك بـ ساعة المراقب هتلاقى إن ساعتك مأخرة عن ساعة

المراقب، بس أنت - ك رائد فضاء - مش هتحس إن الزمن أبطأ، لأن كل حاجة على السفينة بطأت.. ضربات قلبك أبطأ، الماية اللي أنت حطتها تغلي، بتغلي أبطأ، تدفق الدم لعقلك أبطأ... إلخ.

وده معناه إن الساعة المربوطة في جسم متحرك أبطأ من الساعة المتعلقة على الحيطه، وكل ما زادت السرعة، الوقت يبطل أكثر.. لحد ما يوصل لسرعة الضوء، الساعة هتوقف خالص!!

= ماذا تعني! هل تعني أنني عندما أكون على حمارتي أن الوقت يتباطئ لأنني أتحرك وأزيد في سرعتي!!!

- أه، ولو راكب عربية أو أتوبيس، الوقت يبطل.. بس بقيمة قليلة جداً - لا تذكر-، واحد على مليون مليون من الثانية.. لأن السرعة قليلة جداً - نسبة لسرعة الضوء.

= ماذا لو زادت السرعة؟!

- كل ما زادت السرعة، الزمن يبطل أكثر.. لو رائد الفضاء سافر بنص سرعة الضوء لمدة ١٠ سنين هيكبر في السن ٥ سنين بس!

ولو سافر بسرعة الضوء، الزمن هيقف ومش هيكبر في السن!!

ولو سافر بسرعة أكبر من سرعة الضوء.. لمدة ٥٠ سنة، هيرجع الأرض يلاقي عدى عليها ملايين السنين!!

بلاش، لو فيه اتنين توأم.. واحد فيهم سافر في الفضاء لسنين والثاني فيضل على الأرض.. اللي سافر هيرجع يلاقي أخوه أكبر منه في السن، وكل ما كانت سرعته أكبر.. كل ما كان الفرق في السن أكثر.

= كفانا نظريات!! هذا ليس منطقيا!!

- دي مش نظريات.. سنة ١٩٧٧، عملوا تجربة على جسيمات اسمها «ميونات» عُمرها لا يتعدي جزئين على مليون من الثانية.. لما وصلت سرعة الميونات دي لسرعة قريبة من سرعة الضوء.. عُمرها زاد ٣٠ ضعف!!

رائد الفضاء الروسي سيرجي كريكاليف اللي عاش في الفضاء ٧٤٨ يوم، وهي أطول مدة لرائد الفضاء بسرعة ٢٧ ألف كيلومتر في "الساعة"، لقوا إنه أصغر من سنه الطبيعي بحوالي ١ / ٥٠ ثانية!! يعني سافر عبر الزمن للمستقبل!!!!!!!!!!!!!!!!!!!!!!!!!!!!!!

٤. تقلص الأطوال،

تخيل إنك رائد فضاء على مركبة مسافرة من كوكب الأرض لـ كوكب تاني بسرعة ثابتة.. وبتحسب الوقت اللي هتوصل فيه ومستول المراقبة. ($t=s/v$) اللي على الأرض بيحسب الوقت بردو

إحنا متفقين إن أنت كرائد الفضاء.. الزمن بتاعك أقل من مستول المراقبة، وبما إن السرعة ثابتة (v).



ده معناه إن المسافة بتقل!.. بالنسبة لرائد الفضاء كل شيء بيقل، الزمن بيبطئ والمسافة كمان بتقلص، كل شيء بيتقلص أو بيتضغط، مركبة الفضاء والأرض والكوكب التاني وحتى رائد الفضاء نفسه تقلص!

فلو كانت المسافة ١ بقت ١/٢، ولو الزمن كان ثانية بقى نُص ثانية، السرعة ثابتة.. وتفسير إن رائد الفضاء مش بيحس إن مركبة الفضاء تقلصت ومحتوياتها كلها تقلصت، إن هو كمان تقلص حتى الشبكية اللي موجودة في

عينه تقلصت، عشان كده الإشارة اللي وصلت للمخ طبيعية ومش هيחס بالتقلُّص ده.


وده معناه إن السرعة مش بتأثر على الزمن بس.. بتأثر كمان على المكان.

وزي ما الساعة المربوطة في جسم مُتحرك أبطأ من الساعة المتعلقة على الحيطه.. ف المسطرة اللي طابرة في الفضاء بتقلص على حسب سرعتها، ولو وصلت لسرعة الضوء، هتقلص وطولها هيبقى صفر.




٥. فقدان التزامن:

تخيل إنك رائد فضاء على مركبة فضائية، وفيها مصدرين ضوء.. واحد بيطلع ضوء لمقدمة المركبة والثاني بيطلع ضوء لمؤخرة المركبة في نفس الوقت، والمسافتين قد بعض بالنسبة ليك - كرائد فضاء - الضوء هيوصل للنقطتين في نفس الوقت.




أما بالنسبة لمسئول المراقبة: هيشوف الضوء وصل لمؤخرة المركبة قبل المقدمة، لأن المركبة بتتحرك في الإتجاه ده، وده معناه إن مؤخرة المركبة بتقرب لمصدر الضوء (ف المسافة بتقل والزمن بيقل)، ومقدمة المركبة بتبعد عن مصدر الضوء (ف المسافة تزيد والزمن يزيد).

وده معناه إن الحدثين مش بنفس التزامن - بالنسبة للمراقب من على سطح الأرض -



طيب لو عدى جنبك رائد فضاء تاني على مركبة فضاء أسرع منك - يعني هو شايفك بترجع لوراء - هيشوف الضوء وصل للمقدمة قبل المؤخرة.



من الآخر.. تزامن الأحداث يختلف حسب مكانك من الحدث.

مثال أبسط:

لو أنت واقف في برج القاهرة من فوق بين المقطم والأهرامات، والمسافة بينهم قد بعض بالظبط، ونوروا في نفس الوقت.. أنت فعلاً تهشوفهم الاتنين منورين في نفس الوقت، لأن النور وصل لعينيك من المكانين في نفس الوقت، لكن لو بالصدفة كان فيه طائرة طائرة فوقك من الأهرامات للمقطم بسرعة أكبر من سرعة الضوء.. الراجل اللي في الطائرة هيشوف المقطم بس اللي منورة والأهرامات ضلمة!، لأن النور اللي في الأهرامات مش قادر يوصل لعين الراجل اللي في الطائرة، لأنه أسرع من سرعة الضوء، ولو بطأ شوية هيشوف المقطم نورت الأول وبعد كده الأهرامات!


= لحظة! ماذا تعني؟! هل يُعقل أني إذا نظرتُ إلى صبي يلقي الحجر على نافذة زجاج فتكسر.. من مكانين مختلفين، يمكن أن أرى النافذة مكسورة قبل إلقاء الصبي الحجر!!؟

- إذا كانت سرعتك أكبر من سرعة الضوء.. أه!، بس ده مستحيل لأن مفيش حاجة أسرع من الضوء!

٦. انحناء الكون:

ببساطة لو جبت شبكة (واعترتها الفضاء)، وجبت بطيخة كبيرة (واعترها الأرض)، ورميتها في وسط الشبكة.. هيحصل ايه؟

الشبكة هتنزل من النص لتحت ويحصل انحناء في الفضاء، والبطيخة اللي هي الأرض هتفضل تطلع وتنزل، كأنها بتعموم في بحر على وش الموج، طب لو جبت تفاحة واعترتها القمر، ورميتها في المدار حول البطيخة.. التفاحة هتلف حول البطيخة (القمر هيلف حول الأرض).



الشبكة مكوّنة من خيطين.. خيط مكان، وخيط زمان، مع بعض يعملوا نسيج الزمكان.

٧. الزمكان والبعد الرابع،

لو كنت واقف في بحر أو على الأرض، وعايز تحدد موقعك على خريطة.. ف أنت محتاج بُعدين بس الطول والعرض.. ف أنت عند نقطة التقاء خط الطول كذا مع خط عرض كذا ولو كنت طائر في الهواء أو في طائرة، وعايز تحدد موقعك على الخريطة.. ف أنت محتاج ٣ إحداثيات أو أبعاد.. الطول والعرض والإرتفاع.. ف أنت عند نقطة التقاء الـ ٣ أبعاد.

لكن لو بتتحرك وعايز تحدد موقعك.. ف أنت محتاج بُعد رابع، وهو الزمان.. لأن الزمان والمكان جزء واحد متصل، فالْبُعد الرابع هو «الزمكان»، ف أنت عند نقطة التقاء الـ ٤ أبعاد.. عند خط طول كذا وعرض كذا، على ارتفاع كذا في الوقت كذا، والدليل على كده إن إحنا لو عايزين نحدد الزمان، بنحدده بالمكان من غير ما نحس بترجم المكان لزمان

ونقول: «وقت الغروب» وهو مش وقت، ده حركة الشمس من مكان لمكان بالنسبة للأرض، وبنقول «ساعة ويوم وشهر وسنة» على حركة الأرض حول نفسها وحول الشمس.. والعكس صحيح، لو عايزين نحدد مكان، بنحدده بالزمان من غير ما نحس بردو.

إحنا لما بنبص على مكان نجم من النجوم.. فإحنا بنبص في ماضي النجوم، بيتا وبينها سنين ضوئية، ومع ذلك إحنا مش قادرين نتخيل الشكل الرباعي الأبعاد.. لأن الزمان مش ملموس، مش بنشوفه ولا بنمسكه، مش زي الطول والعرض والارتفاع، وده لأن حواسنا محدودة.

ولتسهيل الموضوع شوية.. تخيل إن الحياة فيديو على اليوتيوب، لو وقفت عند لحظة معينة هتشوف الصورة بـعدين طول وعرض، ولو الفيديو تُلاثي الأبعاد هنزود بُعد كمان، يبقى طول وعرض وارتفاع، ولو شغلت الفيديو هيبقى ٤ أبعاد، طول وعرض وارتفاع وزمن، وكأن اللقطات المنفصلة دي فيديو متصل بتتابع زمني «التحام بين الزمان والمكان» - الزمكان -.

وده معناه.. إن الأحداث اللي حصلت في الماضي موجودة فعلاً في الزمكان، والأحداث اللي هتحصل في المستقبل موجودة بردو.. زي ما الحاضر موجود حولنا وزمي ما المكان موجود في نقطة في الزمن.. الزمن كله موجود في نقطة في المكان وزمي ما اللحظة اللي أنت قاعد تقرأ الكتاب فيها دي موجودة، ف اللحظة اللي أنت بدأت تقرأ فيها الكتاب موجودة، واللحظة اللي هتقرر تسبب فيها الكتاب بعد ما جالك صداع من المواضيع الغريبة والمعقدة دي، وتقوم تعمل كوباية قهوة.. موجودة.

وده يفسر إن ربنا عارف كل حاجة عملناها وبنعملها وهنعملها، عشان كل حاجة عنده حصلت خلاص، ومتسجلة حرف حرف.

ف تخيل حياتك شريط قدامك بتتفرج عليه، وليكن مدته ٧٠ دقيقة، كل دقيقة بـ سنة.. إحنا بننام في اليوم حوالي ٨ ساعات، يعني تلت اليوم، يعني تلت العمر، يعني حوالي ٢٤ سنة!!!

يعني بنعيش فعلياً تلتين عمرنا، حوالي ٤٦ سنة.. نقول عدى منهم ٢٠ سنة، وفاضل زيهم، وفي أي لحظة ممكن الشريط يوقف ويخلص، بس مش دي القضية.

القضية: أنت عملت ايه في الـ ٢٠ سنة دول؟ هل تستحق لقب إنسان؟ هل تستحق اسمك يتحط في موسوعة إنسانولوجي؟!

عملت ايه لنفسك قبل غيرك، وعملت ايه لغيرك مش لنفسك، استفدت ايه؟ أفدت مين؟ وبـ ايه؟

غيرت؟ اتغيرت؟!

أنت فخور بـ شريط حياتك؟ راضي عنه؟ مش عايز تعمل Crop لكام دقيقة كده.

طيب ما لسه في فرصة! ولو دقائق في فيديو.. ياما ساعات عدوا علينا دقائق، وياما دقائق كانوا ساعات.

ف الدقيقة تساوي ساعة وسنة لو ليها قيمة ونية سليمة، والساعة دقيقة لو نائمة وزيتها زي غيرها مش دائمة.

آلة الزمن

تخيل إن الكون تفاحة وأنت دودة ماشية على التفاحة، وكل ما تمشي الزمن يعدي عليك.. طيب بما إنك دودة، لو دخلت جوة التفاحة وخرجت من مكان تاني.. بما إن الزمن مرتبط بالمكان فأنت هتخرج لزمان تاني!! وده اللي اسمه الثقب الدودي (الشق الدودي)، مكان موجود في الفضاء عبارة عن ثقب.. حفرة في الزمكان.. منحنيات في الزمكان.. طريق مختصر يحلينا نسابق الضوء، سميها زي ما تحب.

بعد ما تعدي من الثقب الدودي، هتلاقى نفسك في عالم تاني، ومجرات تانية وكواكب تانية، وشمس جديدة، بتقويم جديد، وجاذبية مختلفة، وقوانين جديدة.

ونتيجة احتراق النجوم وانهارها تحت ضغط.. تتحوّل لنجم نيتروني، وتكوّن ثقب أسود.. نقطة سوداء مظلمة، كثافتها عالية، وجاذبيتها أعلى.. لدرجة إنها بتجذب كل شيء، حتى الضوء ومع زيادة الجاذبية.. الزمن بيتغير ويبطئ ونتيجة كل ده، نلاقى إن الكواكب الجديدة المختلفة عن كواكبنا.. جاذبية وتقويم مختلف خالص!

فمثلا: الساعة على الكوكب ده: بتوصل لـ ٧ أو ٨ سنين على كوكب الأرض.

ف أنت لو قعدت يوم ورجعت الأرض هيكون عدى ١٩٢ سنة! ولو قعدت شهر ورجعت هيكون عدى ٥,٧٦٠ سنة!! ولو قعدت سنة ورجعت هيكون عدى على الأرض ٧٠,٠٠٠ سنة!!!!

يعني أنت كده سافرت عبر الزمن.. سافرت للمستقبل!

هو صعب تقعد سنة على الكوكب ده، بس ممكن تضيع الوقت ده بالنوم في جهاز Suspended Animation أو وضع الثبات المعلق.

ده جهاز يبسط العمليات الحيوية في الجسم.. زي التنفس وضربات القلب وكهرباء المخ واللاوعي عن طريق التبريد الشديد باستخدام النيتروجين السائل، وفيه منه تظبط عايز تنام قد ايه بالظبط وتصحى، وبكده تحافظ على نسبة الاكسجين وكمية الأكل والشرب اللي معاك، وتحافظ على خلايا جسمك والعمليات الحيوية بياك تقلل الأيض .Metabolism

= انتظر لحظة!! يعني.. هذا يعني.. أنك.. أنت من الماضي؟ لكن كيف؟! أنت تعلم الكثير عن المستقبل! أخبرني.. أ.. أنت من الماضي أم المستقبل؟! - اهدأ بس! عشان تسافر للماضي.. كل اللي هتعمله إنك هتسافر للمستقبل، وأكيد أكيد بعد ٧٠,٠٠٠ سنة هيكونوا اخترعوا آلة زمن وترجع للماضي، وده اللي حصل فعلاً.

= ك.. كيف؟! لا!!! كيف حصلت عليها؟! هذا مستحيل!

- مش مستحيل لما يكون بعد ٧٠,٠٠٠ سنة كل شخص على الكوكب عنده آلة زمن في بيته.. زيها زي التلفزيون والموبايل واللاب توب.. عادي

زي ما بتروح تشتري آلة تتفسح بيها من مكان لـ مكان، اللي اسمها عربية..
تروح تشتري آلة تتفسح بيها من زمن لـ زمن.

= هذا لا يُعقل أيضاً.. من أين أتيت بالذهب أو المال مقابل شراء آلة
زمن؟ من أين أتيت بالعملة التي تستعملها بعد ٧٠,٠٠٠ سنة؟!؟

- بردو مش مستحيل.. لما تكون بالنسبة لهم ديناصور! راجل أرشيف
مكانه المتحف! راجل عارف تاريخ الأرض من ٧٠,٠٠٠ سنة.. اعتقد مفيش
أسهل من كده.

= ممممم.. إذا هذا يفسر كل ما تعرف! نعم، من المستحيل أن تكون
من هذا الكوكب.. من هذا العصر ومن هذا الزمن! ولكن لحظة لحظة! إذا
كان لكل شخص آلة زمن!! لماذا إذاً لا أرى غيرك من سباح الزمن يجوبون
هذا العصر؟

- مين هيرجع بالزمن ٧٠,٠٠٠ سنة.. وييجي يعيش في كهف؟!؟

= إذا لماذا أتيت أنت!.. لا لا أخبرني عن تلك الآلة أولاً!!

- بعد ما قبضوا عليا، افتكروني مجنون.. شخص جاي من ٧٠,٠٠٠
سنة!! وشكلي غريب ولبسي قديم!! لكن بعد ما عرفوا فعلاً الحقيقة بقيت
مشهور.. بطلع في كل المحطات الفضائية، واشترت آلة زمن.. الآلة شبه
المركبة الفضائية العادية في هيكلها، بتشتغل بالطاقة النووية، الوقود بتاعها
عبارة عن نوع من أنواع نظير اليورانيوم المشع مع الأيدروجين المشع،
ونتيجة التفاعل الذري ده البروتونات هتسرع في دايرة مفرغة لا نهائية تنتج
عنها طاقة هائلة لا نهائية تقدر تشغل الآلة لمدة سنين.

الطاقة دي هتتوجه بطريقة مكثفة وتركيز عالي عن طريق مصادم الهدرونات على مادة النيترينوس، ودي مادة كتلتها صفر وشحنتها صفر وعمرها واحد على مليون مليون من الثانية، بس لما الطاقة دي تزيد سرعتها بتوصل لسرعة الضوء، وده يبطلق زمنها ويطول عمرها بالإضافة إلى مادة الباي ميسون، وده بعد ما يتم معالجتها بطريقة تخلي الفراغ الذري للمادة دي يوصل لـ ١٠٠٪ مع العلم إن أي مادة في الكون الفراغ بتاعها يوصل لـ ٩٩,٩٩٪ حتى جسمنا.

وده يخلي الآلة تمشي بسرعة الضوء، وده كافي يوقف الزمن ويعكسه لوراء.. كأنك بالظبط مسكت شراب وقلبتة لجوه!


= ولكن كيف تحدد كم سنة بالتحديد تريد السفر؟!!

- لو اتخيلت إن الزمكان زي الورقة، لو لفيت الورقة دي زي السيجارة، وخذت مقطع في الورقة الملفوفة دي، هتلاقيها عبارة عن دواير جوه بعض «حلقات زمنية» في أوقات وعصور مختلفة.. طيب تخيل لو حطيت الورقة الملفوفة دي جوه أسطوانة حلزونية شبه سوستة القلم، مشحونة بطاقة كهر ومغناطيسية!

كتر بقى المنظر ده وهنظير بآلة الزمن جواه.. طبعاً نتيجة الالتفافات بتاعة الإسطوانة، آلة الزمن هتلف جوه، وبفضل الطاقة الكهر ومغناطيسية.. هيحصل تنافر بينها وبين السفينة.

وده يخلينا نلف في الزمكان وننتقل من مكان لـ مكان، ومن زمان لـ زمان.. ولكن في حاجة! لازم الإسطوانة تكون طويلة جداً، طول لانها، عشان لو قصيرة آلة الزمن هتدخل من ناحية وتخرج من الناحية الثانية!!

عشان كده هنتني الإسطوانة دي على شكل دايرة، وده هيخلي نقطة البداية جنب نقطة النهاية.. مش كده وبس، ده هيسمح بتداخل حلقات الزمكان ويسهل الانتقال بين العصور.



طبعاً أنت دلوقتي هتقولني إزاي!! مينفعش، الكلام ده مش صح!! ده جنان! خيال علمي! مستحيل من الناحية الدينية إننا نساfer عبر الزمن.

- طيب دينياً، في يوم كان مقداره خمسين ألف سنة: بمعنى إن الملائكة من نور، اليوم عندها بـ ٥٠ ألف سنة.. وده معناه إن زي ما إحنا قولنا، كل ما تقرب من سرعة الضوء، الزمن بيتقلص، وده يفسر لنا الحياة الأبدية اللي هنعيشها بعد الموت والبعث.. في الجنة هنبقى نورانيين، جسمنا من النور، وده معناه إن الزمن هيقف، ونبقى خالدين.

﴿يَوْمَ تَرَى الْمُؤْمِنِينَ وَالْمُؤْمِنَاتِ يَسْعَى نُورُهُمْ بَيْنَ أَيْدِيهِمْ وَبِأَيْمَانِهِمْ بُشْرَانُكُمْ الْيَوْمَ جَنَّاتٌ تَجْرِي مِنْ تَحْتِهَا الْأَنْهَارُ خَالِدِينَ فِيهَا ذَلِكَ هُوَ الْفَوْزُ الْعَظِيمُ﴾ [الحديد: ١٢].

والإسراء والمعراج بالرسول من مكان إلى مكان، من زمن إلى زمن، من زمن الأرض قبل الهجرة النبوية بسنة إلى دار الخلد، إلى الجنة والنار بعد البعث والخلود!! مش ده سفر عبر الزمن!

= ولكن الرجوع إلى الماضي وتصحيح أخطائنا وجرائمنا مستحيل!

- لو كان الرجوع إلى الماضي والسفر عبر الزمن هو تصحيح أخطائنا، وكأنها لم تكن! فإننا نسافر عبر الزمن كل يوم.. بالاستغفار.

أليس الاستغفار آلة زمن؟! أليس الاستغفار تكفير ذنوب وتصحيح أخطاء؟ أليس عودة إلى الماضي ومحو خطايا من عقود؟!

فكم من ذنبٍ أقترفناه من سنين ثم عدنا إليه، ف تلاشى بالاستغفار، ولم يعد له أثر.. فهي عودة إلى الماضي بكل ما تحمل الكلمة من معنى.

وليس هذا فحسب! أليس صيام يوم عرفة! سفراً عبر المستقبل، وتكفيراً لذنوب سنة آتية!!

أليس التائب من الذنب كمن لا ذنب له!!

بالاستغفار نسافر عبر الزمن.. عبر الماضي والمستقبل.. ف الاستغفار آلتنا الزمنية!

معلومات طريفة

ثلاثة طرق بسيطة للسفر عبر الزمن:

١. متعلمش أي حاجة! واقعد كده.. هتلاقي نفسك سافرت في المستقبل..
أهو عدى ١٠ ثواني في المستقبل وأنت بتقرأ الجملة دي.. بس نوع ممل
من السفر.

٢. امشي.. هتسافر عبر الزمن لما تتحرك.. بـ حوالي ٣ فيمتو ثانية..
مقارنة بصاحبك اللي قاعد.. وده ممكن يكون السبب في إن المشي..
بيطوّل العمر!

٣. اقف في مكانك.. هتسافر عبر الزمن لما تبعد عن الجاذبية.. رجلك
هتبقى أكبر في السن من راسك بـ ١٠ فيمتو ثانية.. وده ممكن يكون
سبب إن الأقدام أول حاجة بتعجز وتتعب في جسم الإنسان.

اليوريكا

= لماذا تخبرني بكل هذا؟

- مش أنت المساعد بتاعي.. بفهمك عشان هتساعدني.

= أساعدك؟ فيما أساعدك؟!

- في بناء المدينة الفاضلة.. تخيل لو فيه مدينة بتجمع كل العلماء والأدباء والأشخاص العظماء.. مدينة تجمع «عقول فذة».. مدينة فاضلة.

شايف الدولار اللي وراك ده!.. الدولار ده مليون رفوف، كل رف مليون مخازن.. كل خزنة فيها «مخ عالم من العلماء».

= ما.. ماذا!! أتسافر عبر الزمن لتسرق العقول!!! أنت سارق عقول!!؟

- مش بالظبط كده، لو جيت ورقة وقلم، وكتبت كل حاجة أنت حافظها في محك، من أرقام: أرقام تليفونات.. تليفونك، تليفون أبوك وأمك وأصحابك وقرايبك وجيرانك والمدرسين والدكاترة والصيدلية والدليفري والبيت وغيره كل رقم من دول، مكوّن من أكثر من ١٠ أرقام.

وأرقام الشقق في الأدوار. جوه العباير جوه الشارع والمحى في قلب المدينة والمحافضة.. ترا رينخ ميلادك وميلاد أخواتك وأبوك وأمك وأصحابك

وقرايبك وولادك وأحفادك.. وجدول الضرب والقسمة والجمع والطرح،
قوانين الفيزياء والرياضيات.. سرعة الصوت والضوء، قوانين الزوايا
والمثلثات.. درجة حرارة الإنسان نسبة السكر وضغط الدم، عدد كرات
الدم الحمراء والبيضاء.

وكتبت أسماء: اسمك واسم أبوك وأمك وأصحابك وأصحاب صحابك..
وأسماء الأشياء من جماد وحيوان ونبات.. وأسماء الشوارع والمدن والعواصم
أسماء لاعبي الكورة والأندية والمنتخبات، والممثلين والمخرجين والأفلام..
المؤلفين والكتب والمسرحيات.. المغنين والأغاني والمعزوفات أسامي
المأكولات والمشروبات.. والأدوية والجرعات.

آيات من القرآن وأحاديث شريفة.. آيات شعر وأناشيد عفيفة، وتربط
ريحة أكلة وصوت غنوة مع نسيم الهوا وكلمة حلوة.. على كورنيش البحر
في أحلى خلوة.

وقرمشة الذرة مع فرقة قشاط الطاولة وريحة الشيشة.. وضحكة واحد
صاحبك الخليعة، ولا كرتون كنت بتشوفه وأنت صغير.. مع ريحة برفان
وفرحة تطير.. وصوت عصافير وقت الصُبحية.

هتلاقي نفسك مليت كُتب وأجندات! وكل اللي فات.. ممكن تكتبه بلغة
ثانية وثالثة.. وتملي مجلدات!!

طيب إزاي! إزاي أنا حافظ كل ده!، وفي كسر من الثانية بفكره
وأسمعه.. أسرع من أي كمبيوتر، أسرع من البرق في ملح البصر من غير ما
اتلخبط والمعلومات تدخل في بعض!

كل ده مستخبي فين؟! في تلافيف وتعاريج المخ فين؟! هو أنا مخي كام جيجا؟!!

ونيجي بعد كل ده نقول أنا مش بعرف أحفظ.. أنا بفهم بس! و"الفهم ملوش معنى من غير حفظ" أنت متعرفش تقرأ الجملة اللي فاتت دي من غير ما تكون حافظ شكل كل حرف واسمه ويبتنطق إزاي، وحركة شفائك مع لسانك، وفتحة بوقك بارتفاع مُعيّن مع حلقك وارتخاء أحبالك الصوتية.. كل ده أنت حافظه!

كل ده معجزة.. اسمها الذاكرة، بتسجّل كل حركة وكل دقة.. كل حدث حصل جوه أو واقعة حصلت بره، باللحظة والثانية والدقيقة والساعة واليوم والشهر والسنة.. محفوظة والي بنتخيل إن إحنا نسيناه.. موجود، ويظهر فجأة في لحظة غضب أو مع طعم دمعة نزلت من عينيك أو فئجان قهوة.. أو حلم.. أو زلة لسان.. أو خطأ إملائي في امتحان.

أو أي حاجة تنادي على الحدث ده جوه الذاكرة!.. فيجي جري! مفيش حاجة بتنسي أو بتضيع!



الذاكرة مكوّنة من ذاكرة فورية وذاكرة قصيرة وذاكرة طويلة:

١. الذاكرة الفورية: ذاكرة قصيرة جداً.. مدتها ٣٠ ثانية.. ذاكرة لحظية، مُخصصة للعين عشان، تحفظ تفاصيل اللحظة عن طريق تغيرات كيميائية بسيطة.

٢. الذاكرة القصيرة.. ذاكرة مؤقتة لدقائق أو ساعات.

٣. الذاكرة الطويلة.. ذاكرة أبدية مدتها سنين أو العُمر كله عن طريق تكوين بروتين.

تخيّل نفسك في فرح.. وبتبص بعينك تحفظ أما كن العريس والعروسة وأما كن الضيوف.. في الذاكرة الفورية، لكن تاريخ الفرح وتفصيله في الذاكرة القصيرة.. أما شكل العريس والعروسة واسمه وصوته في الذاكرة الأبدية الذاكرة بتخزن على شكل بروتين.. حروف تتكوّن جنب ببعض.. تكوّن كلمات وُجمل بروتينية.. تدل على صورة أو رقم أو اسم أو صوت أو ريحة..، تفتكرها في ثانية. كل ده موجود في مكان في المخ.. اسمه الحصين Hippocampus.



الفيروس كائن حي ميت.. بين مملكة الموت والحياة.. كائن صغير جداً لدرجة إنه مايتشافش بالعين المجردة لا حتى الميكروسكوب، ومنقدرش حتى نفضله عن سائل.. ما يتشافش غير بالميكروسكوب الإلكتروني اللي بيكبّر من ١٠٠ - ٥٠٠ ألف مرة.. تعالي بُص.

ده فيروس عبارة عن بلورات متجمعة شبه الملح أو السكر.. مادة بروتينية ميتة.. جواها بروتين تاني (دي ان ايه وأر ان ايه)، وعنده ماكنة تصوير وطباعة، المادة دي مكوّنة من ٢٠ حمض أميني.. حروف برودو تتجمع وتعمل شفرة.. زي الباركود اللي على أي منتج بنشتره.. كارنيه تعريف للكائن ده، زي بصمة الإيد أو العين أو الصوت للإنسان.

الفيروس زي الفامير.. ميت حي.. عنده أنياب يغرسها في ضحيته، سواء إنسان أو حيوان أو حتى نبات، ويحقنها وهو بره الخلية بالـ DNA بتاعه،

الخلية تتلخبط لما تلاقي حاجة غريبة عنها بس شبهها.. وفي نفس الوقت مفيش ميكروب جوه الخلية.. لأن الفيروس قاعد بره، ففتكر إن ده أمر من الخلية وتبدأ تنسخ الـ DNA بتاع الفيروس لآلاف الفيروسات، والخلية تفضل تتكاثر.. لحد ما تنفجر وتعدّي خلية ثانية جنبها وهكذا.

وفجأة نلاقي عندنا مزرعة جيش وجيوش من الفامبير ويتحول الفيروس بعد ما كان ميت لا يتكاثر.. لكائن حي يتكاثر عن طريق خلية مش بتاعته، وهو حاطط رجل على رجل.. ويتحول من ميت لـ حي.

﴿يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَيُحْيِي الْأَرْضَ بَعْدَ مَوْتِهَا وَكَذَلِكَ نُخْرِجُكَ ﴿﴾ [الروم: ١٩].



احترام عقول

= ومن آخر من سرقت عقله!؟

- هنظير بألة الزمن لسنة ١٩٥٥ بعد ساعات، دكتور توماس هارفي دخل غرفة التشريح.. وبدأ يشرح، عمل فتحة على شكل حرف Y من الكتفين للبطن، وفحص كل عضو لوحده وفتح الجمجمة وطلع المخ، وحقن شرايين الدماغ بـ سائل حافظ، ودي حاجة أول مرة يعملها.. وصوّر المخ كذا صورة من كل ناحية، وبدأ يقطع المخ إلى ٢٤٠ قطعة.. كل قطعة بحجم مكعب السكر، وحط كل قطعة في كيس، وحفظه في كحول، في برطمان إزاز!

الدماغ اللي غير تفكيرنا عن الكون تغيير جذري.. الدماغ اللي خيالها

طار من المكتب للفضاء وسافر في الزمن وغير فيزياء الكون.. محبوس في برطمان مايونيز!! زيه زي الخيار المخلل!! مش حرام؟!

دماغ أينشتاين!!!

يُقال إن التوحد اللي كان عند أينشتاين هو السبب في عبقريته!! وإنه تأخر في الكلام ٣ أو ٤ سنين، وكان عنده صعوبة في التعامل مع الناس، ولكن كان يتواصل مع عالم الأرقام والرياضيات بسهولة تختلف أخايد وتلافيف أينشتاين عن الآخرين.. يقال أيضاً أن ده يربط مناطق مختلفة من مراكز المخ ببعض

فمثلاً يربط مركز الكلام بالتذوق والشم.. ف كلمة «ألبرت أينشتاين» تدل على طعم الزبادي، أو اللون الذهبي عند البعض! هل يُعقل أن سر عبقرية أينشتاين يكمن في ترابط مراكز الرياضيات والحسابات في عقل أينشتاين بـ مراكز الفضائية البصرية في عقله!!

ولما جمعت صور مخ أينشتاين اللي دكتور توماس هارفي صورها.. وجمعتها ووصلتها بالكمبيوتر.. ورسمت لمخه صورة 3D.

لقيت إن فصين دماغ أينشتاين الجانبيين مختلفين.. فيه خلايا غروية أكثر من الخلايا العصبية.. ولقيت بردو إن الجزء الخاص بالعمليات الحسائية والبصريات الفضائية أكبر عند أينشتاين ١٥% من العادي.

أينشتاين يقول.. إنه كان ييمرن مخه، وإنه ممكنش عبقري، وكل اللي بيعمله إنه بيسأل أسئلة الأطفال فقط «ليس لأنني شديد الذكاء ولكني أبقي مع المشاكل وقت أطول، في ٩٩ مرة تأتي خطأ، وفي المرة الـ ١٠٠ تأتي صحيحة».

ويقول أيضا «الخيال أهم من المعرفة.. المعرفة محدودة.. لكن الخيال يحيط بالعالم».

حسيت أنه حرام.. أسيب المنخ ده محبوس قعدت أفكر!! وفجأة!!

يوريقا!!

خدت جزء من الدماغ، وغرست الحقنة في مكان الذاكرة والأفكار، وحقنته في الفيروس!! وخدت الصور بتاعة المنخ، وعملت نموذج من منخ أينشتاين، ونسخته على مادة سليكون من خلال روبوتات مجهرية «نانوبوتات»، وحقنت فيه بروتين الأفكار والذاكرة، وحطيته في كمبيوتر.. ليصبح شبح داخل آلة!! حسابات ومعلومات بدون نسبة أخطاء!



هل الدماغ هيكل عظمي؟! له حدود طبيعية.. أم أنه عضلات، يمكن تدريبها ويمكنها زيادة قدرتها؟!!

هل لدينا القدرة على أن نصبح أينشتاين!

هل يأتي يوم ويحتفظوا بعقولنا أملاً في أن يصلوا لتقنية زراعة المنخ، وإعادة إحياء العبقرية؟!!

هل نحن نحترم عقولنا؟! حتى يحترمنا من حولنا؟!!

هل تحترمنا عقولنا؟! أم تسخر منا؟!!

هل تستحقنا؟ هل نستحقها؟

وما العبقرية؟! أهى مكتسبة أم وراثية؟ فِطرية أم جينية؟!!

مثل الاسم واللون والشكل والجنسية؟! أم كالفكر والميول؟!
 كيف نخرج عن المألوف؟ وما المألوف كي نخرج عنه؟!
 هل يكفيننا شرف المحاولة؟ محاولة الخروج عن المألوف؟!
 محاولة الخروج عن المألوف في حد ذاته شيء مألوف.. فهي مجرد محاولة.
 ف الخروج عن المألوف لا يتطلب محاولة.. يتطلب عبقرية.. بل هو
 العبقرية.

احترم عقلك!



ثم شعرت بالنعاس.. وثاقلت جفوني وأخذت تطغي على مجال رؤيتي..
 وشعرت بالدوار وتلاشت الأصوات من حولي حتى اختفت وتحدّر لساني
 ولم أشعر بشيء.

وبعد فترة.. عدت إلى وعيي.. وعادت معه نصف الأصوات.. وتطايرت
 الكلمات إلى طبلة أذني ولكنها لم تتصاعد إلى عقلي.. فأسمع منها ما أسمع
 ولكن لا أفهمها.

وكان ما سمعته:

- شيبس

+ تطابق

- إعادة..

+ تطابق

- تأكيد

ثم زال الضباب من أمام عيناى.. وتحكمت في جفناى.. فأحتد بصرى.. فوجدت نفسي مقيداً ورأيت ذاك الرجل يتحدث مع نفسه!، وكان الكهف يرد عليه!!!

ثم أفاقت عضلات لساني.. وتفككت شفتاي.. فأنتجت كلماتي قائلاً:
مع.. مع.. من تتكلم! فك قيودي!

SHIPS^(١)، عايز تقرير كامل عن البصمات.

+ بصمة الصوت: تطابق.. بصمة العين: تطابق.. بصمة اليد: تطابق..
بصمة الشفاة: تطابق.. بصمة الأسنان: تطابق.. بصمة الرائحة: تطابق
تطابق.. بصمة الأذن: تطابق.. الخط: تطابق.. الـ DNA تطابق.

= ما شيبس هذا؟ وعن أي بصمات تتحدث!

- تطابق إزاي؟!.. مش ممكن!

= أخبرني!

- بصماتك أنت.

= ومن أين حصلت على كل تلك البصمات؟!

(١) SHoqrat Intelegant Personal System

تكنولوجيا الذكاء الاصطناعي التي تُحاكي القدرات الذهنية البشرية وأنماط عملها.. ولديها القدرة على التعلم والاستنتاج ورد الفعل

- بصمة الصوت خدتها مع أول كلمة قولتها لما دخلت الكهف.. وبصمة إيدك خدتها من الريشة اللي كتبت بيها.. ومن الورقة خدت بصمة الخط.. وخذت بصمة الشفايف من على قطعة البيتزا اللي كنت بتاكلها.. وبصمة السنان من مكان القطمة الأخيرة.. اللي كان فيها منوم وأول ما نمت.. ربطتك وخذت بصمة الريحة وبصمة الأذن.

= وبصمة العين؟!!!

- بسيطة.. فاكر النملة اللي هرستها؟ خدت صورة لشبكية عينك لما كنت بتبص عليها تحت الميكروسكوب.

= وماذا عن الـ DNA؟

- فيتو.. ده اسم الطائر اللي هجم عليك، وخذ شعرة من راسك، وأنا خدت خلية من بصيلة الشعر وحللتها.

= ومع من تطابقت!

- هي دي المشكلة.. معايا أنا!

=!!!!!!!!!!!!!!!!!!!!!!!!!!!!!!

- وده معناه حاجة من اتنين يا إما دي مجرد صدفة.. وده مستحيل، أن تتشابه جميع بصمات جسمي وجسمك وخصوصاً الـ DNA.

أما الحل الثاني إن ..

أنا وأنت ..

=!!!!

- توأم

= إلى أين تذهب؟!

- عندي شوية مشاوير كده لازم أروحها.

= أين؟

- رحلات عبر الزمن.

الطرززان

أيها الملك! لدينا زائر!

أكرمه.

- ملك مين! أنا فين! شيبس شيبس!!

= أهلا بيك في بيتنا.. أنا الغراب وسأكون مرشدك في

هذه الرحلة.. وأرجو أن أكون خير رفيق.

- جنينة حيوانات!

= لا، بل مدرسة الحيوانات

الأسد (أخلاق): أصغر قلب، أكبر لقب.. فلقب الملك لم يطلق عليه من فراغ.. فهو لا يأكل الجيفة ولا يأكل ما كُرِهت رائحته، وإذا شبع فلا يأكل ولا يخفي طعامه مثل النمر بل يتركه لرعيته من الحيوانات.. نبيل فهو يغار على زوجته وأولاده.. وتحشي الحيوانات من بوله! فهو يضع حدود لبيته من البول.. وينام وهو مفتوح العينين.

- لا وكمان فنان، ما شوفتش أنت LionKing.

الفيل (حنين): رغم أنه ضخم فهو يأكل النباتات الخضراء، ولا تطأ قدماه على أي حيوان صغير بل يحمله بخرطومه في رفق وحنان.

صاحب الرأس الكبير والعنق الصغير، معندوش رُكَبَ عشان كده ربنا أداله أنياب وزلومة عشان يقدر يأكل ويشرب على بعد ٢,٥ متر.

وبالرغم إنه يقدر بضربة يرمي إنسان ٤٠ متر.. الفيل يفضل يبكي على فقيدته ويحضن ديله.

- أه ومتقف كمان.. قاعد يقرأ «الإنسان الأزرق» أهو.

الجمال (صبور): تبتانيك الصحراء ده.. يصبر على جوع وعطش وحر.. ربنا ملبسه جاكيت جلد تخين يستحمل شوك الصحراء، وطقم سنان قوي يقرقش النباتات الناشفة.. رجليه عبارة عن مخدة من اللحم عشان تستحمل «شواية» الرمل وما تغوصش فيها.. ربنا مرَّكَب له ستارة على عينه تحجب عنه عواصف الأتربة، وخياشيم مشقوقة وأمعاء في أنفه تقفل وتفتح، وتمتص الماء من الهواء اللي بيتنفسه.. ده غير الخزانات اللي بتفضي وتملأ، «يقتر» منها على حسب ظروفه درجة حرارته ٤٠ وده عشان يقلل العرق، فيقل فقد المياه وبالليل درجة حرارته تقل لـ ٣٤ فيحافظ على مخزونه من الماء.

عارف أنت لو شربت رُبْعَ صفيحة مياه مرة واحدة.. كُرات دمك هتفرقع وتموت.. لكن الجمال لأ، يشرب ٣ صفايح مياه عادي.. وده لأن كُرات دمه مطاطة، مها قل الضغط الأزموزي متفرقش معاه.

﴿أَفَلَا يَنْظُرُونَ إِلَى الْإِبِلِ كَيْفَ خُلِقَتْ﴾ [الغاشية: ١٧].

الأسد: دعني أرى تلك المطاطية.

الجمال: لا شكراً يا أسد.

الزرافة (شياكة): البرنيسية دي واخدة من الجمل رقبتة الطويلة وأنفه المخضرم، ومن النمر شياكة جلده، ومن البقرة طقم سنانها..
 وفي الرقبة تلاقي العجب، كل زرافة ليها بصمة فريدة في خطوط رقبتها..
 مفيش واحدة شبه الثانية، ورغم إنها طويلة لكن ٧ فقرات بس.
 وعشان كده قلبها قوته ٢٠ ضعف عشان يوصل للرقبة والمخ فوق.
 الكلب (وَفِي): حاسة السمع تصل إلى ٨٠٠ متر بينما الإنسان ١٥٠ متر
 ..و

- هو الكلب ماله؟! زلزال!!!!!!!!!!!!!!!!!!!!!!ال! المكان بيتحرك!

لا ده مش زلزال.. ده الحوت بيتحرك، وإحنا كلنا واقفين فوقه!

الحوت (حوت): طوله ٣٣ متر، وزنه ١٧٥ طن.. ده لسانه لوحده ٣ طن
 وقلبه ٣٤ طن.. أبو قلب كبير.. ٧ دقائق.. بس!

كل ما القلب يكبر عدد دقاته تقل.. وده منطقي، لأن ضربة القلب
 الكبير أقوى وبالتالي المسافة أطول.. عشان كده قلب العصفورة ١٢٠ دقة
 في الدقيقة!

ويقال أن الحوت كان ديناصور زمان.. ولصعوبة الظروف هرب للمياه،
 وجسمه تكيف على كده ف وزنه زاد، وسنانه وقعت وودانه وقعت وشعره
 وقع ماعدا الشنب، ورجله اختفت، وديله التحول زعنفة، وأنفه اتنقل من
 وشه وطلع فوق رأسه.. عشان يتنفس!

الحوت مش ممكنة، هو من الثدييات.. عشان كده عنده رئتين، ينط من

قاع المحيط فوق يشقُط أكسجين على قد ما يقدر، ويخزنه في دمه ويتنفس منه تحت المياه، ويطلع ثاني أكسيد الكربون في نافورة المياه دي وعنده مغناطيس في راسه عشان يهاجر في البرد من البحار القطبية للاستوائية رغم إنه لابس بالطو من الدهن، واللي الكلب سمعه قبلنا وأنت سمعته ده صريح الحوت.

- ده أنا كنت هتشل!

= هو فعلاً صوت الحوت بيشل فريسته.

- ما هو ده ماشي ينط أهو!

= لا ده جبار البحار.. من فضل ربنا عليه إنه أطرش فدمش بيسمع صوت

الحوت

- وده بيعيط ليه؟

= لا دي دموع «تماسيح» إفرازات من العين للتخلص من الملح الزائد

وخصوصاً بعد إلتهام فريستها.

- إلق، التعبان محبوس!

= سيبه.. ده بيغير هدومه.. يزق نفسه في الجحر ويفضل يزحف لحد ما

يقلع جلده ويلبس جلد واسع، ولو نابه اتخلع، يطلع غيره

حالته صعبة.. بيسمع بجلده ويشم بلسانه، ولو عينه تعبت يروح يتفرج

على شروق الشمس، تتشفي خلال أسبوع.

- بيغير لونه يعني؟

= لا، الحرباء: هي اللي بتغير لونها، ولسانها أطول منها، وكل عين بتتحرك لوحدها.. تشوف في اتجاهين في وقت واحد، وعشان ضغطها عالي، تطلع دم من عنيتها تدافع بيه عن نفسها!

- حرباية بقى، أومال الحصان فين؟

= في الجيم^(١).

- ماشي يا شؤم.

= أنا لستُ شؤماً.. أنا ال..

القرد: أتركه لي أيها الغراب.

الغراب: حاضر يا زعيم.

القرد: الشؤم كلمة إنسانية تترتب على تصرفات الإنسان، السمك يهرب من صوتك، إذا أنت شؤم!!

الغراب هو المعلم الأول.. أليس هو من علمكم دفن موتاكم!

﴿فَبَعَثَ اللَّهُ غُرَابًا يَبْحَثُ فِي الْأَرْضِ لِيُرِيَهُ كَيْفَ يُورِي سَوَاءَ أَخِيهِ قَالَ يُوتِلَبْنَ أَعْجَزْتُ أَنْ أَكُونَ مِثْلَ هَذَا الْغُرَابِ فَأُورِيَ سَوَاءَ أَخِي فَأَصْبَحَ مِنَ النَّادِمِينَ﴾ [المائدة: ٣١].

ريش الغراب الأسود الذي لا يشيب ليس أسود من قلب الإنسان الذي قتل أخاه.. كما أن قَصِي مخ الغراب أكبر بالنسبة لجسمه عن باقي الطيور.

(١) واط.. والواط: ٣٣,٠٠٠ رطل في الهواء لسافة قدم في الدقيقة ٧٤٦ حصان (وحدة قياس):

تعالى معي إلى محكمة الغربان

في عُرف مجتمع الغربان، لا يتزوج الغراب إلا أنثى واحدة.. هذا الغراب خطف أنثى غراب آخر، وعقاب هذه الجريمة هو القتل بالمناقير، وكما ترى هو معترف بذنبه ولا يبدي أي مقاومة.. وهذا غراب يبني عشاً أتلّفه لجاره، وهو طائر من فصيلة أخرى أما هذا الغراب الندمان الذي يأتي به بودي جردات من الغربان وعينه في الأرض يأكله الندم.. أكل طعام الفراخ الصغيرة، وعقابه هو أن قطعوا ريشه حتى يصبح ك تلك الفراخ غير قادر على البحث عن رزقه، فيشعر بما تشعر به الصغار.. الغراب صياد شاطر، يجمع العيش في عصابة ويرميها البحر، يجي يأكلها السمك فينقض عليه الغراب ولما حطوا الغراب في أوضة صغيرة مقفولة وحطوا معاه سلك.. عمل السلك على شكل خطاف وجاب الأكل ييه، وعادوا التجربة كذا مرة على كذا غراب بنفس النتيجة.

- متأسف أيها المعلم، كمثل..

الذبابة (المعجزة): مكونة من راس وصدر وبطن و٦ رجول بـ مفاصل عندها عينين كل عين مكونة من ٦٠٠٠ كاميرا (عين صغيرة)، كل كاميرا مزودة بشبكية وقزحية وقرنية.. متوصلين بـ ٤٨ ألف كابل عصبي.. العين دي بتلف ٣٦٠ درجة وتلقط ١٠٠ صورة في الثانية.

الذبابة معندهاش جهاز هضمي، بتهضم الأكل بره جسمها.. تفرز إنزيمات على الأكل يتهضم، تشفط شوية بخراطوم بوقها، جسمها يستفيد بشوية، وتطير بشوية، والباقي يخرج كفضلات.. عشان كده اللي بياخده الذببان مبيرجعش.

الدبابة عندها جناحين: الجناح الأول: شاييل أشكال وألوان من الأمراض والجراثيم والبكتيريا وبلاوي تانية.. أما الجناح الثاني: شاييل أشكال وألوان بردو بس من مضادات الأمراض دي ومضاد حيوية وأجسام مضادة وأدوية ومضادات جراثيم.

قلب الذبابة يدق ١٠٠٠ مرة في الدقيقة!

﴿يَتَأْتِيهَا النَّاسُ ضُرْبَ مَثَلٍ فَاَسْتَمِعُوا لَهُمْ إِنَّكَ الَّذِينَ تَدْعُونَ مِنْ دُونِ اللَّهِ لَنْ يَخْلُقُوا ذُبَابًا وَلَوْ اجْتَمَعُوا لَهُ وَإِنْ يَسْلُبْهُمُ الذُّبَابُ شَيْئًا لَا يَسْتَفِيدُوهُ مِنْهُ ضَعْفَ الطَّلَبِ وَالْمَلْطُوبِ﴾ [الحج: ٧٣].

النملة (الداهية): لو دخلت بيت النمل.. هتوه! قلاع وحصون وغرف ودهاليز ومخازن وتلاجيات وتكيفيات.

النمل كيميائي يأكل خشب ويحوله كرتون يبني بيه مقر بيت.. النمل مهندس يبني مسلات وفتحات تكيف سفلية تدخل هواء بارد وعلوية تطلع هواء سخن.

النمل محارب يقتل الحراس ويستولي على مخازن القبيلة حتى البيض ياخده، ولما يفقس يسخر الصغار خدم وعبيد النمل يربى حشرات المن يجلبها ويعيش على إفرازاتها، كما أن لغة النمل قُبَلات وكيمياء لُعب.

الناموسة (صاحبة مزاج): عندها ١٠٠ عين.. كل عين مستقلة لوحدها في التشريح، وعندها ٤٨ سنة في بوقها، ورغم الـ ١٠٠ عين فهي مش بتشوف ولا أشكال ولا ألوان عشان كده عندها قرون استشعار حراري.. عندها ٣ قلوب، قلب في النص، وقلب لكل جناح.. كل قلب مكوّن من أذنين

وبطينين.. عندها جهاز تحليل دم، مش كل دم بتدوقه بيعجبها.. وعندها جهاز تخفيف، عشان الدم لرج فيقدر يدخل في الخرطوم، الخرطوم نفسه مكون من ٦ سكاكين، أربعة منهم عشان تفتح فتحة مربعة، و٢ يتجمعوا تشفط بيهم، وعندها جهاز تخدير.. تحقن الأول وتسحب العينة، وعلى ما مفعول التخدير يروح وتحس بالسعة وتضربها، تكون هي طارت وواقفة في سقف الأوضة تضحك عليك.

﴿إِنَّ اللَّهَ لَا يَسْتَحْيِي، أَنْ يَضْرِبَ مَثَلًا مَّا بَعُوضَةً فَمَا فَوْقَهَا﴾ [البقرة: ٢٦].

النحلة (الباش مهندسة): معندهاش هزار من أول يوم الشغالة تخرج من البيضة، تبدأ تكنس وتلمع وتنصف وتورنش البيت كله بلسانها وبورنيش مخصوص نسميه بروبريس.. وغيرها تقف ترش مياه وقرّوح بجناحاتها.

النحلة مهندسة لا تخطئ في بناء بيوتها السداسية المليمترية من غير مسطرة حرف T أو برّجل.

الرجل فيها «فرشة» تدور بيها في الورد، و«مقاط» تلقط بيه، وسبّت تلم فيه رحيق وحبوب لقاح الزهور، ومخلّب تدافع بيه بفدائية عن الخلية، فهي تتخلي عن جزء من أحشائها في جسد أعدائها.

أما بالنسبة للجنود الـ fighters.. عندهم جناح بيضرب ٥٠٠ مرة في الثانية. وأما الملكة.. خلية النحل لا تحتمل أكثر من ملكة، الملكة لو شمّت في الخلية ملكة جديدة.. تقوم معركة وكله يتجمع لحد ما تنتصر ملكة فيهم. وأخيراً.. النحلة السيكيورتي اللي تقف على باب الخلية تشم الـ ID بتا اللي داخل واللي خارج.

﴿ وَأَوْحَىٰ رَبُّكَ إِلَى النَّعْلِ أَنِ اتَّخِذِي مِنَ اللَّبَالِ يُونَا وَمِنَ الشَّجَرِ وَمِمَّا يَعْرِشُونَ ﴾

[النحل: ٦٨].

- يعني النمل بيتكلم باللعب والنحل بالريحة!

لغة الحيوان

مش بس كده.. جنود النحل عشان تبلي بقية المستعمرة عن الكنز اللي اكتشفته، تعمل حفلات وطقوس رقص غريبة.. فرقصة حقل البرسيم تختلف عن حقل الزهور.. فمثلاً لو المسافة أقل من ٣٠ قدم تبدأ ترقص في دواير، ولو أكثر ترقص في حركات على شكل ٨، ولتحديد زاوية الشمس تحرك بطنها بزاوية معينة، يعني برقصتها نقلت خرائط طبوغرافية من معلومات عن المسافة وزاوية الشمس ودسامة الأكل، دي ولا شفرة انيجم^(١).

أنت عشان تفهم هذه الطلاسم والبهلونيات محتاج مش أقل من تلت ساعة مع فهم وإلمام كافٍ بعلوم الهندسة.. أما النحل يطير في لحظتها!

لغة الصوت

أوركسترا من نوع عجيب يشكلها صرصور الحقل وده اللي بيقوم بدور عازف الكمان، عنده جناح فيه نتوءات والجناح الثاني فيه «مبرد» يعزف بيه، وبق السيكاذا ضارب الطبول يلعب درامز.. تحت ودنه غشاء شبه الطبلية، وكورال النطااط اللي يحك أرجله وجناحته وترانيم البعوض

(١) انيجم: آلة استخبارات ألمانية تستخدم لإنتاج شفرات سرية أثناء الحرب العالمية الثانية

ومزامير الدبابير.. موسيقى بذبذبات عالية ومنخفضة وألحان مكتوبة على النوتة.

كل حشرة ليها صوت يميزها وتعرفه بيه أنثاه، وترد عليه.. ولو تشابه صوتان وتقاربت ذبذباته، يبعدوا عن بعض وميفضلوش في نفس المكان.

وأنت ولا فاهم حاجة!

أما إحنا القروود لما نحس بخطر.. نصرخ، وأنت تفتكر إنها صرخة رعب.. بس لادي لغتنا عندنا ٣ صرخات.. صرخة لو هجم علينا ثعبان وتلاقينا كلنا باصين على الأرض، وصرخة تانية لو فهد هاجمنا، ففروح نستخبي على أصغر أغصان ميعرفش يطلع عليها، وصرخة تالثة لو نسر ففروح نختفي في النباتات الكثيفة.

- أنا مش مصدق إني بكلم قرد!

= وما أدراك أنت!

فلعل في زئير الأسد القوي ضعف للمولي.. وفي فحيح الأفاعي خشوع.. وفي قهقهة الدب دعاء.. وفي صغيب الأرنب مناجاة..

وفي زقاء الطاووس تذلل.. وفي مواء القطاة استعانة.. وفي بناح الكلب استغاثة.. ونهيق الحمار استعادة.

وما أدراك بالجمال أنت!

فلعل نعيب الغراب خوف.. ونعيق البوم رجاء..

ألم تفهم!؟

أن زقزقة العصفور «تسيح» وهددة الهدهد «تهليل».
ودعاء الكروان «بالملك لك لك يا صاحب الملك».
مَنْ أدراك أنت!

فلكل لغته ولكن لا تفقهون تسيحه.
ف خريير الماء وهدير الموج، وهديل الحمام..
وحفيف الأوراق مع قصف الرعد..
ودويّ النحل ودييب النمل..
وأذان الديك مع تنفس الصبح وغشاء الليل.
ودقات القلب وخفقان الدم..
وتكة الأثاث وتكتكة الساعة..
وحسيس النار وزفير اللهب..
وذذبذبة الذرة وتموج الإلكترون..
ولفة الأرض ولمعان النجوم..
وتغيظ الشمس وكسوف القمر.
كلُّ يُسَبِّحُ ولا تفقهه، ولكلِّ أخته أفلا تفقهه!

﴿تَسْبِيحُ لَهُ السَّمَوَاتُ السَّبْعُ وَالْأَرْضُ وَمَنْ فِيهِنَّ وَإِنْ مِنْ شَيْءٍ إِلَّا يُسَبِّحُ بِحَمْدِهِ وَلَكِنْ لَا تَفْقَهُونَ تَسْبِيحَهُمْ إِنَّهُ كَانَ حَلِيمًا غَوْرًا﴾ [الإسراء: ٤٤].

الحيوان أيها المعلم

ألم تتعلموا دفن موتاكم من غراب! والتعاون من النمل، والنظام من النحل، والمسار من الدودة، والموتور الدوار ورمان البلي من الخلايا الأولى .Flagellates

وطبينا حيوان الوارا الذي يستخدم عُشب الرمرار «مرهم» جروح لتسكين لدغة الثعبان، ولا يدخل أي معركة معه إلا بالقرب من دواءه.

ومن تقليب الدجاج لبيضه.. تعلمنا استخراج الفراخ دون حضانة أمها فلا يفقس البيض دون تقليب بل أنه لا يقلب بيضه في اليوم الأول والأخير لأنه يعلم أن المواد الغذائية تجمعت في الجزء الأسفل من جسمه فإذا بقي بدون تحريك تمزقت أوعيته!

وإلى بنوك الحيوانات والسراديب.. فالإدخار درس من دروس الثعالب والسنجاب، يجمعوا غذائهم في الصيف ويدخروه للشتاء.

ولكن للنمل رأي آخر، ففي الصيف ينشط ويجمع ما يجمع من حبوب ويخزنه تحت الأرض في جو رطب فيعالجه بطريقته حتى لا ينبت إلا في الظروف المناسبة، ثم يقطع الجذور والسيقان ويحصد حبوبه، ثم يذهب بها لتجف في الشمس، ومن ثم ليخزنها في ثلاجته إلى الشتاء وإلى الأعجب والأعجب.. نوع آخر من النمل يستخدم أوراق النبات، ويقطعها قطع صغيرة مستديرة وبطريقة لا تعرفها أنت أيها الإنسان.. يجعلها مزرعة للفطريات التي تساعد في غذائه.

والعنكبوت أول من ابتكر فخاً لصيد فريسته بخيوط من حرير.. وأول

من اجتاز نهراً على سجادة حريرية.. ويصنع أيضاً من أوراق الشجر زورق ويحمل على مَتنه مُونه.. وأول من حفر خنادق في جوف الأرض وحصّنها بأبواب، وأول من صنع مناظيد من خيوطه ونفخ فيها فقائيع الماء حتى يتمكن صغاره من النجاة.

هذا من هو أو هن البيوت بيوته!

والزنبور هو أول من اخترع الورق ولو أنه تعلم الكتابة لسبقكم إليها، والنبات أول من حوّل الطاقة الشمسية إلى كهرباء من ملايين السنين.. والنحل أول من كيّف بيوته عن طريق المراوح ورشاشات الماء.. والناموسة علمتنا قانون الطفو وأرشميدس.. والبلهارسيا غيرت سياسات بلاد والإشترابية من جسور النمل.. والاستقلال من الطيور.

والتخدير والتحنيط من الدبابير التي تحقن فريستها بمادة مخدرة غير مميّنة لحفظ الطعام طازج لحين الاستهلاك!.. والتبريد وتوزيع الضغط من السنجاب الذي يحفر خنادق بتفاوت في العرض والارتفاع.. لتفريغ الهواء. ولك أن تتخيل أن الفيل هو أول من قام بالـ Snorkeling التنفس تحت الماء.

ومن أجسام الأسماك التي تحتوي على بالون يملأ ويفرغ الهواء، ومن انسيابية ورشاقة هيكلها.. صنعتم الغوصات.. وهندسة الطيران من الحشرات.. واستراتيجية التحليق الرأسية من الطيور، والأفقية من الحشرات، وتفريغ الهواء من الذباب.

وتلك الحشرة التي تُدعى «اليراعة» التي استعان بها خبراء الطيران

الهليكوبتر لتطوير طياراتهم.. إذ تستطيع الوقوف في الهواء والإنعطف بسرعة كبيرة وزوايا صغيرة.. والطيران عمودياً، بل والطيران إلى الخلف، كما أنها تقوم بتحريك زوج أجنحتها بالتناوب مع الزوج الآخر!
ومن درع السلحفاة كانت دباباتكم.

وإلى العلم الحديث فمن نهج الخفافيش صنعتم الردار.. وتلقيح الأجنّة في قوارير أو ما تطلقون عليه «أطفال الأنايب»، فهذا سلو كثير من الحيوانات كالضفدع، بل وتحديد النوع كما هو في النحل!

وإلى الهندسة الوراثية وما علمتكم أصغر كائناتنا «الفيروس» فهو يقص من جينكم ويضع جينه.. ثم يتكاثر، وهذا ما تفعلوه في البكتيريا!

أخبرني ما الفرق بيننا وبينكم

نحن أصناف مُصنّفة تعرف باسمها.. نحيا كما تحيون، ونموت كما تموتوا، ونبعث ونحاسب، نطلب الطعام والشراب فنسعي ونطلب رزقنا، ونتوقى المهالك.. فنأكل ونشرب وننام.. نمشي ونقفز ونطير.. نلعب ونجري.. نعمل فنتقن.. نحزن ونفرح.

فمنّا من يأكل الطيب والآخر يأكل الخبيث ومنّا من يأكل ما يقابله.. بعضنا يأذي من أذاه، وآخر يؤذي من لا يؤذيه أو يخشى من يؤذيه، ومنهم من لا ينسى الإساءة وآخر لا يذكرها ولا يلقي لها بالاً وبعضهم على علم ومعرفة بما لا تعرفه أنت، وغيره لا يعرف شيئاً وبعضهم يقبل التعليم وبسرعة، وآخر يطول في ذلك، ولا يقبل ذلك بحال.

والنمل يضرب مثلاً رائعاً في التعاون.. فبمكالمة تليفون واحدة تراه اصطفاً في خط أسود.. يتشابك في جسر يحمل عليه فريسته، ولا تُلهيه ملذات الدنيا وسكاكرها عن هدفه.

والقط لا ينسي معروفاً.. والحمار يحنّ لموطنه.. والكلب لا يخون.

ومنا من يدرك مكامن الخطر ومواطن المنفعة، ويعيش في مجتمعات ويتقاسم الوظائف، بل ويتخصص فيها، وفي نفس الوقت يحتفظ كلُّ بحُرِيته.. فيترك مستعمرته إذا اشتدت الظروف وقَسّت، ويلتفّ بحفاه الخاص حتى تهدأ العاصفة، وقد تستمر غيبوبته سنوات.. كل هذا وهو وحيد الخلية.

ومنا من يعرف كيف ومتي وأين يقطع حبله السري، ويميز الصالح من الطالح من أبنائه داخل بيضه، فيقلب بيضه حتى لا يلتصق جنينه بالقشرة، فيضرب الجنين في أسفل منتصف الهدف بمنقاره في أضعف مكان في القشرة!

ما الفرق إذا؟

هيكلنا العظمي واحد، الذراع في القرد هو الجناح في الحفّاش هو الرُعنْف في السمكة.. كل عظمة تناظر أختها وكذلك الإنسان، حتى الزرافة فعدد فقرات رقبتها الطويلة ٧ والقنفذ مقصوف الرقبة ٧ وأنت ٧، وتخميسة الأصابع في الضفدع والقرد والسحلية وكفك.

والقلب واحد بدءاً من الحمامة والأرنب إلى الحصان والحمار ثم إليك.. بنفس خريطة توزيع شرايينك، ونفس استراتيجية الجهاز الهضمي من بلعومه إلى الإثني عشر والجهاز العضلي، فالكل كان صاحب أربع حتى

الثعبان والطيور والأسماك، ولكن تحوّرت لتلائم وظائفها وغيره من أجهزة التنفس والكليتين وحتى العصبي.

فنحن نتعلّم مثلكم ونفكر ونشعر ونتطوّر ونتكيف.

﴿ وَمَا مِنْ دَابَّةٍ فِي الْأَرْضِ وَلَا طَائِرٍ يَطِيرُ بِجَنَاحَيْهِ إِلَّا أُمٌّ أَمْثَالِكُمْ مَا فَرَطْنَا فِي الْكِتَابِ مِنْ شَيْءٍ نُنَمِّئُ إِلَيْكُمْ مِنْهُمْ يُحْشَرُونَ ﴾ [الأنعام: ٣٨].

واسأل جدودك الدراونة!

ألم تقل أن الثعبان كانت لديه أرجل ولكنه لم يعد بحاجة إليها بعد أن تكيفت عضلاته على الزحف؟

ألم تقل أيضاً أن الحوت.. ذلك الديناصور الذي كان ومازال من الثدييات، كان يعيش على الأرض ومنذ أن اختبئ في الماء فاخفت معه أرجله وظهرت زعانفه.. وزحفت أنفه من وجهه إلى أعلى رأسه.. وانحسر شعره فلم يبقى منه سوى شنب

أليس هذا هو ال-Upgrading!

ولكن البقاء ليس للأقوى، والبقاء ليس للأصلح، ولا للأجمل.. ولكن البقاء لله!

- ماشاء الله.. قرد حكيم، شطور.

= كم أنت مغرور أيها الإنسان!

تنظر إلى نفسك وكأنك مركز الكون وهو يدور حولك..

بل أنت الشمس نفسها وتدور حولك الكواكب، وأن النجوم هي فوانيسك في السماء تضيء لك طريقك.

وأن بهائم الأرض مخلوقة لتركبها فقط، والزهور خلقت لتقطفها وتصنع منها بوكيها، تهديه لمن تحب لتبلي في يومين، أو تصنع منه ريحاً، فتتغندر به على خلق الله.

وأن الورود قصدتك أنت لتعيش على بلكونتك.. لتصطحب على عيونك وكأنها هي التي تشتمُّ أنفك كل صباح.

ودود الأرض ينظر في ساعته منتظراً اللحظة حتى تأتي، وتأخذه طُعباً تقدّمه للسماك، فتصيد به ما تشاء من سمكٍ قد طال انتظاره - هو أيضاً - قلقاً يُشوى ويُفَرَّق عن عائلته.. لتخرجه من محيطه وتضعه في حوضك وتزين به غرفتك، أو حوض في مطبخك تزين به سفرتك فتظفر به يداك، وتُشبع به معدتك، وتُرضي به كِرشك.. فلا يرضي.

وأن الغزلان تترقب صوت بندقيتك لتعلم أنه قد حان وقت نيل الشهادة.. فتأخذ دماءها مسكاً في جيبيك، ليس هذا فحسب بل أن الذهب يتلألأ الدمع في عينيه، فقد تأخرت في تصويغه ليتكوم في دولابك، وتزغلل به عين الناظرين، أو ترميه على طاولة قمارك.

والعنب قد تنازل عن عرائشه ليأتي تحت قدميك.. فتهرسه وتحمّره.. فتُحيله إلى معصية بعد أن كان يسبح الله.

وأن الأرض بـ سطحها وبطنها.. تجود بمعادنها جميعاً لتلبية حاجتك، بل وأن الذرة بنواتها تركت أفلاكها ومساراتها ونسيت مشاغلها، لتتشطر فتفجر كقنبلة تقتل بها نفسك.

والأعشاب ترعرعتك لسيادتك.. تخرج منها سمومك ومخدراتك..

فتمزج بها لوهلة وقرض بها عمراً، فتأتي بذويها من الأعشاب.. لتخرج مضادات سمومك وذنوبك، لتتداوى بها.

ثم من تكبرك وتعظّمك في نفسك إلى نُكته أخرى وهي تعظيمك للمكان الذي تعيش فيه.. فتلاعب بك الظنون إلى أن الأرض هي المركز والكون من شمس ونجوم وأفلاك تدور من حولها، وحولك طبعاً، ولا حول ولا قوة إلا بالله.

ولكن أنت.. وبنفسك وبأيديك الكريمتين من صنعت التليسكوب لتتلاصق به على غيرك من مجرتك ومجرات أخرى، وهنا جاءت الصفعة التي أسقطت التاج من فوق رأسك الملك، وسقطت معه هيئته.

فإذا كانت الأرض سقطت من مركزها، وتبين له أنها تابعه من توابع الشمس وليست بمفردها، فمعها غيرها من الكواكب.. طائعين لها وتحت أمر جاذبيتها، بل أن الشمس بجلالة قدرها مجرد شمس وسط شمس ضمن مجموعة في منظومة من النجوم ضمن مجرة بها أكثر من ١٠٠ ألف مليون نجم.

ومن ثم فمجرتنا تلك ما هي إلا تابعة أيضاً ضمن مجرات أخرى، في عناقيد أخرى تحتوي على أعداد من مجرات والكون نفسه يقع داخل أكوان أخرى.

فإذا كانت الأرض بشحمها ولحمها، بحارها وأنهارها، جبالها وسمائها مجرد ذرة في مائة في ذلك الصندوق الأسود.

ولم يتركه العلم وشأنه.. فأخذ يشير بكل أصابعه، ويقدم كل أدلته

وبراهينه إلى وجود حياة على كواكب أخرى بل نجوم أخرى.. بل في كل مكان..

فاكتشف كواكب شبيهة الأرض في جوها وغلافها وأكسجينها ومائها واعتدال حرارتها وأخذ يسرح بخياله لوجود بشر في أماكن أخرى، بل كائنات أخرى في أماكن أخرى.. ولعلها مخلوقات من نوع آخر؛ نورانية أو إلكترونية أو أيونية.. ومع وجود الأطباق الطائرة والمراكب الفضائية.. أخذ يضع الاحتمالات ويضرب في اللانهايات.

ولستُ كـ الإنسان لـ أذكر القوي وأهمل الضعيف.. وأنشغل بالكبير وأنسى الصغير.

فإذا كانت الأرض حبة رمل.. فبداخل حبة الرمل تلك.. أفلاك مصغرة من الذرات تشبه في تكوينها أفلاك الكون فبالذرة نواة هي شمسها وحولها إلكترونات كالكواكب تدور حولها.. وليست بتلك البساطة، فالنواة مكونة من أجسام أخرى بروتونية ونيوترونية ومزونة.. موجبات وسوالب وكلاهما.

وإذا تحدثت عن «أعيل» من فينا وأصغرهم حجماً وسناً «الفيروس» فحدث ولا حرج، فهو قادر على سحق «أرجل» من فيكم.. فما يكاد يقع على خلية حتى يغرس مخالبه ويحقنها بسوائله.. فيتفیروس كل ما فيها.

وسأنزل إلى مستوى أقل.. وهو الجماد، حيث الذرة وحيث النظام.. فلا يتعدى إلكترون على آخر، ولا يشدُّ عن فلك نواته وجاذبيتها ذلك المعمار الفني الهندسي الذي يشبه منظومة شمسية.. بداخله نبض وحركة، بل حركة مادفة نحو التشعب والتوازن.

أخبرني أين اللا عقل في ذلك!؟

دعني أجيّب أنا بما يفقد العقول.. ففي غضون مليون سنة فقط، جئت فتقدمت فاستحدثت فأفسدت بالكبريت والديناميت والأزوت والمازوت، اكتشفت الذرة.. ففجرتها، واكتشفت مبيد الحشرات الضارة.. فماتت معها النافعة، ومات معها النمل والنحل، وتلوث العسل والبصل.. ولم تُبقِ على شيء..

فمرّضت البهائم ومرّضت أسماك الماء وطيور السماء، ومرّضت أنت فأصبحت تمشي توزع الموت على خلق الله وتقول «موت للبيع» وغدوت تشكوها هنا وما هناك من كبدك وكليتك ورقبتك وفخذتك.. ومسكت قلبك وهرولت لشيخوختك في الثلاثين وحلت الأرض إلى جراجك الكبير.. خلّط البنزين والسولار وسرطانات الرئة والبلعوم.

ثم وقفت لتفكر ماذا تبقى من صحتك.. فنمت ترضع من سيجارتك، وتمصّ فإترك، وتبصق فتسعل فتقيء، وتسترخ ما بين ذلك بسيجارة أخرى.

وفي إحدى ليالي الصيف الصاخبة.. بين نوبات صداعك المزمن وسط كلاكسات وموتورات الموتسيكلات والميكروفونات، رفعت عينك وطلبت لحظة هدوء.. وما أهدأ من هذا السواد إلا سواد آخر.. سواد الفضاء، فطرت لتكامل مسيرتك، وتوزع فائض فضالاتك.

فما لبثت أن خرمت أوزونك منطلقاً إلى النجوم.. تحيطها بأطباق التلصص والتجسس، وتتعثّر في أقمارك الصناعية.. وملأت فراغ الكون بلعبك حتى أفسدت العلاقات بين الكواكب، وقربت المسافات بينك وبينها، وباعدت بين أقرانك على نفس الكوكب.

وما زلت تلهو.. فتلاعبت بأثاثات الطبيعة، وأنزلت أمطارك الحمضية، وصنعت زلازلك وبراكينك وخلقت شمس إحتباسك الحراري، وزدت من منسوب المياه.. فلعبت بجميع المعادلات المحسوبة!

وآخر الأمر وليس آخراً.. تلوثك الأخلاقي.. ذلك التلوث «المكس» من ضجيج كلباتك العارية وكوايس المنظر التي تتزاحم بيننا حتى تنام في أحضاننا.. فتحنو على كلب ساقه مكسورة، وتقتل ملايين الأطفال، أيها المخبول!

حتى الفضلات..

الفضلات التي نخرجها نحن الحيوانات يستخدمها النبات كسماد وغذاء نافع مفيد، وفضلات النَّفس من ثاني أكسيد الكربون، يستخدمها النبات في التمثيل الضوئي.. وأيضاً فضلات النبات نتنفسها نحن وأنتم البشر.

أما أنت يا إنسان.. فبالرغم من علمك وعقلك، تلقي بفضلاتك الكيميائية في المياه.. فتقتل جيراننا من الأسماك، وتقتلنا، ثم تقتل نفسك.. وفضلاتك الجسدية أيضاً، وتنسى أنه بذلك أنت تكمل دورة حياة ديدان كالبلهارسيا، التي ستقتلك فيما بعد.

وبغبارك لوثت غلافنا وفضاءنا، ولمر تكتفي بهذا، فلم ترحم ولم تترك من يرحم.. فأنت تلوث وتقضي على من ينظف من ورائك، فلم تسلم الأشجار منك، فتقطع بمعدل ١٠٠٠ كيلومتر مربع.

ونسي الإنسان أنه حلقة من حلقات الكون المتوازن.. وزادته أهمية حلقتة نسياناً.

فإن كانت بكثيرة يا الأرض وديدانها تتغذى على نيتروجين التربة بالتبادل مع النباتات، وتأتي الحشرات للتغذي على النبات، ومن ثم الضفادع وغيرها من الزواحف تلتهم الحشرات.. فتأتي الأسود ومن ورائها حاشيتها وماشيتها لتأكل الحشرات في النبات في الزواحف في الحيوانات.. فتأتي أنت باختصار لتأكل كل هذا بوصفاتهاك وشهيتك، وبعد أن تشبع منها تعود إلى طين الأرض وبكثيريتها وديدانها.. فتأكل هي منك وتشبع، لتُغلق الحلقة مجدداً.

فإذا حاولت التخلص من الحشرات وهي حلقة من حلقات الدائرة.. فلن تجد الزواحف ما تأكل وكذلك الأبقار وكذلك أنا وأنت.

ونسيت أن الحياة كالعقد.. وأنت حلقة فيه، فإذا انكسرت حلقة - كبيرة أو صغيرة - انفرط عقد الحياة كله!

وإن كنا نقتل.. فالحيوان معذور، يقتل لـ يأكل، على قدر مَعِدَتِهِ لـ يَسَدَ جوعه، فلا يقتل القطيع كله، ولا يقتل شعوب وهو شعبان فـ قتلنا يختلف عن قتلكم، وحروبنا تختلف عن حروبكم، حتى حروبنا الكيميائية التي يشنُّها الزنبور على فريسته ليخدرها ويحفظها على بيضه.. لحين يخرج صغاره فيجدوا ما يأكلوه.

فهذا ليس قتلاً وإنما إنسانية حيوان.

أما أنت فتصطاد الدب أمام أمه، لترتدي جلده كمعطف من الفرو.. وكلب البحر الذي يجسئ صغاره في أعالي الصخور.. فتذهب أنت هناك لتهدى جلده جواكيت لسيداتك.

أنت أصغرنا سنناً.. ألم تأتي أنت في نهاية شجرة العائلة.. فتلك الحشرة

عُمرها يزيد عن ٥٠ مليون سنة، وتلك الطحلبة أكثر من ٣٠٠ مليون سنة..
وأنت عُمرك مليون سنة!

فاعترف كما اعترف جدودك.

ألم يقل أحدكم ويُقرّ بشهادة الحفريات أن أصلنا خلية واحدة
بسيطة؟!

فمن وحيدة الخلية إلى الرخويات ثم القشريات، ومن اللاقضية إلى
الفقرية، ومن بكتيريا لـ طحلب، ومن فطر إلى زهريات، ومن بروتوزوا
لاسفنج لديدان وعناكب إلى ذويها من الحشرات ثم أسماك وشفادع
وسلاحف ثم طيور وأخيراً الثدييات وأعلام الشمبانزي.

ثم جئت أنت أيها الإنسان.

إن التراب مكوّن من ١٦ عنصر هم نفس العناصر التي تُكوّنك أنت يا
إنسان.. فلا تُنكر أصلك!

بل إن الله عظمّ الجماد.. في الشئ الذي تفعله مرة واحدة في حياتك
«الحج»، وتطوف حول جماد، وتقبّل جماد الحجر الأسود.

فمنه تأتي وإليه تعود ومنه تبعث.. فلماذا التكبر والغرور!

﴿ قَالَ فَأَهِطْ مِنْهَا فَمَا يَكُونُ لَكَ أَنْ تَتَّكِبَ فِيهَا فَاتَّخِجْ إِنَّكَ مِنَ الصَّاغِرِينَ ﴾

[الأعراف: ١٣].

هيا اخبرني ما الفرق بيني وبينك؟ ما الفرق بين الإنسان والحيوان؟

اعتذار لجميع الحيوانات

فالحيوان ليس شتيمة أو مَسبَّة، وليس رمزاً للشهوة، وانتهاك الحقوق ليس من سمات «العايش في الغابة»، فالغابة قانون تحترمه الحيوانات ..

فلا نرى حيوان يُثار إلا في موسم تزاوجه، ويهدف التكاثر.. فهي وسيلة وليست غاية، ولم نسمع عن فيل أعتدى على فيل أصغر منه سناً، ولا عن أسد أهان شيخ الأسود الأكبر سناً ولم نسمع عن خنزير أكل مال يتيم، ولا قرد يشرب الخمر والمخدرات، ولا عن طاووس إرهابي.

أما الإنسان فحدّث ولا حرج!

هل أصبحنا طرزان؟! .. هل أنا انسان أم حيوان؟! هل كنت إنساناً وتحولت قرداً؟! أم كنت قرداً واتسختت إنساناً؟!

من فينا يقف في القفص لتأمل فيه؟ من فينا المهم صاحب الشأن حتى نقف أمامه في صمت؟!!

مَن المميز حتى نحافظ عليه! فالقروء جميعها تشبه بعضها البعض!

القرد! يعطيني درساً من وراء قفص! ولكن قفص مَن؟!!

مَن في قفص مَن؟ ومَن يتأمل مَن؟!!

القرد في قفص الحديقة وأنا أتأمله؟ وماذا أتأمل؟!!

أم أنا في قفص الدنيا وجئت ليتأملني.. ويعطيني درساً؟!!

القرد على حق... ويجب أن أكتشف الحقيقة.

لو غار ايتمات

- شيبس .. ايه المكان ده؟!

= هنا الحقيقة

- أنا شايف نوعين من «الأنايب» .. أنايب حمراء

وأنايب زرقاء، وبينهم وصلات صغيرة .. شيبس، ما

امتداد هذه الأنايب؟

= امتدادها ١٠٠ ألف كيلو متر أي أطول من المسافة بين القاهرة

والخرطوم، وهي أكثر متانة من الحديد، وصلابة من الكروم، ومرونة أكثر من الكاوتش.

لاحظ سيدي أن الأنايب الحمراء أكثر سُمكاً ومُرونة، وذلك لتحمل

الضغط الأعلى، أما الزرقاء فمزودة بصمامات وذلك لإجبار السائل على

السير في اتجاه واحد ٤٠٠٠ مرة في اليوم.

- ايه؟! ليه! سائل ايه ده؟

= هذا «السائل» هو وقود جميع الأجهزة الموجودة في هذا البناء، وكما

ترى سيدي هذا «الأسطول الأحمر» يحمل الغذاء والمؤن اللازمة .. وهذه

مراكب الأكسجين، وهذا الجيش من العساكر يقوم بدورات يومية

ويُسَمَّى «الأسطول الأبيض»، مُزوَّد بـكارت ميموري يتذكر به الأعداء، فهو يقضي عليها ثاني مرة أسرع من أول مرة.. وهذا «الأسطول الأصفر» أسطول الأطباء يلجِم الجراح الناتجة عن الحرب.

- ايه الحنفية ديه؟ مكتوب «اضغط هنا».. ايه ده؟

= هذه نقطة من هذا السائل.. يوجد بها ٢٥٠ مليون عامل من الأسطول الأحمر، ١٣ مليون طيب من الأسطول الأصفر، و٣٧٥ جندي من الأسطول الأبيض.

- في نقطة واحدة! ليه؟!.. حاسب.. انفجارات

= لا تقلق.. فهذه وظيفة أطباء الفريق الأصفر سوف يتم إصلاحه في ٤ دقائق!

- ايه الصوت ده؟

= هذا صوت «الموتور» الذي يضح السائل في هذه الأنابيب بمعدل ٧٢٠٠ لتر في اليوم، وزن الموتور ربع كيلو فقط! وهو يضرب في الدقيقة ٧٠ مرة! فيصل السائل إلى أعلى المبنى في ٨ ثواني، وإلى أسفله في ١٨ ثانية! وهذا وهو في مستواه الأول من الطاقة.

تلك الضربة تستطيع رفع وزن ٦ كيلو لمسافة ١ متر! طاقة هذا الموتور كافية لرفع رجل ٥ طوابق داخل مصعد! وطاقة موتورين كافية لتدوير شاحنة لمدة يوم حول العالم!

- ليه يا عم.. موتور ايه ده؟!!

= هذا الموتور الصغير مكوّن من ٤ غرف؛ غرفتين على اليمين واثنين على اليسار وبينهم «تروس» لتوجيه السائل في اتجاه واحد، وذلك لأن الغرف على اليسار تضخ الوقود لجميع أجهزة هذا المبنى وأما اليمين فيستقبل الوقود المستهلك ويعيد تدويره هنا.

- هنا فين؟!

= جهاز «الإسفنجي» يشبه السفنجة في شكله ووظيفته.. فهو يفلتر الوقود المستهلك فيصبح نظيفاً قابلاً للاستخدام مرة أخرى، ويترد الفضلات في أنابيب الهواء، فتخرج من ذلك الشكمان إلى الخارج بمعدّل ٢٥ ألف مرة في اليوم!

و تلك الأنابيب مكونة من ٦٠٠ مليون حويصلة وهي تساوي ٩٤ متراً أي طول ملعب تنس!

- والطاقة دي كلها بتيجي منين؟

= من هنا سيدي.. هذه الغرفة.. غرفة المطحنة، تفضّل ولكن احذر!، فهذه الغرفة مزوّدة بـ ٣٢ سكين تنقسم إلى قواطع ومطاحن وبها مضخات تفرز حوالي لتر ونص في اليوم، لتسهيل عملية الطحن.. وهذا المضرب للتقليب.

ثم ترسل المنتج المطحون إلى «الخلاط» وهو مزوّد بـ ٣٥ مليون مضخة، ثم إلى مواسير الصرف، وهي مُتصلة بالأنابيب الحمراء والزرقاء عن طريق شقاطات.. تشفط بها الغداء والمؤن إلى الأسطول الأحمر، ثم إلى ذلك الفلتر.

- وده ايه ده كمان؟!

= «الفلتر» ينقي السائل ويفلتره ثم يخرج الفضلات إلى المجاري ومواسير الصرف بمعدل ١,٥ لتر في الدقيقة، أي السائل كله في ٤ دقائق! كما أن الفلتر مكوّن من وعاء يشبه الفنجان مُتصل بـ ٢ مليون أنبوب تُصّب في خزان، ثم إلى المجاري إلى الخارج للتخلص منه.

- شيبس كلمني عن الحماية!

= ذلك المبنى مغطي بالكامل بـ «مشمّع» Water proof لا يسمح بدخول ماء للمبنى.. ولكن يسمح بخروجه عن طريق فتحات التهوية «التكييف المركزي». ففي كل ١ سم ٧٠٠ فتحة تهوية! أي ١٥ مليون وحدة تكييف في ذلك المبنى متصلة بـ ٦٥٠ مليون سلك كهرباء!

كما أن هذا البناء قائم على ٢٠٦ «عامود» أقوى من الحديد، وأصلب جزء فيه هو أخف جزء! وتلك العواميد مُسلّحة بـ ٦٠٠ «ترسانة» للحركة تدور على ١٠ مليون تروس صغيرة، وتلك التروس تعمل كروح الفريق.. وبين الـ ٢٠٦ عامود يوجد ٢٣٠ مفصل، بين كل مفصل وآخر مخدات وأربطة لتسهيل حركة المبنى.. فمجهود هذا المبنى يساوي رفع ٢٠ طن!

- دي بقى «كاميرا»!

= نعم سيدي ولكنها ليست كأبي كاميرا.. فهي تلتقط الصورة في جزء من ألف في الثانية.. أي ١٠٠٠ صورة في الثانية، ويمكن أن تميز ٢ مليون لون، وهي متصلة بمليون سلك كهرباء!

كما أنها تعكس الصورة مقلوبة على تلك الشاشة في الخلف، ومع وجود كاميرتين على تلك المسافة المناسبة، فذلك يعطيها الصورة الثلاثية الأبعاد،

ومزودة بعدسة وخاصة Autofocus للتركيز على الهدف مهما بُعد أو قُرْب.

-مممم، عشان كده كل الحماية دي؟!!

= أجل سيدي.. فكما ترى وُضعت في حجرة حتى لا يظهر منها إلا الثلث الأمامي فقط.. ليس ف حسب بل أن هذا الثلث مغطي بهاتين "المساحتين" اللتان تنظفان العدسة مرة كل ٣ ثواني، بعد أن يتم رشها بطبقة من الماء.

- بس كده المساحات دي اللي بتقفل وتفتح كل شوية هتأثر على الصورة وكفاءة الكاميرا؟!!

= لا سيدي.. فمع تلك السرعة المذهلة للكاميرا وسرعة المساحات أيضاً، فليس هناك مشكلة.. بل بالعكس، فإن حركة المساحات تزيد من كفاءة الكاميرا.. وذلك لأنها تُريح الكاميرا، فهي تغلق ٢٠ مرة في الدقيقة أي ١٠٪ (أي أن كل ١٠ ساعات.. ساعة راحة).

- وياه الجهاز ده؟

= هذا «ريسيفر» مركز استقبال الصوت.. أقدم الأجهزة وأولها في استلام وظيفته، كما أنه يظل يَقِظ طوال اليوم بل طوال العمر، وقدرته تزداد ليلاً لتعويض تقصير الكاميرا وزيادة القدرة على التمييز عن بُعد أما هذا «القمع» فيعمل على تجميع الأصوات وصبها في تلك الأنبوبة لتصل بدبذبات معينة عن طريق تلك الطبلة، ثم تلتقطها أسلاك كهربائية.. ولديه القدرة على تمييز ٢٠ ألف ذبذبة! كما أنه مزود بـ Sensor يحتوي على سائل عند الإهتزاز يعطي تقرير عن حالة توازن المبني.

- بس إزاي الجهاز ده يستقبل الأصوات في الدوشة اللي جوه المبنى دي كلها؟!

= الجهاز معزول عن الداخل سيدي.. فوسط ضجيج الموتور وتزييق المفصلات واحتكاك التروس والشلات داخل الأنابيب.. فهو يستقبل الأصوات من الخارج فقط.

- و«السلم» ده بيودي على فين؟

= إلى «غرفة الكنترول».. مركز التحكم في هذا المبنى كله، هذه الغرفة مُقسمة إلى أكثر من ٢٠ مكتب.. كل مكتب متصل بجميع أجهزة هذا المبنى بأسلاك كهرباء يصل عددها إلى ١٢ مليار سلك، وطولها يبلغ ٤٨٠ ألف كيلومتر! ويصل وزنها إلى ٢ كيلو جرام!

- وايه ده؟ «الكابل العمومي»!؟

= بالفعل.. يخرج من غرفة الكنترول يتفرع إلى أسلاك تصل لكل غرفة وأنبوبة وتوصيلة، وبينها سويتشات لتنظيم الكهرباء

..و-

= قبل أن تسأل.. هذه «القبة المعجزة» مكونة من ٢٢ عامود لحماية غرفة الكنترول.

- وعلى ايه كل ده ما يجيبوا جهاز كمبيوتر!

= لا.. هذا ظلم أن تقارنه بجهاز كمبيوتر! ف..

- شيبس! أنا مش فاهم حاجة.. إحنا فين؟ وايه علاقة المكان ده بالحقيقة؟!

= سيدي نحن بداخل جسدك.

- جسد مين يا عم؟

= نحن بداخل جسد الإنسان.. تلك الأنابيب هي الأوعية الدموية، الحمراء شرايين والزرقاء أوردة، وسائل الوقود هو الدم، والأسطول الأحمر كرات الدم الحمراء، والأسطول الأبيض هو كرات الدم البيضاء، والأصفر هو البلازما.. أما الموتور هو القلب، وتروسه هي صمامات القلب، والجهاز الإسفنجي هو الرئتين، وغرفة المطحنة هي الفم والمضرب هو اللسان، توصل إلى الخلاط وهو المعدة ومنها إلى فواير الصرف وهي الأمعاء الدقيقة والغليظة.

والفلتر هي الكليتين، وغطاء المشمّع هو الجلد المزود بجهاز التكيف المركزي (فتحات العرق)، والعواميد القائم عليها المبني هي العظام وعددها ٢٠٦ والترسانة المسلحة هي العضلات، والكاميرا العين والمساحات هي الجفون، والرسيفر هو الأذن، والقمع هو صوان الأذن، والسلم هو العمود الفقري الذي يحمي الكابل العمومي أو الحبل الشوكي الموصل إلى غرفة الكنترول وهي المخ.

انظر معي إلى كمية السباكة داخل جسمك.. مجموع المواسير داخل هذا المبني، بما فيها من ملايين الوصلات والمجاري وأنابيب الهواء التي يجري فيها البول والدم ومخلفات الهضم وعوادم التنفس.

انظر إلى ممرات الولادة بغرفها ودهاليزها، وخراطيم الليمف ومحطاتها.. أنابيب العرق والدموع والشحم والتزييت داخل الجفن.

تلك الميزانية العنيفة التي تعيش بداخلنا مئات السنين دون أن ندري ما بداخلنا.. دون أن تتلف أو تصدأ، وإن أصابها التلف، أصلحت نفسها بنفسها، وذلك التوازن المحسوب في الدم من صوديوم وبوتاسيوم ومن سكر وبروتين وكوليستيرول وبولينا، وفي قلبية الدم وحموضة البول ودرجة الحرارة وضغط الدم ونسبة السكر ونبض القلب ومعدل التنفس.. إلى نظام الإمتصاص، ودودية الهضم ووحدات الإخراج، ثم الإحتراق داخل فرن الكبد، وتناغم الهرمونات والإنزيمات.

أي خلل في هذه النسب يؤدي إلى مرض شكل، وأي تعطل في أنبوبة من الأنابيب، تترجم إلى صرخة مخص أو انسداد يؤدي إلى ذبحة.

﴿ صِبْغَةَ اللَّهِ وَمَنْ أَحْسَنُ مِنْ اللَّهِ صِبْغَةً وَنَحْنُ لَهُ عَابِدُونَ ﴾ [البقرة:

[١٣٨].

(اقرأ الفصل من الأول تاني)

= ما تقارنش المخ بالكمبيوتر.. لو جبت المخ وطحنته إلى فتافيت.. لو جبت فتفوتة مخ قد حباية رمل واحدة، هتلاقي فيها حوالي ١٠٠ ألف خلية عصبية وملايين الألياف العصبية ومليارات الوصلات، وبالرغم من إن المخ مساحته أقل من ٢٪.. إلا إنه يستهلك ٢٠٪ من الأكسجين.

عدد التوصيلات في المخ تساوي ١٠٠ ضعف كمية التوصيلات في جميع أنحاء العالم وده يساوي ١ وجنبه ٩ مليون كيلومتر أصفار.. ومع ذلك يعمل بـ ٢٠ وات بينما يعمل الكمبيوتر بـ ١٠٠٠ وات سعة تخزين المخ تملأ ٣٠٠ مليون كراسة معلومات وبدون Upgrade.

في كل لحظة تتدفق شلالات من الإشعارات والرسائل العصبية من منافذ الحِس؛ الجلد والعين والأنف والأذن والأحشاء والقلب والأوعية الدموية والكبد والرئتين.. بالإضافة إلى خطوط الربط بين مراكز المخ نفسه، ويقابل كل ده خطوط زيبها.. رايح جاي!

ده العين لوحدها فيها مليون و٥٠٠ ألف كاميرا أكثر من مجموع كاميرات استديوهات كوكب الأرض كله! وكل كاميرا لوحدها خارج منها سلك، وفي الآخر يتجمعوا كلهم في كبل عصب بصري للعين واحدة!!!
كون عجيب ليه جغرافيته وتاريخه.. اسمه الإنسان.. أنا وأنت.

﴿صُنِعَ اللَّهُ الَّذِي أَنْفَنَ كُلَّ شَيْءٍ﴾ [النمل: ٨٨].

لوجبت روبوت وبرمجته إنه يمشي الطريق ده ويلف شمال ويفتح الباب ويدخل.. وجيت حطيت شنطة في طريقه، أو قطة عدت قدامه أو حطيت سهم على الباب.. كل شيء هيتغير والروبوت مش هيعرف يكمل طريقه.. الفكرة في التأقلم والتكيف، وده بغض النظر عن إن أنت اللي صنعت كل جزء فيه، وإن أنت اللي برمجته وعن الوقت اللي خدته عشان توصل للمخطوات دي.

وبالرغم من التقدم اللي وصلنا ليه.. أي روبوت أو كمبيوتر أو جهاز ميقدرش يؤدي أكثر من وظيفة مهما فاقت جودته، فقد تكون تلك الوظيفة «ذاكرة» تتمثل في إجراء معادلات رياضية معقدة في زمن لا يستغرق دقة قلب، ولكن ما زال لا يشعر بعناء الحساب، ولا يتذوق طعم الأرقام، ولا شك الأخطاء واستحالتها.. وقد تكون الوظيفة البصر.. فتقتصر على النقاط الصور، ولكنه لا يلقي لها بالاً، فلا يتذوق جمالها ولا يدرك ماهية الصور.

هي مجردة.. برحمة.. وحدة إدخال وإخراج.. لا تذوق، سواء أن كان مادياً أو معنوياً.

ف تشبيه المخ بالكمبيوتر.. يعني تشبيه ال DVD بأنه يفهم ما يعرض من أفلام.

﴿الَّذِي أَحْسَنَ كُلَّ شَيْءٍ خَلَقَهُ، وَبَدَأَ خَلْقَ الْإِنْسَانِ مِن طِينٍ﴾ [السجدة: ٧].

المخ شبه نص الكنتالوب.. القشرة اللي بره هي القشرة المخية، أما تحت القشرة، اللحم مقسوم فصين.. اللي فيهم جميع المراكز، قدام: الوظائف العليا من تفكير وتخطيط وشخصية الإنسان، ووراء: مركز الإبصار، وعلى الجنبين: مراكز السمع والذاكرة.. ومكان البذر هو جذع المخ، والمهاد وتحت المهاد.. وده المايسترو، أهم مراكز المخ لدرجة إنهم كانوا فاكرين إن الروح هنا.. أما التجويف فده يمثل الجهاز الحوفي، وده المسئول عن الذاكرة والسلوك والإنفعالات والعواطف والمشاعر.

كل وظيفة ليها جزء في حكومة المخ، زي الحكومة الفعلية في أي بلد.. مستويات:

المستوى الأدنى.. هو مستوى العمل والخدمة العامة، والسيكرتارية وقلم الشطب والأرشيف، وظائف روتينية كالهضم والتنفس ورمشة العين وضقة القلب.. معلومات بدائية، مشفرة ومبرحمة، ثم محفوظة وتُطبع أوتوماتيكياً.. ومستوى أعلى هو وزارة التخطيط والتدبير والتفكير، ومن فوقها حاكم يتأمل ويتكرر ويضع مخططات لكل ما هو جديد!

﴿فَتَبَارَكَ اللَّهُ أَحْسَنُ الْخَالِقِينَ﴾ [المؤمنون: ١٤].

ومن عجائب المخ إنه يشعر بالطرف حتى بعد بتره، فيشعر المريض أنه قادر على تحريك ذراعه والتصفيق.. والعكس في مريض الجلطة فهو لا يشعر بها فحسب، بل أنه ينكر ذراعه ويقول هي ليست ملكي ويُقسم على ذلك! وآخرون يتجاهلون نصف جسدتهم.. فيحلق الرجل نصف لحيته الأيمن، ويرتدي كُم قميصه الأيمن وشرابه الأيمن ويأكل نصف طبقه الأيمن.. ويتجاهل النصف الأيسر تماماً.. وهي تُزيّن نصف وجهها الأيسر ليس لأن «العبوة كانت صغيرة شوية» ولا لأنها لا تراه!

ومنهم من تصيب الجلطة زرار play في مركز اليوتيوب أي مركز الإبصار الحركي.. فيرى ما حوله مجرد صور متفرقة، ولا يرى حركة. لأن هذا المركز مثل أفلام الكرتون.. فهو يجمع الصور ويُضفي عليها جانب الحركة.

وفاقد البصر الذي يمارس حياته بشكل طبيعي، ويتحرك بسهولة في أماكن لا يعرفها، ويستطيع أن يضع ظرفاً داخل صندوق البريد.

- عجيب! طب وابه لازمة فصين المخ وهم زي بعض؟

= لا مش زي بعض، الفص اليمين مسئول عن إدراك الأبعاد الثلاثية والقدرات الفراغية والهندسة والخيال.. وده أكثر تطوراً في الرجل.. أما الفص الشمال فهو مسئول عن اللغة والتعبير، وده أكثر في الست.. فلو افترضنا إن التفكير مَكْتَب.. ف الرجل يضع كل وظيفة في درج منفصل.. أما المرأة فتستخدم سطح المكتب، وده يفسر القصور في الكلام عند الرجل في التعبير عن مشاعره على عكس المرأة، كسا أن الرجل أكثر إتصالاً بالخارج أي مراكز الإبصار والسمع.. لكن المرأة أكثر إتصالاً بالداخل أي الإحساس

الداخلي، وهذا ما يجعل العواطف تتطفي على التحليل في التفكير، والتركيز على التفاصيل أكثر من الهدف العام، على عكس الرجل.

ولكن قدرات السمع، وحاسة الشم، والرؤية في الظلام واللمس والتذوق وتحمل الآلام أعلى في المرأة!

- أه، يعني الرجل يفكر بعقله والست تفكر بقلها؟

= لا.. في نوعين من العقل؛ العقل المنطقي التحليلي والعقل العاطفي الإنفعالي

- طيب.. طيب، ده الفرق بين الرجل والست.. أنا عايز الفرق بين الرجل والقرد!

= الفرق حَرف!

- حرف؟! إزاي؟!!

= القرد قالك إنه عنده عقل وقادر على التفكير والتطور والتعلم.. الفرق إن الإنسان قادر على التعقل والتفكر والتطوير والتعليم.

- لا واحدة واحدة بقى

= الإنسان قادر على توقُّع الأسوء والأفضل، وتقدير النتائج مُسبقاً وتصوُّر البدائل، ثم التخطيط لتحقيق الأفضل، باختصار التساؤل و الخيال وتحديد الـ long life goals وذلك بفضل حجم المخ الأكبر ٣ أضعاف، وتضخم القشرة المخية وذلك بسبب شريط الـ «دنا».

الذي يحتوي على ٣٠٠ ألف تيرا بايت! أي ٣٠٠ مليون جيجا.. وهو ما

يساوي ٣ وجنبتها ١٣ صفر معلومة بالاضافة للتغيير في بنية اليدين والقدمين، واستقامة الأصابع وطول إصبع الإبهام بالتناسب مع الأصابع الأخرى، وزيادة التحكم العصبي.

تيجي نجرّب؟

طِن الخشب أتقل ولا طِن الحديد^(١)؟

- أنت هتشتغلني يا شيبس! قد بعض طبعاً.

= لا.. طِن الخشب أتقل من الحديد، وده طبقاً لقانون أرشميدس إن عشان طِن الخشب أكبر في الحجم، ده هيخليه يزيح كمية هواء أكثر من كمية الهواء اللي هيزيحا الحديد.

طيب عارف إن الأرض اللي واقف عليها دي بتطير بسرعة ٦٦٠٠ ميل، وبتلف بسرعة ١٠٠٠ ميل!

وإن حركة الشمس مُعقدة جداً.. فهي تتذبذب يمين وشمال في حركة دوارانية كأنها إنسان يبجري بسرعة ٢١٧ كيلومتر في الثانية!

﴿وَالسَّمْسُ تَجْرِي لِمُسْتَقَرٍّ لَهَا ذَلِكَ تَقْدِيرُ الْعَزِيزِ الْعَلِيمِ﴾ [يس: ٣٨].

وإن الأرض مجرد حاجة من ضمن حاجات كثير بتلف في فقاعة الكون

(١) الحديد: لَر يخرج من الأرض ولكنه نزل من السماء على شكل نيازك واصطدم بالأرض واستقر في بطنها.

﴿وَأَنْزَلْنَا الْحَدِيدَ فِيهِ بَأْسٌ شَدِيدٌ وَمَنْفَعٌ لِلنَّاسِ﴾ [الحديد: ٢٦] [باعتبار البسمة آية] وهو العدد الذري للحديد.

رقم السورة ٥٧ وهو الوزن الذري للحديد.

اللي بتمدد كل ثانية، وإن الكون كله مُنحني زي البحر، والكواكب بتعموم فيه زي كَوْر بلاستيك في المياه.. الموج يرفعها وينزلها.

﴿ لَا الشَّمْسُ يَنْبَغِي لَهَا أَنْ تُدْرِكَ الْقَمَرَ وَلَا آيَلُ سَابِقِ النَّهَارِ وَكُلٌّ فِي فَلَكٍ يَسْبَحُونَ ﴾ [يس: ٤٠].

و لو اعتبرنا إن الكون كله صحراء.. فبعدد حبات الرمل نجوم.

وبعض الكواكب زي الزهرة يومها أطول من سنتها.. يعني بتدور حول الشمس في ٢٢٥ يوم، وتدور حول نفسها في ١٤٣ يوماً! ونيبتون يومه نُص يوم الأرض وسنته ١٦٥ سنة أرضية!!

طيب تعرف إن الأرض بتقع على التفاحة.. زي ما تفاحة نيوتن بتقع على الأرض، وده طبقاً لقانون نيوتن نفسه! بس عشان الأرض أكبر من التفاحة بعدد غير متناهي ده يخلي المسافة اللي الأرض بتتحركها ضخيلة تكاد تساوي صفر، فمانحسش بيها.

وتعرف إن إحنا نقدر نحرك كوكب الأرض من مكانه.. بس ده في حالة لو عرفنا نقطة ارتكازه ووقفنا على أرض ثانية، وجبنا حديدة * طويلة يكون ذراعها الطويل أطول من القصير بـ ١٠٠ بليون بليون مرة.. نقدر نحركه في ١٣٠ ألف مليون سنة لمسافة ١ سم (طبقاً لقانون الروافع).

طيب إحنا متفقين إن الأرض كورة.. يعني ده معناه إن أنا لو وقفت على سطح القطب الشمالي وواحد ثاني موازي ليا على الناحية الثانية على القطب الجنوبي.. واقف برضه بس رجله تحت وراسه فوق!

- إزاي؟! -

لو جبت كورة ونملتين.. نملة وقفت على الكورة من فوق، والنملة الثانية وقفت على الكورة بس من تحت.. كده النملة اللي فوق رجلها تحت وراسها فوق عادي.. لكن النملة اللي تحت راسها تحت ورجلها فوق.. ويمكن تُقع، يعني وإحنا قاعدين كده.. ممكن تكون راسك تحت ورجلك فوق، أو العمارة كلها متشقلبة! مش بس كده ده السماء كلها تحت والأرض هي اللي فوق!

وهي فعلاً كده بالنسبة للواحد اللي واقف قصادك على الناحية الثانية من الأرض!.. وهو بالنسبة لبردو راسه تحت ورجله فوق!

يعني لو أنت فضلت تحفر في الأرض تحت رجلك بطول قطر الكرة الأرضية.. هتفضل تحفر لحد ما تلاقي رجل واحد.. على الناحية الثانية من الأرض.

- طب ليه أنا مش بحس بده؟

= لما تجيب الكورة دي وتعلقها في صندوق ضلمة من جوا، وكان جوا الكورة دي جاذبية.. النملة مش هتحس هي فوق ولا تحت، وده اللي بيحصل معانا، يعني المؤشر بتاعنا هو الجاذبية.. عشان كده لما تتطلع في الفضاء.. مفيش فوق من تحت!

ولو طلعت القمر اللي فوق الأرض ده.. ووقفت عليه، تيجي تبص على الأرض.. تلاقيها فوق!!!

- الأرض فوق القمر؟

= أه، والقمر فوق الأرض.. لو طلعت الفضاء وبصيت تحت.. مش

هتلاقي حاجة، كل حاجة فوق -بالنسبة لك- ولما الأرض تلف حول القمر
وبالنسبة لك تبقى تحت القمر.. ساعتها مش هتشوف الأرض أصلاً.

إلا لو حطيت خشبة تحت الكرة الأرضية.. أو حطيت الكرة الأرضية
على تراييزة.. ساعتها هيبقى ليك فوق من تحت، لأن هيبقى ليك مؤشر، لكن
هي عايمة في فراغ أسود ملوش تحت من فوق.

- ايه ده!!!! ايه اللي أنت عملته ده؟

= أنا خدتك ومشيت على تلافيف مخك.. ودخلت في أخايد وخبايا
عقلك.

الموضوع مش بالبساطة دي!

إن عقلك يفوق كل هذه المتاهات، لأنه وسعها واحتواها في مداركها..
عقلك أدرك الكون.. إحنا فكّرنا فيه واكتشفناه، وحللناه، وتناقشنا فيه، ثم
اعترضنا، فراجعناه، وحفظناه ففهمناه بعد أن تخيلناه.

وده مش عشان عقلنا كبير! لأ، منح الحوت أكبر، والكوليرا أصغر والذرة
بتنسف جبل.

لك أن تتخيل إن الـ DNA بتاع البشر كلهم من سيدنا آدم لحد النهاردة
لا يملأ فنجان قهوة!

إذا العبارة ليست بالأحجام!

كورة الجيلي دي هي اللي اخترعت فنون وآداب الأرض، وشيّدت
حضارات الدهر.. هي اللي مليانة مواهب وخوارق.. استنتاجات وخيال.

داخل هذه الكتلة الهلامية.. يسكن الألم، وتنام الذكريات لم تُحذف منها لقطة، وتولد الإرادة وتتأهب للذة.

قد يكون الكون كبيراً هائلاً.. ولكن له حدود.. مُتَحيز في مكان، مترمن به.. له سقف وقاع!

ولكن أخبرني أنت! ما حدودك! إلى أي مدى تُحلق أجنحة خيالك؟

العقل هو أخطر شيء موجود على وجه الأرض.. فهو أقوى من العضلات وأصلب من الدبابات، فهو الذي فجّر قلبته النووية وهو الذي أبطلها، وبينما العضلات تَسَخَّر من الميكروب.. العقول تُسَخَّر الميكروب عبيد تنتج لها الإنسولين والأميسيلين وعائلات المضادات الحيوية.

تخيل ما يحدث إذا استطاع العلم أن يُخرج عقلك، ويوصله بأجهزة وحواسيب، ويستفيد بكل شبر فيه، وطاقة كل خلية تكوّنه، واستطاع تسجيل عواطفك وخواطرك وأفكارك.. وتمكّن من تدوين مذاقات الذكريات وطعم الملوخية ودفئ الأنامل وملمس خصلة شعر وترنيمه صوت حنون وروائح الأحلام!

فالخيال هو بروجيكتور.. شاشة عرض داخلية لما يدور داخلك من مشاهد بصرية وخواطر سمعية وتمتات كلامية وشفرات رقمية وموجات لونية.

وإليك بعض الخوازيق:

الأول: مولود بـ هارد ديسك داخل مخه.. قرأ أكثر من ١٢ ألف كتاب وحفظهم.. فهو يقرأ بمعدل ٨ صفحات في أقل من دقيقة، لأنه يقرأ صفحتين

مع بعض في نفس الوقت، العين اليمين تقرأ الصفحة اليمين والعين الشمال تقرأ الصفحة الشمال، ويفتكر حوالي ٩٨ ٪ من اللي قراه!!

والثاني: يستطيع إجراء من ٢٠ إلى ٣٠ عملية حسابية في الثانية! من أرقام مكونة من ٥٠٠٠ خانة بعد الفاصلة وتصل إلى أس ٥٠!!

والآخر يذكُر اليوم المقابل للأسبوع في أي تاريخ تقول له.. لفترة تصل إلى ٢٢ ألف سنة قبل وبعد الميلاد!

والأخير يحفظ جميع نتائج كرة القدم، باليوم وأسماء الفرق ومن سجل في جميع البطولات!

هناك عبقرى نائم بداخل كل منا.. فـ شيخوخة المخ لا تصيب إلا من توقف عن استخدامه!

فإن كان ليس من الممكن تغيير الماضي.. فمن الممكن أن تسبح بفكرك في الماضي والحاضر والمستقبل.

فقط فُكِّر! في تجربة واحدة معينة.. متي وأين حدثت؟! ما شعورك؟

أين تنام هذه الذكريات! وتستيقظ فجأة مهولة إليك عندما تستدعيها؟

والآن فُكِّر في المستقبل!

أفكارك عندها القدرة على السفر من مكان إلى آخر مهما طالت المسافات.. فأنت في منزلك تطير بعقلك إلى الصين وتحلم بباريس.

يا لهذا العقل الذي يعمل وينشط منذ الصباح حتى المساء في وقت متأخر

من الليل ويمنعك أن تنام، ومن ثم لا يتوقف عن الأحلام حتى يستيقظ فتُكمل تلك الحلقة المُفرغة.

- ويا ترى ايه أعجب شيء في العقل؟

- الأحلام.. وما أدراك ما الأحلام! ولنا في الأحلام خيال! ولنا في الخيال حياة!

فتجد العقل يسمع دون أذن ويرى دون عين، ويشعر دون مشيرات خارجية، ويشم ما هو غير وجود ويمشي وأقدامنا نائمة.. ثم يجري ويتعب، فيطير ليحلق من هنا إلى هناك، فتحلم مرة أنك في لندن وأنت لمر تزرها قط! وترى أشخاص لا تعرفها.

وكيف نطوي أزماننا تحت آباطنا.. فنأتي بلقطة من الحاضر على لحظة من المستقبل ونعصر عليهما من الماضي.. فنرى مشهدين في ذات الوقت حتى أنك تستطيع بعقلك أن تمسح كل معارفك وما تعلمته.. فتشعر لوهلة أن سخك «اتفرمت» ولا تذكر حتى معنى كلمة اسمك، وهذا ما نشعر به في لحظة الـ Mental Block.

ولو سألتني عن أخطر حاجة ممكن تحصل في تاريخ البشرية.. أقولك إن حد يتحكم في أحلامه.. تخيل واحد يمد إيدوه جوه مخه، يمد صوابه بين تلافيف مخه وينقي منها اللي هو عايزه.. يمشي بصباعه كده على شريط ذكرياته أو حبل أفكاره، كأنه بيختار كتاب من المكتبة يقراه.

فمرة يحلم إنه غني ولابس وممشيك وحاجز أسبوع في أفخم مكان في العالم ويدوق أحلى أكل في حياته ويحس بطعمه.. عادي ويقوم راكب

طيارته.. لأ، طيارة ايه.. صاروخه.. وصاروخ ليه؟ يطير هو.. ويطير ليه؟! هو مجرد يفكر بس يلاقي نفسه على المُشترى، يشتري منه كام حاجة كده من غير فلوس لابنه اللي هيخلفه كمان كام ثانية.

ومع التكرار والخبرة.. يقدر بعد ما يصحى ينام تاني ويكمل حلمه.. قصدي يكمل حياته.

تخيل! وصلنا لكده في يوم من الأيام.. وأنت داخل تنام.. هتحس بيه؟ ولما تصحى هتحس بيه؟ وتصحى ليه أصلاً؟

والحلم بالنسبالك أصبح واقع! وهو ايه الفرق بين الحلم والحقيقة؟ اليقين؟ لا.. أنت بتبقى بتحلم وأنت كُلك يقين إن ده حقيقة. الإحساس؟ لا بردو.

الدقة؟ بالعكس.. وأنت نايم بتلغي كل المؤثرات من حولك.. مفيش حاجة واعية غير اللاوعي.. فبتقدر تشوف مساحة خيالك وقدرات عقلك الحقيقية.

الفرق الوحيد.. إن الحلم حلم.. بيفضل حلو لحد ما يخلص.

- طيب ما هو أي حاجة في الحياة كده.. يبقى ايه الفرق بين الحلم والحياة؟

= الفرق مش في الزمن.. ف الزمن شيء نسبي وإحنا عارفين

لما تصحى من حياتك.. هتحس نفس إحساس لما تفوق من حلمك.. بس الفرق إن الحياة هي الحلم الوحيد اللي تقدر تتحكم فيه.. وعشان كده هتتحاسب عليه.

الحلم نعمة من ربنا.. ربنا خلقه بيبلاش.. تحلم وأنت صاحي، وأنت نايم،
تحلم في أي وقت، أي مكان، وبدون حدود.. الغني يحلم والفقير يحلم..
السليم يحلم والعليل يحلم.. والصحيح يحلم والعاجز، والعجوز والجنين
يحلم.. أه، الجنين يحلم! وكل ما كان حلمك ملوش سقف كل ما طموحك
يزيد.

طب ما تيجي نحلم..

الحلم فكرة.. والفكرة لا تفني ولا تستحدث من عدم.. ولكنها تنتقل من
عقل إلى آخر.

الفكرة شجرة.. اسقيها تكبر.. انساها تموت.

الفكرة كالمطر.. ولكن تهطل من الأرض إلى السماء!

ثم إلى الذاكرة..

مما لاشك فيه أن ذاكرة الإنسان أكثر تطوراً منها في الحيوان.. وهذا يعود
لحجم مخه وتطور مراكزه المجاورة له وظيفته وتشريحاً.

ولكن الانتقال عبر الزمن لا يكون إلا في الإنسان.. ولا أقصد عبر آلة الزمن..
كما أنت عليه الآن، ولست أقصد العودة لاسترجاع أحداث مضت عليك أمس
أو قبل أمس أو حتى قبل سنين، ولكن العودة بالزمن إلى الماضي السحيق والقدرة
على تخيل ما كان قبل أن نكون.. قبل ميلادنا.. بل قبل ميلاد الكون.

فإذا أخبرت طفلك أنك كنت هنا في بطن أمك.. أثار ذلك ذهنه بتخيلاته

التلقائية.. كيف كنت ألعب هنا؟ وكيف خرجت؟!

ولماذا أكلت أُمي لعبتي؟ ولماذا أكلتني أنا؟!

ليس هذا فحسب، بل القدرة على تخيل المستقبل.. ماذا حدث غدًا؟! وماذا بعد سنة؟ وماذا بعد الموت!!؟

وإذا عُدت فأخبرت طفلك.. ماذا تريد أن تصبح عندما تكبر؟ سوف ترى شرارة ذهنه في عينه، وهو يخبرك أنه سيصبح طبيباً ليعالج تلك الواو! وأقول «طفلك» حتى تدرك أن تلك الخاصية ليست نتاج ذكاء أو كِبَر سِن، ولكنها غريزة إنسانية.

فالخيال إنساني بحث بكل ما تحمل الكلمة من معنى، حاله حال السببية..

- النسبية ثاني؟

= لا لا.. السببية، يكفي أن تجلس مع طفلك لتفهم السببية.. فد عن كمية الأسئلة التي ستتهال عليك حتى تنهره أنت بـ «كفاية أسئلة جالي صداع»، فيؤمن الطفل بعبارة «إذا عُرف السبب»، بطلُّ العجب «.. ويعلم تمام العلم أن الأجسام الثابتة لا تتحرك إلا إذا حركها شيء» «قانون حفظ الطاقة».

فالطفل يرى أحسن مما نرى.. وبراءته هي أعمق من تفكيرنا.. لأنه يسأل أسئلة وجودية لا تخطر ببالنا، وهذا ما دفع أينشتاين.. كما يدفعنا إلى حب الاستطلاع والبحث.

والبحث ليس مقتصرأ علينا.. فالنبات يبحث عن أكسجينه، والنمل يبحث عن خزينه، والنحل يبحث عن رحيقه، ولكن كما لاحظت فهو يبحث للضرورة والبقاء، ولكن نحن.. فنبحث لمجرد البحث، والاستزاد والمعرفة، وحب الجديد والاستطلاع.. ف صعود القمر ليس بضرورة للبقاء.

كما أن من سمات المجتمع الإنساني: التوقع.. وإن كانت الحيوانات تتوقع هجوم أو هروب غيرها من خلال جسده أو سلوكه.. ولكن التوقع في الإنسان أكثر عقلانية حتى يصل إلى خلق علوم في «قراءة الأفكار» و«لغة الجسد».

لا ننكر أن الحيوانات والطيور والحشرات والأسماك تتحاور وتُسيح.. ولها القدرة على التواصل.. وكلُّ لديه لغته، والفرق يكمن هنا في أن لغتنا نحن من اخترعناها، وليست غريزة فينا.. فلكل بلد لغتها، بل لكل شعب لهجته، ولكل طائفة لكتتها.. فـالقط يستطيع التواصل مع ابنه، ولكن لا يستطيع التفاهم مع الأسد.. وإن استطاع فلن يستطيع عقد هدنة مع الفأر. لكننا تواصلنا بجميع طوائفنا.. وشعوبنا.. بل مع الحيوانات.. وحتى الجهاد سخرناه.. فـلغة العصر حالياً هي لغة «إلكترونية» جامدة - من الجهاد -.

الفرق الثاني أننا تواصلنا عبر الزمن.. وأصبح تاريخنا كله واحداً.. منذ آدم عليه السلام حتى يومنا هذا.. فترى الزمن تُطوى صفحاته في سطور بين أيدينا، ورأينا كيف سجّل الفرعوني تاريخه، ليصل إلينا فيُخبرنا به.. وكيف سافر القرآن عبر الزمن!

ولإدراك تطور اللغة.. ترقّب الجنين.. كيف بدأ كلامه بحركات، ثم أصوات، ثم نطق حروف.. فـكلمات ثم إلى تركيب عبارات، حتى صار شكسبيراً!

وليس تطوّر اللغة فقط..

ففي قديم الأزل كنا نعيش في غابات.. وتجري حولنا القبيلة والضباع والديبة والغزلان.. ف كنا نأكل مع حيواناتنا على سُفرة واحدة.. فنقضي نهارنا في نحت أفكار لصيد طعامنا، وفي الليل نخيط ثوب أخوافنا من أن نكون طعاماً لطعامنا.. فتارة نسكن الأشجار، وأخرى نأوى الكهوف، فنبيت وننام كالذئب بعين وعين، لنستيقظ على حلم الابتكار.. فمن جلود الماعز كانت خيامنا، ومن أنياب القبيلة كانت خناجرنا، ومن عظامها أسلحة، ومن الشجر زينة.

حتى لمعت في أعيننا الحجارة.. فبتنا سعداء بالسكاكين ورؤوس الحراب والرحايا.. فقد وصلنا لنهاية هذا العالم.. فنطهو طعامنا على نيران الحطب وشرارة الحجر، ونخزنه تحت الرمال.. فكان آخر صيحات العلم هو الفأس والمحراث، وزهو عصرنا هذا هو السهم والقوس.. ف كانت كليات القمة أنا ذاك هي الزراعة والتربية.. ولكن تربية الدواجن والمواشي، وكان أثرياء القوم وقتها من يملك كوخاً أو قصرأ من الطين، أو إحدى مركبات الحمير!

ثم اهتدينا إلى البحر.. لنشقه بأخشاب المراكب والسفن، ومن لعق الحجارة ونهش اللحوم إلى جدّ الخشب، ثم صهر المعادن.. فسئمنا عمل اليدين وإتجهنا إلى عمل العقل.. فجاء عصر الراحة، فأصبحنا ننتج الطاقة التي تدير وتعمل بدلاً مِنّا.

فمن النار إلى الفحم، ومن الفحم إلى البترول والغاز الطبيعي، ثم إلى الكهرباء لتدير بلاداً وعالم بأكملة، ومنها إلى الطاقة النووية التي تدير وتدمر سياسات، حتى أصبح لكل منا أسانسير لشقة في عمارة، وتأتي إليك المياه طوعاً، والنور سعياً في أنابيب وكبلات، لتضيئ فيضيئ معها عالمك.

فتجلس فتأكل الكاب كيك وترشف من قهوتك، وأذنك تسمع راديو مكان آخر وزمان غير الزمان.. وتُجيب أذنك الأخرى على هاتف من قارة مجاورة، ومن شُرْفَة تلفازك تنظر إلى ما تلتقطه أقمارك وستلايتاتك، وتُذيب ثلوج الطعام في الميكرو ويف، وتُخزّن فائضك في ثلاجة، فتهبط من ناطحة سحابك ٢٠ دوراً في دقيقة أو نصفها.. لتركب ما صادفك اليوم من موديلات السيارات لتلحق ميعاد الطائرة.. فيوقفك الزحام لترد على من يذكرك بميعاد أقراص الفيتامين والمكملات الغذائية التي تحملها في جيبك.. فتشكو له همك وفقرك، لأن الغني يطير على طائرته الخاصة.

ورداً للجميل.. أصبحنا نُسكن الحيوانات منازلنا بعد أن شاركناهم بيوتهم، وننام في أحضانها.

وسبب عدم ملاحظة هذا التحول الجذري من طرزان لديفيد بيكهام هو التسلسل البطيء الذي حدث تدريجاً، ولكن الآن تراه خرافياً مذهشاً عندما تقرأه في صفحة واحدة!

إن عَقْد المقارنة بين ساكن الكهوف صديق الحيوانات.. وبين مالك القصور أليف الحيوانات، يبدو خيالياً.. بل إن الفرق يبدو سحراً وشعوذة.. فبعد التنافس على تشققات الديدن، أصبحت تضع المونيكيير والمرطبات، وبعد أن كانت الشفاه تعضُّ على الحجر، أصبحت تعضُّ على إصبع الروج، وجاء عصر «راحة» اليد و«عناء» الدهن.

وما زالت تلك الحيوانات على نهج جدودها تلهو وتلعب في الغابات.. والفرق أنها لم تجدنا حولها كما تعودت، وبعضها في الأقفاس، نذهب إليها

لنلقي التحية ونستعيد الذكريات، ونخرج هواتفنا لنلتقط «سيلفي» مع جيراننا ونخرج لهم ألسنتنا غيظاً لما وصلنا إليه في مليون سنة فقط.

فما زال القرد يقفز بين الأشجار دون أسانسير، وما زالت الطيور ترهق أجنحتها دون هيليكوبتر، وما زال النمل يخزن بدون ثلاجات، وما زال السنجاب بدون بنوك، وما زالت الفيلة تهول لتلد وليدها في الماء بدون حضانات ولا أطفال أنابيب، وما زالت الأشجار تُسجّل ذكريات سنينها في دوائر جذعها.. بينما نحن نسجل الفيمتو ثانية صوتاً وصورة في جيوبنا، وما زالت الديدان تُفتّش في الأرض.. بينما نحن نُفتّش عن بديل الأرض وما زال العنكبوت ينسج شباكه الضعيفة، ويبنى بيتاً وهو على علم بأنه أوهن البيوت.. بينما نحن نتوسع في شبكتنا الإنترنتية ونبنى أقوى الحصون.

حتى نُجرّدنا من جذورنا الحيوانية، وكِدنا أن ننسى أننا كنا نسبح في نفس المستنقع، وليس ببعيد على حفيد حفدة أحفادنا أن ينسى أصله وفصله وكوكبه.. وكأن هذا الماضي ليلة من حواديت ألف ليلة وليلة قد انسلخت من بين صفحاتها.

ف كلانا يُولّد كالديدان، ثم نصنع شرانق وننطلق ككفرشات ذوات أجنحة.. ولكننا نستطيع بعد أن ننضح أن نناقش الأديان والأسماء والكتب.. نستطيع أن نقول لا، فنحارب المرض والجهل والفقر.. فنغيّر أذهاننا وأذهان من حولنا.. نستطيع أن نغيّر الأرض.. بل نتركها ونجوب الفضاء وراء كواكب جديدة.. ونستطيع أن نبني ونهدم ما بنيناه لبني آخر، ونأكل ونصوم.. ونشتهي ونمتنع.

فشلالات نياجرا ظلت تنحدر آلاف السنين تشرب منها الحيوانات..

حتى جاء رجل ووضع فيها عجلة، فأخرجت كهرباء وأضواء المدينة والرياح ظلت تهب وتطير فيها الطيور.. حتى طوعها الإنسان بمروحة أخرجت كهرباء وسيرها لسفنه، والأشجار ظلت تنمو.. حتى أشعل منها ناره ونوره للعالم.

نعم، النمل يبني بيوتاً ويسكن شقوق الحوائط، والحلزون يَكِنُ في قواقع، والفَرَاش يقضي عطلاته في شرنقته.. فلا تزيد معرفتهم بالحياة عن تلك المليمترات، لكن الإنسان يعلم خبايا القواقع وتكوينها، ويدرك أن هذا الشق في ذاك الحائط، وأن الحائط في إحدى غرف الشقة رقم ٥ من بين شقق العمارة.. في شارع من الشوارع.. داخل حي من أحياء بنت المعز، القاهرة، عاصمة مصر.. التي يزيد عدد سكانها عن ٩٠ مليون.. تقع وسط ثلاث قرات، تدنو من مركز الكرة الأرضية.. التي هي بدورها تابعة لمنظومة شمسية في مجرة من ضمن مجرات تسبح في فقاعة الكون السوداء، ويعرف أن كل هذا في سماء الدنيا الأولى، وأن هناك ست سماوات أخرى.

الإنسان هو الكتاب الجامع.. والكون صفحاته، طُوِيَت بين ذراعيه.

وأخلاقيات الإنسان مُفرقة على حدي في العديد من الحيوانات.. فترى مكره في الثعلب وصبره في الجمل ونبله في الحصان، ووفاءه في الكلب.. وفي شجاعة أسد، وفي لصوصية الطفيليات، وإجرام العنكبوت، وتتكبر الحرايبي وتحقفي الحفافيش، وتغير الثعابين ودهاء الأفاعي.. وغناء العصفير وترانيم البلابل، وزهو الطواويس، وسعي النمل، وكرم عطاء النحل.

ف السماء عقله.. والأرض أصله.

الإنسان في قمة هذه السلالة تفوق عليها بقدرته الهائلة على التكيف،

وبفضل جهازه العصبي الراقى.. فلم ينتظر أن تتطور ذراعه ليصيد فريسته، ولكن بها صنع النصل والسهم والبنديقية ليصيد ملكهم الأسد.. ولم ينتظر أن ينام فيستيقظ على صوت رفرقة جناحيه لكي يطير، وأخذ يجوب وراء النجوم في صواريخ.. ولم يمكث في سريره حتى تنمو خياشيمه ومجاديفه، فركب المحيطات في تيتانيك وغاص فيها بكبسولات.. ولم يحسب أيامه إنظاراً للبيات الشتوي ليرى قبيلته، بل أخذ ينسج خيوط شبكته العنكبوتية «الإنترنت».

وكما زودت أنف الجمل بألاف بصيلات الشعر.. ففتحات أجسامنا تحرسها جيوش الخلايا وكما تن الحراسة ومكائد الليمف، لتواجه أعدائها من جراثيم وأتربة، ففي زحام الميكروبات وتلفظ الفضلات وسيلان اللعاب وتهافت الأنفس.. تلتئم الجروح.

وكما تصبغ السحلية لونها بلون الشجرة.. يصبغ الزنجي مظلة بشرته لتحميه من فرط أشعة الشمس، وكما يُبطن الحوت جلده بدهون تدفئه.. يختلف توزيع دهون الإسكيموز، وكما تفلطح أوراق شجر الموز لتلقط ثاني أكسيد الكربون.. فأنف القوقازي يسمح له بشفط أكبر قدر ممكن من الأكسجين اللازم، وكما تتلون الفراشات بألوان الربيع.. تتلون عيوننا وتتجمل رسوماتها.

بالإضافة إلى كرم العطاء والإحتياطي الفائض من أجسامنا.. ف لدينا ٧ أضعاف ما نحتاجه من الرئتين، والجلد الذي يتجدد إلى ما لا نهاية، ومصانع الدم التي تنتج ٦٠ مليون في الساعة، ومخزون الكالسيوم في العظام، ومن الحيوانات المنوية في الدفعة الواحدة ما يساوي شعب قارة بالكامل!

حتى أنه يمكن تلخيص ما يعيش به الإنسان في ورقة بقالة:

$\frac{1}{8}$ ثمن كبدة

$\frac{1}{4}$ رُبع رئة

$\frac{1}{3}$ تلت كلية

$\frac{1}{2}$ نص منخ

﴿لَقَدْ خَلَقْنَا الْإِنْسَانَ فِي أَحْسَنِ تَقْوِيمٍ﴾ [التين: ٤].

- ولكن لحظة! هل هذا هو الإنسان! شوية لحم على عظم.. خريطة شرايين وتفرعة أعصاب، مدفوس في نصها قلب، وفصين منخ.. محطوطين في شنطة جلد طبيعي؟!

هو ده الإنسان! مجرد فيديو كول! اللي بنشوفه في المرآة، ونسمعه في تسجيل.. القابل للوزن والقياس؟!

مُقيّد في هيكلي، محبوس في جلدي!

يعني لو جبت منخ إلكتروني وكاميرا ٦٠ ميجا بيكسل وراديو وردار، وقلب بلاستيك ورئة سفنج.. وشوية لمبات على وصلات ودواير كهرباء، على كام ترانزيستور.. ورمتهم في هيكل الأموتال متغطي بجلد كاوتش.. كده كونت بني آدم!

هل هذا إنسان؟ أم مجرد روبوت! لعبة بزملك!

= الكمبيوتر يقدر يحفظ المعلومات اللي هياخذها، ويجمع وي طرح، ولكن لن يبتكر ولن يخرج عن المؤلف.

ف ١ + ١ = ٢

فقط يفعل ما يُملي عليه!

والكاميرا سوف تلتقط صور وبجودة عالية، ولكنها لن تتذوق جمالها ولن تفهم فحواها.. والقلب سيخفق، ولكنه لن ينبض بالحب والإحساس.

- إذا ما انذني يُفرِّق هذا الكيس الأبيض الطائف على الماء.. عن هذا القنديل الأبيض السابح في الماء؟! ما الفرق بين الدودة وحلوى الجيلي؟! ما الفرق بين الحصى والحلبة الحصى؟!!

ما الفرق بين اللعبة والبني آدم؟ ما الذي يدير الزمبلك، فتدبُّ الروح داخل الجسد؟!!

= أيوة أيوة.. زي ما أنت قلت.. الروووووح.

الروح هي الزمبلك.. الفيشة اللي بتطلع كهرباء المنخ الحقيقية اللي عن طريقها بتسوق الجسم كله. هي من أمر ربى.. ذلك السر الإلهي الذي يدبُّ في الشئ، فيُضفي عليه جانب الحياة، تلك « النفخة » من الله لكل جسد منا.. ليتحول من دمية هامة في علبتها.. إنساناً

﴿ وَسَيَلُونَا عَنْ الرُّوحِ قُلِ الرُّوحُ مِنْ أَمْرِ رَبِّي وَمَا أُوتِيتُمْ مِنَ الْعِلْمِ إِلَّا قَلِيلًا ﴾ [الإسراء: ٨٥].

هي القدسية التي عظمت من شأنه.. لتسجد الملائكة لآدم.. فلم يسجدوا للطين، بل للروح.

﴿ سَوَّيْتُهُ، وَفَفَخْتُ فِيهِ مِنْ رُوحِي فَقَعُوا لَهُ، سَاجِدِينَ ﴾ [الحجر: ٢٩].. ونركز على حرف ال «ف».

الروح هي الطاقة.. البطارية التي تدير الروبوت.. فبفضلها يصبح لديك شخص وشخصية وخيال وضمير.. بفضلها تكون أنت «نفسك».

- لا ثواني معلش.. هو فيه فرق؟

= أكيد طبعاً.. الفرق بين الروح والنفس، كالفرق بين السماء والأرض حرفياً.. فالروح هي السماء ومن السماء.. والنفس من الأرض وإلى الأرض.. فالروح من الله، والنفس منك.

﴿ مَا أَصَابَكَ مِنْ حَسْرَةٍ مِنْ اللَّهِ وَمَا أَصَابَكَ مِنْ سَيِّئٍ فَمِنْ نَفْسِكَ ﴾ [النساء: ٧٩].

فتسعى الروح لترتقي بنفسك للمثل العليا والكمال الرباني، والترفع والقيَم.. أما النفس فتتجذب إلى طين أرضها، من غرائزها وشهواتها، فالروح تشده إلى السماء، والتراب يجذبه إلى الأرض.. وتبقى نفسه مُعلّقة مع أحلامه.

﴿ لِتُجْزَىٰ كُلُّ نَفْسٍ بِمَا تَسْعَىٰ ﴾ [طه: ١٥].. ﴿ وَنَهَى النَّفْسَ عَنِ الْهَوَىٰ ﴾ [النازعات: ٤٠].. ﴿ فَطَوَّعَتْ لَهُ نَفْسُهُ قَتْلَ أَخِيهِ ﴾ [المائدة: ٣٠]..

﴿ وَلَئِكَ زَكَّرْنَا نَفْسَكُمْ ﴾ [الحديد: ١٤].. ﴿ وَلَقَدْ خَلَقْنَا الْإِنْسَانَ وَنَعَلَهُ آتُومِسًا بِدِهِ نَفْسَهُ وَمَنْ أَقْرَبُ إِلَيْهِ مِنْ جَلِ الْوَرِيدِ ﴾ [ق: ١٦].

فالنفس هي التي تموت.. وليس «روحه طلعت»!

﴿ كُلُّ نَفْسٍ ذَائِقَةُ الْمَوْتِ ﴾ [العنكبوت: ٥٧]..

﴿ وَإِذْ قَاتَلْتُمُوهُمْ فَادْرَأْتُمْ فِيهَا ﴾ [البقرة: ٧٢].. ﴿ وَلَا تَقْتُلُوا النَّفْسَ ﴾

[الإسراء: ٣٣]..

فُتْبِلِي النُفُوسَ وَتُمْتَحِنُ.. وَتُبْعَثُ لِتَحَاسِبَ.. أَمَا الرُّوحَ فَهِيَ أَمَانَةٌ
مستودعة مأجورة لفترة زمنية وجيزة.

﴿ هُنَالِكَ بَلَغُوا كُلُّ نَفْسٍ مَّا أَسْلَفَتْ ﴾ [يونس: ٣٠].. ﴿ لَا يُكَلِّفُ اللَّهُ نَفْسًا
إِلَّا وُسْعَهَا ﴾ [البقرة: ٢٨٦].. ﴿ عَلِمْتَ نَفْسٌ مَّا قَدَّمَتْ وَأَخَّرَتْ ﴾ [الانفطار: ٥].

﴿ كُلُّ نَفْسٍ بِمَا كَسَبَتْ رَهِينَةٌ ﴾ [المدثر: ٣٨].. ﴿ وَحَمَلَتْ كُلُّ نَفْسٍ ﴾ [ق: ٢١]..
﴿ وَأَتَقُوا يَوْمًا لَا تَجْرِي نَفْسٌ عَنْ نَفْسٍ شَيْئًا ﴾ [البقرة: ٤٨].

ف النفس أمانة بالسوء إلا من رحم ربي، وهي مطمئنة في أحسن أحوالها
إذا ما صادقت الروح، وهي ما بين ذلك وذاك.. لوامة.

﴿ وَمَا أُنزِلَتْ نَفْسٌ إِلَّا بِرَأْسِهَا ﴾ [البقرة: ٢٤].. ﴿ وَإِنَّا لَنَنزِلُهَا أَنْفُسًا
الْمُطْمَئِنَّةَ ﴾ [الفجر: ٢٧].. ﴿ وَلَا أَقِيمُ بِالنَّفْسِ اللَّوَامَةَ ﴾ [القيامة: ٢].

وبين صراع النفس والروح.. نشأ الضمير.

إن الضمير هو «البوصلة» GPS يحدد الطريق الذي وصلت إليه نفسك
بأخلاقها.

وهو الذي يرحح كافة الميزان.. ميزان الروح والنفس.. فهو يجلو صدأ
النفس لتشف نور الروح.

وقد تجلَّى الضمير ليظهر في الحيوانات.. فترى في القطعة شعورها بالذنب
إذا سرقت، وترى وفاء الكلب وصحو ضميره، وترى خجل الجمل وترفع
الأسود.

ثم تجلَّى في أشد صورته، عندما اشتكت مريضة بأن ذراعها اليسرى تخنق
«نفسها» وذراعها اليمنى تسعى لتتخذ «روحها» لتمسك باليسرى وتمنعها.

فهذه هي الروح تحاول إنقاذ النفس من جسدها.. ولكن الجسد عبد النفس وطبع لها.. فهي تحاول إنقاذ النفس من نفسها.

﴿يَوْمَ تَأْتِي كُلُّ نَفْسٍ مُّجَدِّدٌ عَنْ نَفْسِهَا وَتُوَفَّىٰ كُلُّ نَفْسٍ مَّا عَمِلَتْ وَهُمْ لَا يُظْلَمُونَ﴾ [النحل: ١١١].

- وما دليلك؟

= الأثر! الأثر النفسي هو أشد أنواع الأثر.. فقد تضرب طفلاً بـ لطف وتوبّخه، فيبكي.. وقد تضربه بشدة مازحاً فيضحك.

الأثر النفسي أشد أنواع الأثر.. فأثر الضرس يذهب بمفعول المسكنات، وآلام العيون تداويها القطرات، وآلام الجلد تطفئها المرطبات، وآلام العظام تُسكتها أقراص الكالسيوم، وآلام الكلى تُذيبها الموجات الصوتية.. أما آلام النفس فلا تشفيها أجزخانات العلم.. ولا تُروّضها عقاقير الطب.

والدليل على أن النفس هي الإنسان، وليس جسده.. هي «قطع غيار النبي آدمين اللي في السوق» وما يحدث من عمليات استبدال وزرع أعضاء.. وخلع وتركيب ديكورات

فالإنسان يستطيع أن يعيش بقلب فبريكا، ويستبدل كلية بأخرى، ويضع بذور كبد فيزرعها، ويرتدي عدسة داخل عينه وفوقها، ويُعوّض طرف صناعي، ويستقبل دم بشر آخر، ويأكل بأسنان غيره.. وما نشاهده من، حقن قطع السيليكون، وتثبيت مسامير وشرائح الألومنيوم، وقواقع أذن بلاستيك وأسنان بورسليين، وقدم حديدية.. ولا يتغير، ولا تتغير شخصيته ولا حياته.. فـ «نفسه» هي «نفسه».

وما يُشاع عن التغيُّر في السلوك.. هو تأثير نفسي ليس أكثر، وهو تأثير وليس تغييراً.. كما يؤثر سقوط الشعر على مزاج أي شخص وإنما ما يغير هو الإضطراب النفسي والمرض السايكو.. فيحيل الرجل إلى آخر.. بل وتنقسم شخصيته، وتنقسم معها حياته، وتتشقق ملامح «نفسه».

وها أنا أجلس وأفتح فمي.. وفي زوري يد طيب أسنان، فيخلع أعضاء أسناني الثالثة، ويركّب غيرها من مادة سيراميك لأطحن بها طعامي.. وأنا أجلس منتظراً أشاهده في ملل، وبجانبي طفل مفتوح رأسه يلهو في هاتفه بينما يخيّط طيب آخر رأسه في عُرز يُكدّس تحتها مخه.. فيختفي ويختفي معها سر الحياة.

وبالغرفة المجاورة يستلقي رجل.. ليستيقظ على حياة يعيشها بقلب غير قلبه.. قد نبض لشخص آخر، وكلية استعارها من كائن تاني.

وفي الدور الأعلى امرأة تُصنفر وجهها، وتدهن وتلمّع أسنانها، وتبري أنفها.. ثم تذهب لتعود.. فقد نسيت أن تلجم شبكية عينها الليزر.. ثم توقع على بوليصة التأمين، وكأنها في صيانة عند إحدى شركات التوكيل.

ولم نسمع عن حبوب السعادة ولا أقراص الحب، ولا عن سيرنجات النجاح وفوار الحزن.. وإن كانت هناك مُسكّنات ألم ومضادات اكتئاب.. فهي مُسكّن عُضوي، ما يلبث مفعولها حتى يزول.

وما رأيك بالابتسامة التلقائية عندما تقابل شخص تحبه، والابتسامة المفتعلة عندما تلتقط صورة.. تلك الإرادية وذاك اللا إرادية!

فمريض الجلطة في نصه اليمين.. لو أمرته يضحك.. هتظهر ابتسامة

على نُص وشه اليمين بس، ويفضل النُص الشمال مشلول.. أما لو شاف حد
يحببه وضحك له، تظهر ابتسامة تلقائية جميلة على وشه كله!

وكان هذا الفرق بين الضحكة الجسدية والضحكة النفسية.. أو بمعنى
أصح الحركة الجسدية والراحة النفسية!

لو إيدك اتقطعت.. يا ترى ربنا هيبعثك بيها ولا لا؟

الإنسان مكوّن من ٣ حاجات.. حاجة قابلة للقياس والوزن.. طول
وعرض.. متحيزة في مكان، متزمنة بزمان.. بتتغير وتكبر، وتشبخ وتموت.

من صحة لمرض لسمنة لو هن وهزل.. من نشاط لكسل لنوم.. جوع
وشبع.. دم وشرايين ودماغ.. كل دي صفات حيوانسانية.. حيوانية.. انسانية.
الحاجة الثانية.. العكس.. لا تكبر ولا تصغر.. لا تمرض ولا تموت.. غير
زمكانية.. ملهاش ماضي ولا حاضر ولا مستقبل، لها صفات إلهية.. من عند
الله.. صفات روحانية.. وهي الروح.

طب لو خدت إيدك اللي قطعتها.. زرعتها لواحد تاني.. أو
قلبك أو كليتك أو.. أو.. أو.. هيبقى قلب مين؟! أكيد مش أنت؟
ودي الحاجة الثالثة.. النفس اللي قاعدة على كرسي التحكم.. ماتشوفهاش ولا
تدرکہا.. لأنك فيها.. أو هي جواك، زيها زي حركة الأرض.. مندرکہاش
غير من برا.. من القمر... فإكر؟

أيوووووة النسيية..

وأكبر دليل على كده.. الفرق بين الميت والحي.. ده عنده إيد وده عنده
إيد، ده عنده قلب وده قلب.. ايه الحاجة اللي شيلتها منه؟.. له ده حي وده

ميت؟.. ليه ده فيه «روح» وده مفهوش «روح»؟.. ليه ده «بيتنفس» وده لا؟!

فأنا لستُ هاتفأ عَطِبْتُ شاشته.. أو جهازاً سقطت نسخة ويندوزه.. لستُ بـإلكترونيات تتقافز على قطعة زجاج فتعكس ألواناً تضيئ في عين من يراها.

أنا لستُ موضوعاً.. وإن كنت موضوعاً فأنا موضوعٌ بداخل جسد فحسب.

وكما فصصنا المخ بالكامل، وشرحنا ما فيه وما حوله، وهرسنا وراء العقل ولم نجده، فالنفس ليست كالبول والدم يمكن قياسها.

﴿وَفِي أَنْفُسِكُمْ أَفَلَا تُبْصِرُونَ﴾ [الذاريات: ٢١].

- طيب.. إذا كنت أنا وأنت مش مجرد هرمونات وكيماويات.. وشوية قوانين وأيونات.. فلماذا أحب أنا الملوخية وأشتهيها، وتكرهها أنت وتفر من سيرتها، ولماذا أحب فلان وتكرهه أنت، ولماذا ألبس أحمر وتفضّل أنت الأزرق؟

باختصار.. ما الفرق بين إنسان وآخر؟!

التفاضل والتكامل

دخلت مكان مكوّن من شاشات.. مئات آلاف الطوابق
كل طابق مكوّن من آلاف الشاشات.. كأنه شاشة
مكونة من شاشات أصغر.. خزائن وأرقام وشاشات
كمبيوترات وكاميرات، حسابات وأسماء وتواريخ.

ليس بنكاً من البنوك ولا مركز استخبارات.. وليس فيلم Matrix.
أين أنا؟!

فاقتربت لاقراً ما على الشاشة.. هذا اسمٌ كامل وأرقام لا أفهم منها شيئاً!
وهذه شاشة أخرى.. ب اسم آخر وأرقام أخرى.

فعلت ذلك مراراً وتكراراً.. ولر أفهم شيئاً!

ما هذا المكان! وما.... لحظة! لحظة! هذا.. هذا اسمي!

اسمي بالكامل.. يمتد إلى أجداد جدودي، فتأكدت أن هذا أنا.. ٨٠ سنة!
٨٠ سنة ايه؟ أنا مش ٨٠ سنة!!

وايه الأرقام دي!

وايه الشريط اللي ماشي تحت ده! ده عداد ثواني؟!

ده يبسجل كل ثانية في دقيقة في ساعة في يوم.. في أسبوع في شهر في سنة!!!

شيبس!! ايه ده؟

= لا أعلم، سيدي

- أدخل الزمن!

اخترت يوم الإثنين ١٣.. واخترت الشهر، واخترت سني، ٢٠ سنة: ٣٠ جنيه.. درجتين.

اخترت يوماً آخر في سنة أخرى: ٢٠٠ جنيه.. كريب وقع.

اخترت يوماً آخر في شهر آخر: ٠ جنيه.. امتياز!.. فتفتوة أكل.

اليوم اللي بعده: ١٠٠٠ جنيه.. مرض.. نقطة مياه.

يوم في سنة أخرى: حادث.. إنسان!

يوم آخر في سن الـ ٨٠: مليون جنيه.. وفاة!

اليوم اللي بعده: ...

الي اللي بعده: ...

الي اللي بعده: ..

شيبس! مش فاهم حاجة!

= إحنا في محاكاة لمخازن توزيع الأرزاق.

في أول يوم كسبت ٣٠ جنيه.. بس نقصت درجتين في الإمتحان.

تاني مرة كسبت ٢٠٠ جنية.. وأنت مروّح اشتريت كريب شاورما، وزعلت أوي لما وقع منك.. بس أنت متعرفش إن ده كان رزق القطة.. القطة ليها شاشة لوحدها مكتوب فيها رزقها.

اليوم اللي بعده الفكة اللي معاك وقعت منك.. وروّحت مشي على رجلك.. بس أنت متعرفش إن اللي خد الفكة دي طفل مسكين راح جاب بيه عيش من الفرن يفطر بيه.. ده رزق الطفل ده، ودي شاشته.. ورزق صاحب الفرن، ودي شاشته.. بس في يومها جبت امتياز، واتعشيت عشوة حلوة.. وأنت بتاكل.. فتفتوة أكل وقعت منك، وده كان خزين النملة لفترة الشتاء كاملة!

وتاني يوم هريت نفسك شغل.. وكسبت ١٠٠٠ جنية، بس تعبت وجبت بيهم دواء.. وأنت بتاخذ الدواء.. نقطة مياه وقعت.. وعدت نفس النملة بتاعة امبارح.. بس مشر بتهاش.. هي عارفة إن ده مش رزقها ورزق نملة تانية، تعول بيت تاني خالص!

بعد كام يوم عملت حادثة.. واتعرفت على إنسان كويس.

واليوم الأخير.. أنت مُت فيه.. وصفر هو رزقك من الفلوس.. صفر.. صفر.. صفر!!

بس أنا هطلب منك تجيب اليوم اللي بعده.

- دعوة!!

= الرزق مش بس فلوس.. الرزق ممكن يكون حكمة، علم.. صحة، منصب.. ذكاء، جمال.. موهبة، أخلاق.. طلاقة لسان، إنسان.. حب، وأجمل رزق وهو دعوة.

وكما أن الحياة لها رزق.. ف للموت رزق. ورزق الموت قد يكون صدقة جارية.. أو عِلْم يُنتفع به.. أو دعوة من ابن صالح.

فـ متزعلش لما يكون نظرك ضعيف، غيرك معندوش عين أصلاً.. ومتضايقش لما تكون تعبان ومش قادر تقوم تغسل وشك.. غيرك بيغسل كليتته كل يوم.. وموبايلك اللي باظ ده، رزق العامل اللي هيصلحه.. ولون السقف اللي فجأة بقي مش عاجبك، رزق النقاش.

لو ضربت الحجر ده.. قسمته نصين.. هتلاقي حجر تحتيه، اقسمة نصين.. هتلاقي حجر تالت تحتيه، اقسمة نصين.. هتلاقي دودة بتاكل.. ربنا بعثها رزقها تحت الصخور دي، ولو تحت الأرض بطبققتها السبعة.. رزقها هيوصلها!

وكيف لله أن يذكر دودة تحت الأرض.. وينسي من فوق الأرض!

﴿وَكَيْفَ أَنْزَلْنَا مِنَ السَّمَاءِ مَاءً فَأَنْبَتْنَا فِيهَا نَباتًا كَمَا أَنْبَتْنَا فِيهَا أَنْبَتًا كَمَا أَنْبَتْنَا فِيهَا أَنْبَتًا كَمَا أَنْبَتْنَا فِيهَا أَنْبَتًا﴾

[العنكبوت: ٦٠].

الحاجات اللي بتتكلم فيها دي حاجات بسيطة.. بتتكلم في نملة وقطة.. وأنا وأنت!

نسينا إن في أفواج نمل على كوكب الأرض.. وإن النمل أنواع.. وإنه مجرد حشرة من آلاف مؤلفة من حشرات تانية.. وإن القطة فرد من عيلة كبيرة، اسمها ثدييات.. وإن شجرة الثدييات تنقسم إلى أرقام وأعداد مهولة من عائلات الحيوانات التي بدورها تنقسم لتفاريع أصغر فأصغر.. وغير الثدييات، من زواحف وغير الزواحف، محيطات وبحار مليانة بعدد ذرات

جزئيات المياه مخلوقات وكائنات من سكان البحر.. والأعجب، الطيور المعلقة في الجو.. هتجيب رزقها منين، قبل ما تكون رزق حد تاني؟.. كل ده ولسه مجيناش جنب زعيم الأرض.. الإنسان، اللي رزقه محيّر.

ففي تلك اللحظة - التي أكتب فيها - أصبحنا ٩٠ مليون في مصر.. ٩٠ مليون فرد.. ٩٠ مليون رزق.

١٢٠ مليون كابوريا حمراء تزحف نحو الشاطئ لتضع بيضها.. في وقت معلوم، في نصف الليل عند اكتمال القمر.. وبسبب مغناطيسية القمر.. عند الجذر تضع كل كابوريا ١٠٠ ألف بيضة سوداء.. حتى يتحول لون البحر إلى اللون الأسود، فتتضج البيضة إلى يرقعة، ويتحول لخبز البحر.

وقنفذ البحر يفعل ما فعلته الكابوريا.. فهذا رزق سكان البحر.. «فطار كل يوم».. ومن ثم يأتي أكبر فرن.. الذي ينتج خبز الفطار في كل ساعة.. ١٠٠٠ مليون جنين من المحار الأعظم.

وهذه أفواج ومدارس الرنجة التي تقذف عناقيد البيض ذي اللون الأبيض.. فتحول البحر إلى وعاء من اللبن.. وعلى عكس ما حدث مع الكابوريا... ف عند مد البحر.. فيخرج على الشاطئ.. فتشمه أسراب الطيور، فتعلم أن هذا رزقها قد جاء.. فتسعى إليه.

وترد الضفادع جميل سكان البحر.. فتضع الضفادع بيضها على أوراق الأشجار التي اتخذها بيتاً له.. فأصناف تتحول لأبو جنيبة، وأخرى إلى ضفادع ناضجة، فيتساقط أبو جنيبة مثل قطرة الماء في البحار.. طُعماً للسمك وتذهب الضفادع الناضجة لنسور وصقور الأرض.

وبيض فراشة البومة التي تشبه علب البونبون.. فتخرج اليرقة، وأول ما تفعله لا يكون بكاءً أو صياحاً.. مجرد أن تفتح أعينها على الدنيا.. تأكل كل يرقة البيضة التي خرجت منها التي تشبه البسكوت في طعمها.. فتقرمش منها ما يطيب.

والدبور الجراح، أستاذ في علم التخدير.. الذي يحقن بيضه داخل يرقة دودة الكرنب.. فعندما ينضج ويكبر.. يدمر يرقة الكرنب، لتأكل منه صغار الدبور.. فينقذ يرقات الدبور، وينقذ الكرنب.

«مصائب قوم عند قوم فوائد».

فرزقك موجود ومقدر قبل أن تولد.. بل قبل أن توجد.

﴿اللَّهُ الَّذِي خَلَقَكُمْ ثُمَّ رَزَقَكُمْ ثُمَّ يُبْسِكُمْ ثُمَّ يُحْيِيكُمْ هَلْ مِنْ شُرَكَائِكُمْ مَنْ يَفْعَلُ مِنْ ذَلِكَ شَيْئًا سُبْحَانَهُ وَتَعَالَى عَمَّا يُشْرِكُونَ﴾ [الروم: ٤٠].

وهذه شاشات بها أرزاق من لم يولدوا بعد.. كل مدون ومحفوظ في الكتاب.

﴿وَمَا مِنْ دَابَّةٍ فِي الْأَرْضِ إِلَّا عَلَى اللَّهِ رِزْقُهَا وَيَعْلَمُ مُسْتَقَرَّهَا وَمُسْتَوْدَعَهَا كُلٌّ فِي كِتَابٍ مُبِينٍ﴾ [هود: ٦].

وتوزيع الأرزاق بحكمة هي حكمة لحكمة لا يعلمها إلا الحكيم.

ف لو كان الرزق فدان.. ف كل واحد هياخذ رزقه ٢٤ قيراط.. ف واحد يكون رزقه ٤ مال، ١٠ صحة، ٥ عيال، ٥ سعادة.. وواحد كون رزقه ١٠ موهبة، ١٠ مال، ٢ سعادة، ٢ صحة.. وكمل على كده تباديل وتوافيق.

ومثال على كده شاشة رقم ٩٥٢ و١٢٠٩.. الإتين اسمهم.. سيد متولي بدوي.. بس واحد غني وواحد فقير؛

عم سيد راجل غلبان، عنده عربية فول، والبشاشة بتنط من وشه وكل الناس بتجبه.. ملتزم وتسأله يقولك الحمد لله، الجنة للغلبة.. يعني رزقه اللي ربنا قسمه له.. مساعده إنه يكون إنسان كويس.

دكتور سيد مليونير وصاحب شركة أدوية.. إنسان محترم ويبيع الأدوية بسعر كويس.. بس عنده مرض يخليه يغير دمه كل أسبوعين.. يعني رزقه اللي ربنا قسمه له.. مساعده يكون راجل كويس بردو لو بدلت رزق عم سيد بـ دكتور سيد..

عم سيد بقى مش ملتزم.. نسي شغله ونسي أهله والبشاشة اختفت من عنيه.. الدنيا شغلته وظلم نفسه وظلم ولاده.. ودكتور سيد سرق وقتل.. عشان يغطي مصاريف علاجه.

ربنا بـ علمه عارف.. إن فلان الفقير لو أداله فلوس، هيبقى مفترى وظالم وهيتغير، وكده يبقى ربنا ظلمه.. وعارف إن الغني لو مش معاه فلوس، هيسرق ويقتل، وكده هيبقى ربنا ظلمه.

وحاشي لله أن يظلم ذرة تراب.. فهو يعطي الدنيا لمن يحب ومن لا يحب، ويعطي الآخرة لمن يحب.

﴿لِيُنْفِقَ ذُو سَعَةٍ مِّن مَّعْرَتِهِ وَمَنْ قُدِرَ عَلَيْهِ رِزْقُهُ فَلْيُفِيقْ مِمَّا آتَاهُ اللَّهُ لَا يَكْفِ اللَّهُ نَفْسًا إِلَّا مَاءً آتَاهَا سَيِّجَلُ اللَّهُ بَعْدَ عُسْرٍ يُسْرًا﴾ [الطلاق: ٧].

حتى توزيع الإبتلائات برحمة هي رحمة لرحمة لا يقدرها إلا الرحيم.

تخيّل معاك شُنَطَ فيها ابتلائات (إمتحانات) .. شُنطة فيها ٣ وشُنطة فيها ٧ وشُنطة فيها ١٠ وشُنطة فيها ٢٠.. على قد ابتلائك، على قد الجزاء اللي هتاخده.. ف اللي شُنطته فيها ١٠ غير اللي شُنطته فيها ٢٠.

وكل ما كان إمتحانك أصعب.. كل ما درجاتك كانت أكثر!

فرزقك هو الرزق الوحيد المناسب لتوزيعه حياتك.

﴿ وَإِنْ مِنْ شَيْءٍ إِلَّا عِنْدَنَا خَزَائِنُهُ وَمَا نُنزِلُهُ إِلَّا بِإِقْدَارٍ مَعْلُومٍ ﴾ [الحجر: ٢١].

وكل ما عليك هو السعي.

أيصعب على خالق الكون، رافع السماء وباسط الأرض ومالك الخزائن، أن يأتي لك برغيف خبز زيادة؟

أليس الإلكترون لا يستطيع أن ينتقل من مدار إلى آخر إلا إذا سعى.. ودفع «طاقة» مقابل إنتقاله من طابق البدروم إلى طابق أكثر رفاهية.. أليست الطيور تهاجر من قارة إلى أخرى.. وتقطع عرض المحيط.. لتصل إلى رزقها ثم تعود.. والفهد تنشق له الأنفوس لـ يغنم بفرسته.. وفريسته تلهث لـ تجرد رزقها.. ورزقها يسعى.

فقد يكون في رزقك رزق لغيرك.. وقد تكون أنت في حد ذاتك رزق لغيرك.

إن الله عودني عادة، وعودت عباده عادة، فأخاف أن أقطع عادتي عن عباده، فيقطع عادته عني.. عودني أن يُعطيني، فعودت عباده أن أعطيهم، فأخاف إن منعت عنهم عطيتي، أن يمنع الله عني عطيته»

ولأن الإنسان تابع لهذا الكون، وسيد الكائنات وخليفة الله في الأرض.. فعليه أن يكون تاجاً وقدوة لسائر المخلوقات في السعي وطلب الرزق. فإن طلبت رزقك، جاء إليك.. وإذا أتقنت، سعى إليك.. وإن سعيت، بُورك لك.

فالرزق يطلبنا كما نطلبه.. والله يرزقنا ولكن لا يطعمنا في أفواهنا.

- ولما رزقي مُقدَّر ومكتوب.. فلمَ السعي؟

= إن لم تسع.. فلن تنال رزقك، وإذا سعيت نلت رزقك.. وهذا مكتوب وذاك مكتوب.

- وإذا ضاعفت السعي؟

= تضاعف رزقك.. وكان هذا مكتوباً.

- وإن لم يتضاعف؟

= كان هذا رزقك.. وكان مكتوباً أيضاً.

فد ممكن تكون بتروح كل يوم بتاكسي بـ ٥ جنيه.. وجيت في يوم قوت أوفر وأروح بأتوييس بـ جنيه.. فتجد أن الله لم يرزقك في هذا اليوم إلا بهذا الجنيه! فكان الـ ٥ جنيه هي رزق التاكسي وأنت وسيلته إليها.. وكان الجنيه هو رزق الأوتوييس وأنت وسيلته إليها.

أما أنت.. فلن تنال إلا ما قسمه الله لك، لحكمة هو يعلمها.

- طب وأنا ذنبي ايه.. ولزمتي ايه في الدنيا وكل شيء مُقدَّر.. وأنا مُجبر عليه.. ومُسَيَّر مش مُخَيَّر؟

اتولدت في كرتونة عليها "تيكيت" مكتوب عليه اسمي وجنسي وجنسيتي، وأبوي وأمي وفصيلة دمي، والعادات والتقاليد، ولوني وشعري وشكلي ووزني، وطولي وعرضي ومرضي، وكوكبي وزماني وتقويمي الشمسي. **وُلِدْتُ فلم اختار فقري!**

واتوزعت عليا.. «ليسته» بأسامي أقاربي وجيراني.. وشيك بمن أحب ومن أكره.. اتوزع عليا ورق بالصح والغلط.. الخير والشر.. وكده «حلو» وكده «كُخ».. اتوزعت عليا نتيجة بمواعيد الشهور وأسمائها وتواريخها.. وخريطة زمنية بمواعيد الفصول.. وأطلس كوني بأسماء الأبراج والنجوم. واطرسمت على خريطة الأمراض الوراثية.. منا اللي اتولد مريض.. والباقي مات مريض.

اتولدنا وعيشنا ناكل ونشرب وننام ونتكاثر.. وإحنا عارفين إننا هنموت.

اتولدنا عشان نموت.

ف لو نجحت، تقولي «ده من توفيق ربنا».. ولو حصلتلي مصيبة «قَدَر ومكتوب ولا مفر منه»!

فإذا كان قدري معلوماً.. ورزقي مكتوباً.. وعمري محسوباً، فلماذا الدنيا؟!!

= نعم، إن أفعالك معلومة، لأن الله أحاط بكل شيء علماً.. وبعلمه وسع كل ما كان، فهو سابق الزمان ومالك المكان.. إن أفعالك مُقدَّرة.. وليست مقدورة ومجبرة عليك.

وإن كان اسمك ولونك.. هو الحرية والإختيار بالنسبة لك.

فما بالك بمن يغيرون أسماءهم.. ويبدلون جلودهم وألوانهم.. ويحولون جنسهم.. ويتخلي كل منهم عن جنسيته.. ويهجرون بلادهم.. ويلحدون بأديانهم.. ويتبرأون من عاداتهم وتقاليدهم.. ويختارون من ليسوا بالديهم، أباً وأماً لهم.. بل وينشئون عائلة وأسرة لهم.

وأطفال التلاسيميا يغيرون دماءهم.. وأصحاب الفشل الكلوي يُلقون بكليتهم.. ثم يتجولون بكلية غيرههم.. ومرضي الكبد يزرعون أكبادهم.. وتُجار الأعضاء يبيعون أبدانهم مُفككة.

ومعايير الخير والشر تجبّطت.. وأصبح الحلو كُحْأ.. والصح عيباً.. ووضعت القوانين لتُخرق.. حتى قوانين الفيزياء نشدُّ عنها.. فما أن نُثبت صحتها حتى تُثبت هي عِلتها.

وكان الثابت الوحيد هو التغير!

هل أصبحت مخيراً الآن؟ أصبحت حراً؟

ومع ذلك.. لا يحاسبنا الله على أسمائنا ولا أوزاننا، ولا أشكالنا ولا عيينا الخلقى، ولا عن شروق الشمس ونتيجة الحائط.

ف الحرية شيء نسبي.. كما أن القيود نسبية.

ف «حرية» شرب الخمر، إهدار حياة.. و«قيود» المرور، تحفظ حياة!

فلم يكن الطول والوزن يوماً قيوداً.. ولا حرية.. وإنما وسيلة.. أداة لتحقيق غاية.. وحتى المرض وسيلة لغاية العلاج.

وليس الجوع كالصوم.. وليس الأرق كالسهر.

نحن نختار في كل لحظة.. الحياة اختيارات زي الـ MCQ.

صحيح أنك وُلِدْتُ لمتوت.. ولكن بين ميلادك وموتك.. تصنع حياتك وتضع بصمتك.

فإن كان خلقك كعدمك.. وحياتك كماتك.. لما خلقك الله.

فتولد لتفكر وتخترع.. فتبدع وتبتكر.. وتبني وتهدم.

فلو كان اتوزع عليك ورق بالخير والشر.. والصح والغلط.. والحلال والحرام.. فده عشان تختار.

وإذا كان اتوزع عليك مواعيد الشهور وخرايط الزمن، فأنت اللي فسرتها، ووضعت قوانينها، وفهمتها وحفظتها، وراقبتها وسجلتها.. وأخرجت قواعد استثنائها، وكتبتها ووزعتها عشان تعلم بيها غيرك.

وإذا كان اتوزع عليك المرض.. فأنت اللي اكتشفت المرض، وأنت اللي حطيت أسبابه وأدويته، واستراتيجية علاجه.. وجربت أكثر من دواء، و«اخترت» الأحسن فيهم.

وده سبب خلقك.. إنك تجرب ف تختار الأحسن.

فأنت من تبصر وتختار غَض بصرك.. وأنت من تتكلم، فتختار أن تحمد أو تسب.. وأنت من تحرك يدك فتختار أن تلقي السلام أو تشن الحرب.. وتقدر دلوقتي وبكل كامل إرادتك.. أنك تقفل الكتاب.. أو تكمل قرايته.. أو تجيب الصفحة اللي قبلها، أو تبدأ من أول الكتاب.. كتاب الحياة.

أنت من اخترت، وإذا وجدت حيرة في اختيارك.. فاعلم أنها مساعدة من الله لما فيه خير لك.

فليس الخير ما تهواه.. وليس الشر ما تهابه.

أنت مُسَيَّرٌ حتى تعلم.. ومُخَيَّرٌ حتى تفهم.

ولم نُخلق لنمرض فحسب.. بل خُلِقنا لنمرض.. فنشعر بنعمة الصحة.. فنشكر.

ولم نكبر لنهرم فجأة.. ولم نولد لنموت فحسب.

«مَرِضْنَا فَشَعَرْنَا فَشَكَرْنَا».

وأنت حينما تتنبأ بخسوف الشمس وحركتها.. وماذا سيكون شكلها وماذا ستفعل بعد ١٠ سنين.. فأنت لم تُجبرها، ولم تُقدِّر لها هذا.. ولكن بعلمك أحطت بذلك.. ولم يكن قدر، بل تقدير!

فما بالك بمن أحاط بكل شيء علماً.. ووسع علمه الأكوان.. وهو من خلق الشمس كما خلقك.. وخلق الغيب ويعلمه!

أما عن لماذا الدنيا؟!

إذا كان بعد ما اتولدنا وعيشنا.. وعملنا وسوينا.. وموتنا.. يوم ما نبعث ونتحاسب.. البعض هينكر اللي عملهُ في الدنيا، وهو عملهُ!

فما بالك لو مفيش دنيا!! «هتحاسب على حاجة معملتهاش»؟!!

- ولماذا الحساب؟

= لأن الدنيا ليست عبثاً وأنت لم تُخلق هباءً، خلقك الله وعظّمك وأعلى

شأنك.. ونفخ فيك من روحه وأسجد لك ملائكته.. ف أنت عظيم، عظيم في نفسك.. عظيم عند ربك.

وإذا ظلم عظيمٌ عظيماً.. تدخل الأعظم، ولأنه الأعظم.. ف حسابه عظيم.. وعذابه أليم.

ولو كانت الدنيا إمتحان.. فلكل إمتحان درجة.. ولكل درجة حساب.. ثواباً كان أم عقاب.. لكل درجته ورتبته.. وكما هو الحال في الذرة.. فلا يترقى إلكترون من درجة لأخرى.. إلا بثمن مدفوع من العمل والسعي.

فكيف يستوي الخامل والنشط!؟

فالعذاب هو العدل المطلق ويأتي بعد الحقيقة المطلقة.. وهي الموت.

وعذاب الدنيا رحمة.. وتخفيف عن عذاب أشد.. ف قطع يد السارق.. عذاب أهون يخفف عذاب أعظم.. وفقر الدنيا عذاب يخفف عنه نعيم الآخرة.. بل ويُعني عنه.

﴿ وَمَا أَصَابَكُمْ مِنْ مُصِيبَةٍ فَمَا كَسَبَتْ أَيْدِيكُمْ وَيَعْفُوا عَنْ كَثِيرٍ ﴾

[الشورى: ٣٠].

وهذا الفرق بين انسان وآخر.

ف من مادة واحدة بدأ الكون، وهي الهيدروجين.. كما خلق الإنسان من طين.. ومن خلية واحدة بدأ الإنسان، وهي الجنين.. ومن أربعة عناصر تكونت جينات البشر أجمعين.. ومن ٢٦ حرف جاء القرآن المبين، وتألفت ملء الأرض كُتُب من علم ودين.. وكما أن سم الثعبان وطبق اللحم، كلاهما بروتين.. والفرق بين كربوهيدرات السكر والنشا، هو في ترتيب

الإثنين.. كما يُمكن تلخيص الحياة في شفرة من رقمين.. بل رقم واحد.. واحد صحيح.

كل من كان + يكون + سيكون على الأرض = رقم واحد

أول من جاء الدنيا هو سيدنا آدم ورقمه ١, ٠... وإذا افترضنا أن رقمك هو ٠, ٤٥٦٧, وأخوك رقمه هو ٠, ٤٥٦٨, ٠... وأنا ٠, ٣٨٧٩, ٠... فلا بد أنا آخر واحد في الدنيا هو من سيكمل الواحد الصحيح.. واحد صحيح.. واحد بسيط.. بس جواه جميع الأرقام اللانهائية.

أنت كسر من الواحد.. يتوحد لوحده ليصبح واحداً.. محدش شبهك.. أنت حرف.. أنت سطر.. أنت آية من الوجود.

وبما إن الموضوع بقى حصة حساب.. تعالوا نكمل كده زي ما خدنا في درس التبسيط زمان؟

لو جنبنا أي اثنين بني آدمين.. أو كل النبي آدمين حتى، وقولنا نشطب الحاجات اللي زي بعض :

هنشيل الجلد مع الجلد.. والعظم مع العظم.. واللحم مع اللحم.. والشعر مع الشعر.. والعين مع العين.. والأذن مع الأذن.. والكبد والطحال والبنكرياس والقلب بشرائنه مع الرئتين.

شيل شيل كل ده ..

لحد ما نوصل للمخ مع المخ.. نشيل؟

- أه.. تشريحياً، المخ شبه المخ.. يعني مادياً إحنا متشابهين تماماً..

متساويين.

بس أنا مش زيك في حاجة، الفرق فين؟

= الفرق في الجوهر

تخيل حته صلصال.. ماشية على طريق أسفلت.. لمدة ٢٠ سنة بتشكل، كل سنة مجال.. وكل شهر بحال.. وكل يوم تجربة.. وكل ثانية موقف.. وكل لحظة بتفرق وتغير.. تترسم على الصلصال وتسبب أثر.. من موقف، لذكرى.. من حلو لو حش.. بين نجاح وفشل.. خيال وواقع.. نفس والثانية، تتكوّن شخصية ليها فكر وسلوك مستقل.. ليها طبع وتصرف وذكاء..

كل ثانية في حياتك.. بتشكّل صلصال شخصيتك.. ومفيش حياة حد زي الثاني.. زيك أنت وأخوك التوأم.

- أخويا؟ أه.. فعلاً أنا أذكى منه

الذكاء ليس شيئاً مطلقاً كما نظن،.. مفيش حد ذكي كده وخلاص.. ذكي وبس.. الذكاء نسبي بردو، وتخصصات.. يعني لو عايزين نوصف حد ذكي.. لازم نوظّف ذكاءه؛ ذكاء لغوي.. رياضي، بصري، موسيقي، حركي.. علاقات، فهم الذات، التصنيف.. ذكاء تحليلي، إبداعى، انفعالي..

زي الأرزاق.. ليها توزيعه تناسب حياة وباقي رزق كل إنسان.

ذكي اللغة.. اللي بنقول عليه «لَبِق» بيعرف يتكلم ويعبر وده مرتبط بحاجات كثير منها منطقتين في الفص الأيسر Wernicke & Broca.

ومرتبط بطريق الأسفلت اللي مشي عليه صلصال شخصيته، كطبيعة عمله أو مكان سكنه، واختلاطه بأطياف الناس بألوانها.. (غالباً أكثر في الستات).

الذكاء الرياضي أو الحسابي.. المرتبط بأرقام وعمليات حسابية، وده ليه مكان مخصص في المنح، ومرتبطة بطريقة تدريب المركز ده.. بالإضافة لميوله، وتذوقه للأرقام وعشقه لإنحناءات أشكالها (غالباً أكثر في الرجال).

والذكاء البصري المكاني أو البعد الثلاثي.. اللي بيترجم لرسم أو نحت أو شطرنج.. أو ركنة عربية (وطبعاً بعد ما قولت ركنة عربية.. عرفنا إنه أكثر في الرجال).

وذكاء الموسيقى والتأليف اللي بنقول عليه «عنده ودن موسيقية»، وذكاء بدني في الكورة والرقص والجراحة، وذكاء تسويقي في الإعلانات، وذكاء إستراتيجي في الحروب.. ذكاء العلاقات وفهم الذات، والتعرف على مواطن القوة ومكامن الضعف، وذكاء تحليلي يظهر في الدراسة وتقسيم الأفكار. إذا فالذكاء مكتسب.

فالعقل ليس CD أو قرصاً صلباً.. بل هو كالعضلات يقوى بتمرينه، ويضمُر إذا أهملته.. وعشان أثبتلك كده، لو إديتك أصعب فزورة في العالم أو أصعب امتحانات الـ IQ وبعد كده إديتك إجابته وحفظتها وسألتك السؤال تاني هتجاوبه.

نعم، نحن متساويين في شيء واحد.. نحن نتساوي في إختلافنا.

لوجبت عدد ٢ تورتة؛ تورتة غالبية وعظيمة، وتورتة رخيصة وعلى قدها.. الإنتين مكوناتهم شوية دقيق ولبن وسكر وبيض.. مضروبين في بعض، زي البني آدم.. من نطفة لعلقة لمضغة لعضم متعاص لحم، ومتوصل بأسلاك كهرباء، وعاشين بين قلب وعقل..

الفرق في الحشو والتزويق.. المعدن والعمل.

يعني لو حطيتك في كافة ميزان، والناحية الثانية إنسان تاني.. مين كافته أتقل؟

والميزان ده بيكيل بمكيال ايه.. ايه وحدة قياسه؟

إحنا زي بعض، كوحدة إدخال.. بس مش زي بعض.. كوحدة إخراج.
فالدنيا ليس فيها مساواة.. كلها تفاضلات، كل نبتة لها شكل ورائحة..
وكل دودة لها دورة حياة.. وكل فاكهة لها طعم.. وكل حشرة لها فصيلة..
وكل طائر له سرب.. وكل دابة لها قطع.. وكل إنسان له بصمة.. بل يزداد
التفاضل في الإنسان، لزيادة دائرة النفس، وما تمثله من شخصية ونمط
وسلوك.. حتى الجهاد، فلا ذرة تشبه ذرة في نواتها، ولا توزيعها ووزنها.
إذا فهي قاعدة.. خُلقنا درجات.. بل خُلق الكون كله درجات في
تفاوت.

وكما خُلقنا درجات.. نموت درجات، ونبعث درجات.. ونحاسب
بدرجات.. فالجنة درجات.. والنار أسوء الدرجات.

والظلم هنا أن تتساوي تلك الدرجات.

فلا تتساوي كلمتان.. ولا يوجد شيء في الدنيا له مثيله.. ولو وُجد لما وُجد.
انظر حولك.. ترى من يركب عجلة وبجانبه من يركب سيارة متواضعة،
ومن خلفه سيارة فخمة، وفوقهم يمر من يركب طائرة، ويسابقه من يركب
طائرته الخاصة التي ستهبط بعد قليل في مطار يملكه غيره.. في بلد يحاكم
آخر.. في قارة كوكب ملك لمالك الملك.

فالتفاوت حقيقة جوهرية.

والمفروض أن نتعاون.. فياخذ هذا ثمرة موهبة ذاك، فيستفيد بها ويُفيد آخر.. والذاك يجني ثمار عمله ويأخذ ثمار موهبة ثالث آخر.. ليس تفضلاً ولكن بمقابل.. وتبادل منافع.. حتى يكون الفضل لله وحده.

فالحيوَان يتغذى على النبات والنبات ينبت على الجماد.. والإنسان يعيش على ثلاثتهم.. بل وعلى ذويه من بني الإنسان.. وكلنا مخلوقات طينية تتغذى علينا حشرات الأرض وطفيلاتها.. والقوي أودع فينا القوة، والغني وهب لنا الغنى.. والرازق قدر لكل رزقه.. فهي صفاته وزرع منها علينا في تفاضل.. حتى نكمل بعضنا البعض.

وهذا هو الشق الآخر من النظرية "التكامل".. خلقنا أجزاء من الواحد.. لنكمل الواحد الصحيح.

فكل مرفوع ومرفوع عليه.. مرفوع بما تميز فيه ومرفوع عليه فيما لا يعقله من صفات أخرى تميز بها غيره.

الجزماتي مرفوع في شيء يجيده.. فبدونه نصبح خفاة، وبدون خياط نصبح عراة، ولولا السباك لطفحت مجاري شوارعنا، ولولا عامل النظافة لخُضنا في قذارتنا، ولولا الصنایعي لخربت عمائر أراضينا، ولولا الفلاح لما أكلنا، ولولا المُدرّس ما تخرّج أطباؤنا ومهندسونا.

فليست هناك مهنة عظيمة وأخرى حقيرة ما دامت حلال.

الحياة دايرة.. مفهّاش أضلاع.. كلنا نقط بنكمل بعض عشان نرسم الدائرة.

فأنت عندما تركب القطار، فأنت تركب عالجاهز ثمرة كفاح ملايين من العاملين والمهندسين وعُمال الصيانة.. ومن قبلهم من ضحى بسنين حياته مقابل هذا الإختراع، وعندما تأكل تفاحة.. فأنت تأكل «عَرَق» فلاح تقشفت يده من إحتكاك فأسه مع طبقات جلده، وتلذذ بـ «عِلْم» صانع مخضبات الأرض، وتلتهم «مجهود» مهندسي أنابيب الري.. فتشبع نتاج مجتمع كامل متكامل.

نتكامل كما تتكامل أجسدنا.. بل جسد الفرد الواحد من أجهزته وأعضائه وأنسجته وخلاياه ومكوناتها.. تعمل سوياً في تناغم.. فتناغم حركة العينين مع ديناميكا العضلات وهيكله العظام، ودقات القلب ومحطات المخ.. كما تتشابك قوانين الفيزياء، من جاذبية الأرض وضغط الهواء وقوانين الطفو واتجاه الرياح.

وإذا اختل هذا الهارموني.. أصبحت علة ومرضاً.

فمجموع كل إنسان يساوي مجموع كل إنسان في سياق قانون «التفاضل والتكامل».

﴿ أَهْمُ يَقْسِمُونَ رَحْمَتَ رَبِّكَ نَحْنُ قَسَمْنَا بَيْنَهُمْ مَعِيشَتَهُمْ فِي الْحَيَاةِ الدُّنْيَا وَرَفَعْنَا بَعْضَهُمْ فَوْقَ بَعْضٍ دَرَجَاتٍ لِيَتَّخِذَ بَعْضُهُمْ بَعْضًا سُخْرِيًّا وَرَحِمْتَ رَبِّكَ خَيْرٌ مِمَّا يَجْمَعُونَ ﴾ [الزخرف: ٣٢].

(سخريةً وليست سُخرية)

- شيبس.. أنا تعبت ودماعي لفت.. وعازير ارتاح.

أوسكار أحسن مشهد

جلستُ على إحدى حلقات كوكب زحل.. وتدلّت
قدماي في أثير الفضاء.

وأخذتُ أرتشف من فنجان قهوتي التي لمر تبرد، لعدم
وجود هواء، ومن خلفي دبان تيمون المنور اللازق في
السجادة الزرقاء، وألقيت بنظري على كوكبي، وما شاهدته يشبه بالظبط
فيلم صيني.. بدون صوت، وكأن الساعات لا تعمل.

الناس كلها شبه بعض «زومبيز» هائمة على وجهها، أو نمل مستسلم
طايف على وش المياه، الموج بيوديه ويحييه.. نمل متجمّع على فتفوتة سكر
واحدة، وسايب تورتاية الأرض الواسعة، وكأنه عامل دايت.

الدنيا من فوق شكلها أحلى.. بدون صوت.. بدون جمال، الناس كلها
سحنة واحدة.. هياكل ماشية تزق بعض واحد ورا الثاني.. إلى مقبرة الحياة،
هيكلم يموت، وغيره يتولد.. في نفس اللحظة قدام عينيا شايفاهم.. عرايس
وذمي متحركة.. متربّطة في بعض بفتل، وكلها مشدودة.. بس لتحت.

وإذا ألقيت إليهم القهوة من فنجاني - أعلم أنها ستبقى مُعلّقة في أثير
الفضاء أسيرة الجاذبية - سوف ينهالون عليها بلا علم إن كانت سادة أو
زيادة.. أو حتى قهوة أم بنزين.

عمَّ يبحث هؤلاء؟ عن السعادة؟! عن المال الذي يجلب السعادة؟

فما رأيك أن أعلى نسبة انتحار في بلاد الرفاهية والترف! السويد وسويسرا وكندا، وفي الأثرياء والمشاهير!

فهو يضع كل ثروته في إزازة فينيك يشربها، أو في طلقة يغرسها بين فصي مخه، فتمزقه.. أو في جبل غسيل يلتف حول قصبته الهوائية.. فيهرس شرايينه، ليعلقها.. لأنه عَرَفَ أن السعادة ليست في المال!

ويكفي تلك الكلمة لتعرف أنت أيضاً أن السعادة ليست مالا.. هي «البورصة».

ف شيك المليون جنيه لا يدخل جيبك.. وإنما يدخل جمجمتك، ليحل محل عقلك لتفكر به، فتصبح كل الأمور سهلة يسيرة.. فيطير عقلك في طائرة.. ويبيت في يخت.. ومن صيد السمك إلى صيد النساء.. ومن القول إلى السوشي.. ومن الطاولة إلى القمار والخمر.. فتعلف في أموالك من طعامك وصحتك.. فتستيقظ على ذبحة صدرية.. لتنفق ما يأتي في يدك في سبيل صحتك وفي سبيل الله.. فتعود لصلاتك.. وما أن تشفى حتى تعود، فتخسر ما تبقى لك.. إلا كام جنيه، ثم إزازة «فنيك» تشرها لتموت.

ولو كانت السعادة في نظرة الناس.. فرأي الناس مثل البورصة.. يتغير كل يوم.

﴿أَلْمَالُ وَالْبَنُونَ زِينَةُ الْحَيَاةِ الدُّنْيَا وَالْبَاقِيَاتُ الصَّالِحَاتُ خَيْرٌ عِنْدَ رَبِّكَ ثَوَابًا وَخَيْرًا أَمَلًا﴾ [الكهف: ٤٦].

إذا فأين السعادة؟!

تعالوا نفكر براحة زي ما بنعمل.. نمسك واحدة واحدة.

غنى العين في الجمال، والجمال نسبي مؤقت، هيزول في يوم من الأيام..
 وغنى الأذن في تزويق الكلام.. وغنى الأنف في الرائحة، وحتى الرائحة
 تذهب نشوتها مجرد أن تشمها ويتشبع عصبك بها فيسيولوجياً.. وغنى الفم في
 الطعام، والطعام ما يلبس أن يهضم حتى يخرج.. فتجوع، فهو غنى مؤقت..
 أو فقر لا نهائي.. وغنى الجلد في ثوب يكسوه، فيبلى، أو لبستين ويترمي..
 وغنى القلب في حب الناس، حتى الحب يتغير.. يذهب ويعود.
 فلا تجعل سعادتك في شيء مادي، فيزول.. ولا تجعلها بين كفي أحد،
 فيجور.

وما أغلى ما يملك الإنسان؟!

- نفسه

= إذا فالغنى غنى أغلى ما يملك الإنسان.. غنى النفس.. غنى يُغني عن غنى
 كل ما سبق.. غنى يُغنيك.

ولر أجد لغني النفس كلمة توفيقها حقها إلا الرضا.

فمهما استزدت من المال، لن يشبع جيبك.. ومهما تزوّدت من مال، فلن
 يملأ جفونك.. ومهما رأيت من جمال، فلن ترضي به عيناك.. وما أن تملك
 الشيء حتى يذهب سحره.. ويسيل لعابك على غيره.

لأن ما يحكمنا هو الرغبة وحب الإمتلاك.. والرغبة لا تعرف إلا الرغبة،
 ولا تفهم ولا تعقل، فهي تريد فقط، ولا يلجمها إلا الرضا.

والرغبة هي التي تخلق الوهم الذي يعطي قيمة وأهمية لما نحب.. فإيم
أن تتنازل رغبتنا، ونرضي.. وإما أن يتنازل الرضا.. فترغب رغبتنا أكثر.. ثم
نسرق ونقتل غيرنا ثم نقتل أنفسنا.

«لَيْسَ الْغِنَىٰ عَنِ كَثْرِ الْعَرَضِ وَلَكِنَّ الْغِنَىٰ غِنَى النَّفْسِ» صدق رسول الله
والإقتناع والتأقلم والتكيف.. نوع من أنواع الرضا القليل.

فالإقتناع: هو ما يجعلك تعدل عن فكرة إلتحاقك بكلية الطب عند
تعلم أنها ٨ سنوات..

والتأقلم: هو محاولة أن تواكب السير بعد إلتحاقك بها.

والتكيف: هو أن تستمتع بما يحدث بداخلها.

والغباء: هو إن بعد كل ده.. تدخل بردو

ومن عدم الرضا يُولد الخوف ثم ينمو ليصبح توتر ثم قلق، وينشأ الشعور
بالذنب ثم يسود الإكتئاب، وقد يتحول أمر عضوي.

وإذا طلبت من شيبس تحليل المشهد حولي سيقول لي:

= إن جميع تلك الإضطرابات.. نتيجة إضطراب آخر في هرمونات
السعادة.. من دوپامين وسريتونين.. ليس أكثر، كما أن النسيم والرياح
هي توليفة غازات الأكسجين، والنيتروجين وثاني أكسيد انكربون، وكما أن
العسل والبصل.. هو جلوكوز وفركتوز وسكروز.. وكما أن دقة القلب هي
زيادة في الأدرينالين.. ودربكة البطن هي انقباضات في الأمعاء.. والإغماء
هو هبوط في الدورة الدموية، وانخفاض في سكر الدم.. وحبّ الشباب هو

ارتفاع في نسبة التستوستيرون.. وكما أن البحر والنهر اختلاف في نسب
السوديوم والبوتاسيوم.

وكما أن الأثر الرجيع أو ما نطلق عليه «وجع في صدري مسمّع في
صهري» هو تحفيز لعصب مشترك في تغذية المنطقتين.. فهو ألم كاذب لا
وجود له.. وكما أن الكتاب بروتينات وأحماض ترقد في أطراف أعصاب
ذهني.. وفي عينك ومضات كهربوكيميائية تنتقل من كابل عينك إلى مركز
الإبصار في مخك.

وكذلك السعادة.. هي زيادة في السيريتونين، والحب زيادة في
الأوكسيتوسين، وكذلك الأُبلّة فهي جرعة من اللعاب تنتقل وفقاً لقانون
الضغط السلبي.

ما رأيك الآن!! لن تُقبِلَ أحد بعد اليوم!

ولكن إليك ما يفعله عقلك.. خدعة سحرية تجعلك تتجاهل تلك النظرة
التحليلية وتندمج مع اللحظة ويُلغى كل المؤثرات حوله.. وهذا ما يجب
على الطبيب أن يفعله في عيادته، والحنوتي في مقبرته، والقاضي في محكمته،
والجندي في ساحته.

وذلك ما يفسر لنا ما يفعله القلق والخوف بنا، ولكن مع الفرق.. فالقلق
يلغي المؤثرات حولك.. ولكن ينسي أن المؤثرات بداخلك.

القلق ليس فقراً في الماديات.. ولكنه فقر معنوي.

والقلق ليس علاجه الغنى، ولا يشفيه التفوق العلمي، ولا يداويه صيدليات
وسط البلد، التي قد تُسكّن ألمه العضوي، وما تلبث أن تشفي حتى تعود..

فالقلق أَلر نفسي لا يشفيه إلا علاج روحاني، لذلك فالحل أن تخلع رداء قلقك وترتدي طوق نجاة سلامك الداخلي.

فد علاجه: حباية رضا ٥ مرات في اليوم.. وساعة صفا قبل النوم.

وهل السعادة في النجاح؟

ممكن تبقى واحد عاش طول حياته مع كُتب، نام على كُتب وصحي بكُتب وأكل الكُتب، ومن ابتدائية لإعدادية لثانوية، هوب جامعة، هوب تخرّج.. جواز.. وظيفة، ومن ترقية لأخرى، ومن عيل للتاني.. كل دي نجاحات، وفجأة! تلاقي بُمبة من عيل سن كُتبك أكبر منه.. تفوّك على دنيا ما عشتهاش.. تصحى من غيبوبتك تلاقي عمرك خِلس من غير ما تحس.

ما اتعلمتش حاجة غير كلام على ورق.. علوم نظرية تأكل عيش.. بل إن ممكن تلخص عمرك في ورقة نتيجة!

- وهل العمر الحقيقي.. يتلخص في ورقة نتيجة، سكتوب فيها يوم وشهر وسنة!.. هل العمر يُقاس بالزمن؟!

طب العمر بيزيد ولا بيقل؟

هل العمر هو عبارة عن الزمن اللي الخلية خدته عشان تنمو فيه؟ هو الزمن اللي بنقيس فيه القلب ده عايش وبيدق بقاله كام سنة؟!

تسل العمر شيء مادي لهذه الدرجة؟ وإذا كان مادياً.. ليه مش بيزيد وبيقل؟!

= العمر هو طول الزمن وامتداده لأحداث أكثر.

- وضح أكثر.

= لو خدت حنة من العمر تحت الميكروسكوب وكبرتها.. هتلاقي إن العمر ثلاثي الأبعاد.. له طول وعرض وعمق.. فطول العمر مقدور أجلاً.. ولكن عرضه لك، وهي اللحظة التي توسع فيها، حتى يصبح عرضه أطول من طوله.. وعمقه هو أن يترك أثر بعد أن ينتهي طوله وعرضه.

فالعمر كالنهر.. يُقاس طوله وهو ما يتسع من مصدره إلى ينبوعه.. ويُقاس عرضه وهو ما يتسع لما يتدفق من انفعالات، أي أن اللحظة طولها وهي ما تتسع لتدرك الحدث.. والعرض هو انفعالك لذلك الحدث.. أما العمق فهو أثر ذلك الحدث في من حولك.

وزي ما كانوا يقولونا في المدرسة ..

طالع كتابك.. افتح صفحتك.. واكتب تاريخ النهاردة.. واكتب عملت ايه!

طب صفحة امبارح.. طب أول ..

خلصت صفحك في ايه؟ صفحة فاضية.. صفحة فيها شخبطة.. صفحة مقطوعة.. عيشت كام صفحة، ومليت منهم كام!

وعلى قد عدد صفحاتك على قد ما يكون حسابك.. والكثير في العدد قليل في الأعدار.

شبابك.. وأنت بصحتك عملت ايه؟ كبرت امتي؟ ضيعت شبابك في ايه وليه؟.. عجّزت بدري؟ عجّزت ليه؟!

علمك.. عملت ييه؟! نفعت؟ استنفعت؟ طب لازمته ايه؟! محتفظ به في
إزازه في ححك؟ حطيته في قبلة من غير قصدك؟!

فلوسك! كل حاجة سؤال إلا ده اتنين.. جبته منين؟ وراح فين؟! جبت
سجاير؟ ولا نيكوتين؟

ساعدت مين؟ ساعدت نفسك؟ طب في ايه من الثلاثة؟ عمرك؟ صحتك؟
علمك؟

ساعدت مين غيرك؟ ب ايه؟ ليه؟ مصلحة! مروحة؟!

إيدك الشمال؟ ولا اليمين؟ ولا الإتين؟!

كان يوم سبت ولا حد ولا اتنين!

قُدام نفسك؟ ولا قُدام الناس؟ ولا رب العالمين!

كُلِّك على بعضك هتتحط على الميزان.. مش بيقيش أوزان.. مش بكيلو
ولا جرام ولا أطنان!

ده ميزان قلب وعقل ولسان.

ميزان حق.

يا ترى لما توزن نفسك.. هتبقى عايزه قليل ولا كثير.

اوزن نفسك.. شوف قيمتك كام؟!

﴿ وَالْوَزْنُ يَوْمَئِذٍ الْحَقُّ فَمَنْ ثَقُلَتْ مَوَازِينُهُ فَأُولَئِكَ هُمُ الْمُفْلِحُونَ ﴾

ومتناش إنك جيت الدنيا في لفة.. ومشيت في لفة، وبين اللفة واللفة.. هتاخذ لفة، وممكن اللفة الأخيرة تبقى لفة هدايا، أو تلاقي اللفة لفة.. زي السباق.. فيه كام لفة، الحياة كلها لفة.. بتلف علينا، وإحنا بتلف فيها.. كل واحد ليه لفة، بس جوة اللفة.. فيه ١٠٠٠ لفة ولفة.

وكم من فشل كان أول طريق النجاح.. وأثرى في النفس والعقل أكثر من النجاح، وكم من نجاح كان فشلاً في حد ذاته.. وأرسخ في النفس والعقل مطامع رخيصة صغيرة عوضاً عن مطامعنا السامية.

﴿ وَالَّذِينَ كَفَرُوا أَعْمَلُهُمْ كَمَرْبٍ يُصِيبُهُ يَمْسَحُهُ أَلْطَمَاتُ مَاءٍ حَقَاقٍ إِذَا جَاءَهُ لَئِمَّ بِجَدِّهِ شَيْئًا وَوَجَدَ اللَّهُ عِنْدَهُ فَوْقَهُ حِسَابَهُ وَاللَّهُ سَرِيعُ الْحِسَابِ ﴾ [النور: ٣٩].

إن النجاح كالمال.. ليس غاية في حد ذاته.

وبعد أن أصبحت الوسيلة غاية، والغاية معدومة.. تخبطت المعايير.

فبعد أن كانت الجمال تشق الرمال في صبر وجرأة تواجه مخاوف الصحاري، وكانت الكارو ما يميز الملوك والأثرياء، وكانت الخيول أسرع وسيلة مواصلات.. الآن أصبح الشحاذ يملك خيلاً، وأصبحنا نجوب العالم في ملل على إحدى كراسي طائرة فاخرة تشق السحاب، وتطوي أطراف الأرض فوق بعضها.. فتقلص الزمن، وأصبحت السيارة الملاكي هي الكركوبة والروبايكيا، وأصبح القطار هو سلو المواطن.

ومن الإسطلبل إلى الجراج.. ومن الغيظ إلى الشركات والكومباوندز..

وبعد ما كان القمر فانوساً يضيئ في الليل.. وآية تنغزل بها.. أصبح مكاناً ومعمل تجارب، وأصبح للبكتير يا شخصية وكيان، له ألف حساب وحساب،

وتُصنع لها خصيصاً كبسولات مضادة لها، وخصّصت لها علوم ومواد في كليات الطب.. وبعد أن كانت الذرة رملاً من بقايا الجبل.. أصبحت تنسف الجبل نفسه.

وكانت النار كهرباء ومطهى ومدفئة ووقود الإمبراطور.. وكان الأكبر ينزلون الآبار ليشربوا الماء.

وكيف كان الحبهان يأتي في شهور من أقصى الهند يجوب المحيط بثمان الذهب ليزين الآن طبق لسان عصفور كل واحد منا، ورأينا كيف كان الذهب مثل الثلج تلهو به الأطفال، وكرات يتقاذفونها.. ولكن أصبح الآن أغلى ما نقدسه.. ورأينا كيف جعل الزيت (البترول) الحفاة العراة يتطاولون في البنيان، حتى أصبحت زجاجة المياه أغلى من لتر البنزين.. وكيف كان الماس والجواهر يوماً فحماً أسوداً.. وكيف أصبح العفن بنسليناً والفضلات سهاداً.

أنت بالنسبة لملوك زمان والأباطرة ساحر أفاق.. قارون عصرك.

فتجلس الآن في قطار مكيف تقرأ ما طبع لك، وتركب سيارتك وتحجز مقعد في طيارتك وفي جيبك مجلس راديو وتلفاز وكاميرا وشبكة تربطك بأبعد بقاع الأرض في زمن دقة قلب، وتنفخ في ملل.. وبينما أنت نائم يسعى إليك الغاز والكهرباء والماء والهواء والعالم كله في أسلاك.. والعلم في إلكترونيات تتقافز على شاشة هاتفك، وتتذبذب في سماعات أذنك.

واختفت المسافات بين الكواكب فأصبحت أقرب لنا من المسافة بين بعضنا البعض.. فأصبحنا متوحدين في تواصلنا الاجتماعي، وأصبح العلم في المرتبة قبل الأخيرة.. بينما يتربع على الهرم مشاهير السينما وراكلو الكرة..

وكان المنزلة تتناسب عكسياً مع العلم.. وأصبح الإسفاف هو الموضة.
وأصبحت وسيلتنا غاية.. وغايتنا معدومة.

نعم، هو عصر العلم.. بل جهل العلم!

وتحوّلت أسلاك الكهرباء مشانق.. وأنابيب الماء تمعدنت.. وقطار
الموت.. والهواء تكيف.

زمن الأوزون المخروم.

زمن الكثير فيه قليل.

ف أصبح من يملك عربية يريد إثنين، ومن يملك طائرة يحلم بمطار، ومن
يملك مطار يبني قاعدة صواريخ.. وصارت الحضارة مدينة، والمدينة قرى
صغيرة، وأصبحنا ننام نهارنا.. ونعيش ليلنا، وأصبح نور الشمس يدير
مصانع، وأصبحت فاكهة الشتاء في الصيف.. والصيف في الشتاء.. واختفي
فصلا الربيع والخريف.

وأصبح الضمير ظاهره «مستر».. «غائب» غير ظاهر.. «متصلاً»
بالمصالح، وباطنه «منفصلاً» عن الواقع.

وأصبح الإعوجاج استقامة، وفي النقصان كمال.. وأصبح المرض سلعة،
والتشوهات وسيلة شحاعة، وللأعضاء تجارة!

وكل ما ظن الإنسان أن شيئاً ما سيسعده.. كان ظناً سوءاً.. فهو دائم
التطلّع إلى ما ليس معه.

إنها طبيعة الحياة.. متاع الغرور.. أليست دار الانتقال!؟

أومال اسمها دُنيا ليه؟!؟

الدنيا زي البلاي ستيشن.. كل ما تعدي مرحلة، تيجي مرحلة أصعب.. ومهما رجعت مش هترجع للمرحلة اللي قبلها أصعب حاجة.. ولما بنلعب لعبة في البلاي ستيشن بنلعبها Hard ومش بنستمع بيها لو سهلة.. اشمعنا الحياة عايزينها «إيزي»؟!؟

الحياة كده كده ضايعة.. فإنك تضيع حياتك في حاجة صعبة.. دراسة، مهنة، هدف.. أي حاجة تفتخر وأنت بتموت، وبعد ما تموت تشفع لك، وتحس إن حياتك كان ليها لازمة.

وزي ما اللعبة ليها شفرة.. الحياة ليها شفرات.. بس الفرق إن الحياة محاولة واحدة، ومش من الذكاء أبدأ.. إنك تسيب دراعك لحد غيرك يلعب في حياتك.. ويتحكم فيها وفيك، لأن ما حدش هيلعبك حياتك أحسن من حياته.. غير أبوك وأمك.. وهم عايزينك أنت تلعبها.

- فكرتني بآية تلخص الفصل كله:

﴿اعْلَمُوا أَنَّمَا الْحَيَاةُ الدُّنْيَا لَعِبٌ وَمَتَّوْا زِينَتَكُمْ وَتَفَاخَرُوا بَيْنَكُمْ وَتَكَاثَرُوا فِي الْأَمْوَالِ وَالْأَوْلَادِ كَمَثَلِ غَيْثٍ أَعْجَبَ الْكُفَّارَ بِنَائِهِ ثُمَّ يَسِيحُ فترته مُصْفَرًا ثُمَّ يَكُونُ حُطَلَمًا وَفِي الْآخِرَةِ عَذَابٌ شَدِيدٌ وَمَعْفَرَةٌ مِّنَ اللَّهِ وَرِضْوَانٌ وَمَا الْحَيَاةُ الدُّنْيَا إِلَّا مَتْنَعُ الْعُرُورِ﴾ [الحديد: ٢٠].

يا الله!

٣٠١٦

- شيبس! فيه ايه؟.. ايه اللي بيحصل؟

= اضطراب في مجال الجاذبية.

- ليه إحنا فين؟!

= لا أعلم.

- شيبس! بتعمل ايه؟

= قراءة للمستقبل.

- شيبس! اهبط حالاً بآلة الزمن.

= حاضر، سيدي.

- عايز تقرير حالاً

= بعد العلم اللي توصل ليه الإنسان، ونتيجة الصراع والحروب.. أدي

انفجار ١٣ قبله هيدروجينية اندماجية إلى انشطار جزء من الكوكب..

فأصبح الكوكب نصف كورة، وطبعاً الكوكب فقد جزء من كتلته، وبالتالي

فقد جاذبيته.

ونتيجة الانفجار الهائل ده.. نشأت سحابة دخان هائلة.. أصبحت تغطي

ما تبقى من الكوكب.. حتى حجبت أشعة الشمس من وصولها إلى سطح الكوكب المنهار لمدة تزيد عن سنة، وأدى ذلك إلى انخفاض درجة الحرارة لدرجة السقيع، وساد الكوكب شتاء نووي مرعب.. أدى إلى وفاة جميع النباتات والحيوانات، وانخفاض الجاذبية أدى إلى ارتفاع منسوب البحار والمحيطات، وساعد على هذا هروب قمر الكوكب من مداره، مما زوّد معدل هطول الأمطار بنسبة ٤٠٠٪.. يعني تقريباً طول السنة، السنة اللي طالت وامتدت لـ ١٤٦٠ يوم.. واليوم ٩٦ ساعة.

ومن ثم اعتاد سطح الكوكب على البراكين.. وألف الزلازل.. وتشققت قشرتها وتقيأت ما في باطنها.. وأسودت السماء.. فظال ليلها.. وأستتر نهارها.. وتجمّد صيفها.. وتقرّص بردها.. وهاجت بحارها.. واستوحشت محيطاتها.. وتراكت الأتربة داخل ذرات هوائها.

وتبدّلت نسب مكونات الهواء.. حتى اختنق الأكسجين.. واحترق ثاني أكسيد الكربون.. وتسيّل النيتروجين.. واتسع خرم الأوزون ليشمل طبقات الغلاف الجوي كله.. الذي انضغطت طبقاته فلم يتبقى منها سوى خُرْمُه.. وارتفع ضغط الجو حتى صار يهرس كل ما يقابله.. وانحسرت المياه.. وتشوهت ذراتها.. وبارت الأرض.. وفسدت تربتها.. وتلّفت البيئة.. واختلت موازينها.

- وما موقف الإنسان؟

= بعد أن تلاشت جميع المحاصيل، وانقرضت كل الحيوانات، ولم يبق من الهواء أكسجين، والماء لم يعد له أثر يُذكر، وحتى الأمطار كانت مسمومة.. انعدمت مقوّمات الحياة على نصف الكوكب هذا.

ولكن الإنسان استطاع أن ينجو وسط هذه الظروف.. فبِعِلْمِهِ؛

حوَّل احتياجات جسمه من عناصر الحديد والكلسيوم.. وأحماض البروتين والسكر.. وضغطها في أقراص تشبه أقراص الفيتامين.. واستغنى عن محاصيل الكون.. وصنع أكسجينه الخاص وعبَّاه في أنابيب أسطوانية، يرشَف منها ليل نهار.. وتوصَّل في معمله إلى أشباه الماء وأخذ يتجرع منها.. وحمَّى جسمه من الضغط الجوي في بذلات من فولاذ.

ومع انهيار نصف مساحة الكوكب، وبعد أن استنفذ مخزون الأشجار.. اضطر إلى اقتلاع مسامير الأرض، فأخذ في نسف الجبال حتى يبني محلها بيوته.. وبالرغم من استحالة الاستمرارية على هذا الكوكب، أكمل الإنسان حياته.. ولكن حياة هي والجحيم واحد.

- شيبس.. ايه اللي هناك ده؟ تعالي نروح نشوف

= ده سوق عكاظ

- المشي في البدلة دي صعب أوي.. لو فضلنا نزحف كده هنوصل بعد شهر.

= لا، الشهر ١٢٠ يوم.. سنصل بعد ساعة فقط.

- الحمد لله.

= الساعة هنا ٢٤٠ دقيقة.. أي تساوي ٤ ساعات مما تعرف.

* بعد ٨ ساعات *

÷ لو سمحت عايز ٦ كوابيات مياه.. واحدة للشرب واثنين وضوء و٣

استحم بيهم.

+ آسف، مفيش غير ٥ بس.

÷ تمام هاخدهم.

+ مقابل ايه؟

÷ ٤ طن بترول.

+ أنا آسف المياہ غليت.. الكوباية بـ طن بترول.

÷ تمام ٥ طن.. والعربية واقفة بره.

÷ لو سمحت عايز ٣ أكياس هواء بس كتر لي أكسجين.

+ بنسبة كام؟

÷ زوّد على قد ما تقدر.

+ هتدفع ايه؟

÷ اتفضل.

+ الكيس ده فيه ايه؟

÷ دي الكلية الشمال بتاعتي.

+ شغالة بنسبة كام؟

÷ نعم؟!

+ أستاذ علاء.. شوف الكلية دي شغالة بنسبة كام.. وحضرتك استني

شوية... اللي بعده.

÷ لو سمحت كنت عايز سنتين.

- + تمام.. بس هنا بحاسب باليوم.
- ÷ تمام.. ٨٠ مليار دولار؟
- + مممم، ٨٠ مليار مي جيوش تمن ٩ شهور.
- ÷ ١٠٠ مليار اخد بيهم سنة؟
- + ممنوع الفصال حضرتك.
- ÷ تمام هاتلي بـ ١٠٠ مليار.
- + اتفضل ١٠ شهور و ٣ أسابيع.
- ÷ من فضلك عايز يومين «بَصْر»، بنتي هتخلف بكرة ونفسي أشوف حفيدي.
- + هتدفع ايه يا حاج؟
- ÷ يومين سمع.
- + البصر أغلى من السمع يا حاج.
- ÷ كام يوم طيب يا بني.
- + عشان خاطرك بس يا حاج.. ٥ أيام سمع بـ وذن واحدة.
- ÷ ربنا يكرمك يا بني ويديك صحة تحافظ بيها على صحتك.. ويحفظك يارب.. وما توقع في زنقة هواء أو مياة أبدأ.
- ÷ كنت عاوزه ساعتين نوم وتلاته راحة بال.
- + مش موجود والله.

÷ طب متعرفش ألاقيهم فين؟

+ هتلاقيهم في القناعة والرضا بالمقسوم.. متبصش لغيرك وارضى.. ربنا هيرضيك وحافظ على نعم ربنا عليك، مش معنى إنها ببلاش تهمل فيها.. حافظ على صحتك وحواسك... ويا عضو النهاردة ببلاش.. بكرة يبقى بفلوس، وحافظ على الهواء والمياة.. ربنا خلقهم بمقدار معين.

الرسول ﷺ قال: «لا تسرف في الماء ولو كنت على نهر جار».

كيف وصلنا إلى هذا الحد بالرغم من كل ذلك العلم؟

الإنسان أخذ يشق المحيط.. ويجوب الفضاء.. ويفتش في باطن الأراضين.. ويحفر طرقه في أعالي الجبال.. ويمشي على الماء.. وينام في كبسولات في أعماقه.. ويتنقل داخل أنفاق الأرض.. ويشارك السُحب مع الطيور.. ويسكن القمر.

خلق الله له عينين فمدَّ بصره وراء النجوم إلى أطراف أصابع المجرات.. وأذنين فسمع ما يدور في أعماق المحيط من حوار الحيتان.. ويدان تشكلان الحديد المنصهر.. وعقل فاق أثير الكون وقوانينه.

الإنسان الذي رَوَّض الحيوانات.. واستأنث الوحوش.. وعلم الدواب.. وتعلم لغة الحشرات.. وفك شفرات النبات.. وربى سلالات البكتيريا، بل اتخذها عبيداً تنتج له دواءه.. ولعب مع الفيروس.. وسخر الإلكترونيات يجمع ويطرح له.. وهندس الجينات على مزاجه.. فأخذ يدمج ما يروق له من صفات.. ويستأصل ما لا يرضيه.. وشرب الغازات.. وتنفس تحت الماء.. وحول الصيف شتاءً.. وزرع القلب الميت في الحي.

وتهبأ له النور في شعاع ليزر يتداوى ويعمّره.. وانقسمت له الذرة
في موجات طاقة تُدير له حياته.. وتحوّلت الشمس له كهرباء.. والهواء
ماء.. والماء نار وحرارة تدفئ له برودة أعصابه.. فاشتعلت في فتيل غضبه..
فروّض الكون ولر يروّض نفسه.. حتى صار علمه بغياً.

وما العجيب في ذلك؟.. فكلما أزددنا علماً.. أزددنا بغياً.. وزدنا تكبراً
وجهاً.

﴿ وَمَا اخْتَلَفَ الَّذِينَ أُوْتُوا الْكِتَابَ إِلَّا مِنْ بَعْدِ مَا جَاءَهُمُ الْعِلْمُ بَغْيًا
بَيْنَهُمْ ﴾ [آل عمران: ١٩].

﴿ وَمَا نَفَرُوا إِلَّا مِنْ بَعْدِ مَا جَاءَهُمُ الْعِلْمُ بَغْيًا بَيْنَهُمْ ﴾ [الشوري: ١٤].

﴿ فَمَا اخْتَلَفُوا إِلَّا مِنْ بَعْدِ مَا جَاءَهُمُ الْعِلْمُ بَغْيًا بَيْنَهُمْ ﴾ [الجاثية: ١٧].

- تعالى نشوف ايه مكتب التنسيق ده!

÷ لو سمحت.. أنا كنت جاي بخصوص تنسيق الثانوية العامة سنة
٣٠١٦/٣٠١٥.

+ حضرتك جاي متأخر!

÷ معلىش والله الشارع مقفول زباله، والجاذبية هناك كانت شديدة
شوية.

+ حضرتك كان ممكن تاخذ طائرة!

÷ والله ملقتش... الدنيا واقفة فوق بسبب الأبراج وناطحات
السحاب.

+ مفيش مشكلة

+ معلش.. ملاقيش عندك أنبوبة أكسجين زيادة، اللي انا لابسها قربت
تخلص.

+ حضرتك عارف والله من ساعة ما آخر جزء مش مخروم في الأوزون ما
اتخرم، وفي مشكلة في الأنابيب ... عندي أكياس أكسجين صغيرة.

+ تمام، هات اتنين.. عاوز اعرف ابني عمل ايه في التنسيق؟

+ للأسف يا أفندم.. ابن حضرتك مجلوش أي كليات قمة وهيضطر
يسيب الكوكب أو يدخل كليات عادية.

+ يعني ايه... ابني مش هيبقى زبال؟ ده حلم حياته، من وهو صغير..
نفسك تبقى ايه.. عامل نضافة!

+ انا آسف يا أفندم.

+ طيب بلاش.. يدخل زراعة وري.. المحاصيل خلصانة ومفيش مياة
وعايشين على تحلية مياه المحيط.

+ للأسف يا أفندم برودو مجموعه مجبش.

+ يعني ايه.. بعد كل الفلوس اللي دفعتها وسنين التعليم.. هروح أرمي
ابني في كلية طب!

+ أو هندسة يا أفندم.

+ طيب حتى خدمة اجتماعية... الناس من كتر القعدة في البيت وقدام
الإنترنت نسيت إزاي بتعامل مع بعض.. ومحتاجين تنمية بشرية.

+ العدد اكتمل بر دو.. حضرتك متضطر تسفّره بره الكوكب ... أنت عارف إن الكوكب عليه مليون واحد.. عدد ضخم جداً وإحنا مضطرين نسفّرهم كواكب بره عشان الإمكانيت المتوفرة هنا محدودة.. نسبة المياه ١٠% ونصها ملوٲ ومالحة، والهواء نسبة الأكسجين ٣% وكل شوية حرايق... ومتقولش دخّله مطافي، عشان مفيش مكان بر دو.

+ أيوه بس الكواكب الثانية مجّمة.. والحياة صعبة هناك والأتموسفير كله أمونيا والمجازية زفت واليوم ١٤٧ ساعة.

+ دخله رائد فضاء طيب ... أهو يبقى رايح جاي على الكوكب ويقعدله يومين هنا ويومين هناك.

+ رائد ايه وفضاء ايه ... العالم كله رُواد ودكاترة.. محدش بقى محتاج علم ولا علاج.. إحنا محتاجين طبيعة ونضافة.

+ آسف!

+ طيب تربية رياضية؟

+ وزن ابن حضرتك كام؟

+ ١٥٠ كيلو جرام.

+ للأسف الوزن المسموح ١١٩ كيلو

+ طيب إديني قائمة الكواكب المتاحة وأمرني لله.

صحيح التنبؤ بالمستقبل صعب ولا يُسمن ولا يُغني.. ولكن المستقبل لا يأتي من فراغ.. فهو موجود في اللحظة.. دفين الحاضر، زي الشجرة في البذرة.. والجنين في الخلية.

الفواصل بين الماضي والحاضر والمستقبل وهمية تتداخل في بعضها.. كالليل والنهار.

يمكن استنتاجه عن طريق استقراء الشواهد، وترتيب الاحتمالات، والأخذ بالأسباب.. فنتنبأ بحركة الشمس، أو وقوع مذنب، أو موت نجم.. قبل الحدث بسنوات.

والله أمرنا بالعلم.. بمختلف مجالاته وكيفياته:

﴿أَفَلَا يَنْظُرُونَ إِلَى الْآيَاتِ كَيْفَ خُلِقَتْ﴾ [الناشئة: ١٧] بيولوجيا والتشريح والطب.

﴿وَالِى السَّمَوَاتِ كَيْفَ رُفِعَتْ﴾ [الناشئة: ١٨] علوم الفلك والفضاء

﴿وَالِى اللَّيَالِ كَيْفَ نُصِبَتْ﴾ [الناشئة: ١٩] علوم الصخور والجيولوجيا

﴿وَالِى الْأَرْضِ كَيْفَ سُطِحَتْ﴾ [الناشئة: ٢٠] علوم الأرض والجغرافيا

﴿قُلْ سِيرُوا فِي الْأَرْضِ فَانظُرُوا كَيْفَ كَانَ عَاقِبَةُ الَّذِينَ مِن قَبْلُ﴾ [الروم: ٤٢]

علوم التاريخ.

﴿قُلْ سِيرُوا فِي الْأَرْضِ فَانظُرُوا كَيْفَ بَدَأَ الْخَلْقَ﴾ [العنكبوت: ٢٠] هو

أمر صريح بالنظر في التطور.. ذلك الطريق الشائك.

﴿إِنَّا خَلَقْنَا الْإِنْسَانَ مِن نُّطْفَةٍ أَمْشَاجٍ نَّبْتَلِيهِ فَجَعَلْنَاهُ سَمِيعًا بَصِيرًا﴾ [الإنسان:

٢] علوم الجينات.

﴿ثُمَّ جَعَلْنَاهُ نُطْفَةً فِي قَرَارٍ مَّكِينٍ﴾ [المؤمنون: ١٣] علوم الأجنة.

﴿وَفِي أَنْفُسِكُمْ أَفَلَا تُبْصِرُونَ﴾ [الذاريات: ٢١] علم نفس.

﴿ قُلْ أَنْظَرُوا مَاذَا فِي السَّمَوَاتِ وَالْأَرْضِ وَمَا تُعْنِي الْآيَاتُ وَالنُّذُرُ عَنْ قَوْمٍ لَا يُؤْمِنُونَ ﴾ [يونس: ١٠١].. ثم أمر صريح بالنظر في جميع علوم الأرض والسماء.. بل السماوات.. ثم علوم الدين.

فالعلم يقتضي النظر والتأمل.. والسير والتجربة.. والتجروء على المخاطر واقتحام المجهول

والمجهول ليس غيباً، ولكن الغيب مجهول ومرفوع.. ومقتصر لله.. وأمرنا أن نبحث في المجهول، ونؤمن بالغيبيات

- شيبس! سامع!!؟

+ ها يا معلم صرصار.. فكرت هنعمل ايه؟

+ في ايه بالضبط؟

+ أنت نسيت!.. في حوار السفر.. يقولوا فيه كوكب جديد نقدر نعيش عليه..

+ مقابل ايه؟

+ معانا مخزون أكل يكفي ٧ سنين

+ إحنا مش هنستحمل نعيش مع البشر أكثر من كده!

+ أنا سمعت إن البشر عايزين ينقلوا ويعيشوا عليه

+ ايه... هم عايزين يقضوا على كل حاجة.. مش كفاية بوظوا الأرض.. خلصوا على المائة.. وخرموا الأوزون.. ده الأرض جالها احتباس يا جدع.

÷ عموماً أنا عندي فكرة.. أنا كلمت صحابي الصراصير اللي بيطيروا..
وكلمت النحل والجراد.. وكلمت الجيش قولتله إننا محتاجين دبابير طيارين
كويسين عشان الدفع الرباعي.

+ طب والدبان؟

÷ الدبان دلوقتي في موسم التزاوج.. هيحصلنا في الدفعة اللي جاية

+ طيب هنطير إزاي؟.. إحنا عددنا كبير.

÷ بص.. العناكب هيبنوا بيوت من الخيوط بتاعتها على شكل أكياس.

+ بس البيوت دي ضعيفة!

÷ ماهو هنعملها كذا طبقة فوق بعض.. والحشرات تتركب فيها.. والنحل
يشيل ويطير بيها لحد منوصل للجزء بتاع الضغط العالي من الغلاف الجوي.

+ وهنا يجي دور الدبابير.. تساعد النحل لحد ما نعدي ...

÷ بس كده في مشكلة.. الفضاء مفهوش هوا.. هنطير إزاي؟!!!

+ أنت نسيت الجراد؟! رجله قوية وبينط.. وزى ما النبي آدمين بيعملوا..
بيسندوا على حاجة ويدفعوا أنفسهم فيمشوا.. لحد ما نوصل.

÷ في ايه يا نملة؟!!!

= سيدي يجب أن نذهب الآن!

- ليه؟

= الآاااا.. النمل يشعر بالزلازل قبل حدوثه ب ٢٤ ساعة.

- طيب يعني معانا وقت

= ٢٤ ساعة أرضية.. يعني ٦ ساعات هنا!

- كده مش هنلحق.. تعالى نستخبي أحسن

= إن لمر نذهب الآن، فلن نستطيع الهروب بألة الزمن.. وسنظل في المستقبل.

- شيبس!!! المدينة الفاضلة!! المدينة الفاضلة.. هناك أهي أهي.. في حد بيشاورلي!!

= سيدي.. لو ذهبنا لن يصبح هناك لا فاضلة ولا باقية.. ولا حتى مدينة!!!!

* بعد أكثر من ٦ ساعات *

- شيبس.. إقلع بألة الزمن.

= لا أستطيع.. حدث عطل بسبب شدة مجال الجاذبية نتيجة الزلزال

- اقلع!

= لا

- قتلتك إقلع.

= لا!!!!.. هنتوه في الزمكاان!!!



هذيان

- شيبس.. أين نحن؟! |

= تقصد متى نحن! |

- أنا مش شايف حاجة |

= إحنا توهدنا في الزمكان.. قد نكون في الماضي أو الحاضر

أو المستقبل

- ارفع مستوى الطاقة ٩٠%.. وشغل ال Recovery System.. عايز أعرف

إحنا فين؟

= ولكن هذا سيُفرغ من طاقتي!

- مش مهم.. هشحنك تاني

أنا سامع صوت جاي؟ شغلّ النور! ايه ده.. ايه اللي طاير ده؟!

= ده جيش عدده ٦٠٠ مليون.. مقابل واحد بس!

- الحق! دول بيوتوا بدون سبب.. كام واحد مات!

= ٤٠٠ مليون تقريبا!!

- ده في واحد من الجيش دخل جوا! أنا مش فاهم! شيبس!

= مستوى طاقتي انخفض.. جاري التحميل.

- ايه الضفيرة دي! دي بتتفك من بعضها.. شبه ترايزين السلم!! وفي
ضفيرة تانية هناك كمان!

= ده شريط معلومات يحمل.. حوالي.. ما.. يساوي.. ٥ مليون..
صفحة!

- شيبس! مالك!

= انخفاض.. في.. مستوى.. ال... طاقة

- طب إحنا فين!

= بيدولي.. أننا.. في الماضي.

- طيب يلا نرجع الحاضر تاني!

= لا.. نستطيع.. أن.. نسافر.. إلا.. أسبوع.. تلو.. الأخر

- ايه!! طيب، أنا هكتب كل ملاحظاتي في ورقة على ما تشحن.

الأسبوع الأول: ايه الكورة دي! دول بقوا كورتين! ..٤..٨..١٦..٣٢..

٦٤..١٢٨.. دي بتطلع خراطيم ومسكت في السقف!

الأسبوع الثاني: الأوضة كبرت.. والكورة بقت شبه «الدودة»

و«اتعلقت» في السقف.. وطالع منها سلك أحمر وسلك أزرق وحبل.

الأسبوع الثالث: أنا شايف صلصال كأنه معضوض.. ومكان سنان باينة

فيه.. شبه حطة لحمة ممضوغة.. لحظة، دي متقسمة طبقات فوق بعض.

الأسبوع الرابع: ده طلعله ديل!

الأسبوع الخامس:!! ده في حاجة بتدق!!.. شيبس!

= يبدو لي أننا بداخل رَحِم حيوان، سيدي

الأسبوع السادس: أه.. في ودنين اتكوّنت أهي.. ووعينين وقلب صغير

بينبض أهو وخارج منه أوعية.. ايه دي! زعانف!

= يبدو لي أننا بداخل رَحِم سمكة، سيدي

- رَحِم سمكة! قصدك بيضة سمكة بقي.. أنت شكلك تعبان أوي يا

شيبس، روح اتشحن أحسن.

الأسبوع السابع: في لحم اتكوّن أهو.. والقلب كبر شوية.. ثانية ثانية،

ده إنسان!!! شيبس.. شيبس!!

أنا عايز تقرير كامل فوراً!

= جاري التحميل ..

سيدي، نحن بداخل رحم أنثي إنسان بالفعل..

كنا في قناة فالوب عند مواجهة جيش من ٦٠٠ مليون نطفة من الرجل..

ضد بويضة واحدة.. وزى ما أنت شوفت إزاي كان بيتدق بسرعة.

﴿ خَلِقَ مِنْ مَلَوِّ دَائِقِي ﴾ [الطارق: ٦].

وبعد كدة ٤٠٠ مليون ماتوا زي ما أنت شوفت.. حصل إنتخاب لأفضل

الجنود السليمة.. فيموت مقصوف الرقبة وأبو قصر ديل وأبو ديلين، وبعد كده

يفوز واحد بس.. أقواهم وأحسنهم سلالة.. في عملية الإنتقاء Selection.

﴿جَعَلَ نَسْلَهُ مِنْ سُكَّالَةٍ مِنْ مَاءٍ مَهِينٍ﴾ [السجدة: ٨].

وجوه النطفة في عبوة كروموسومات وجوة البويضة عبوة زيبها.. اللي هي الضفيرة وترابزين السلم.. دي تَفُكُ ودي تَفُكُ، ويتضفروا في بعض يكونوا عبوة كروموسومات جديدة.. مزيج من التبادل والتوافق من الصفات الجديدة، تملاً كتاب من ٥ مليون صفحة.. ودي مرحلة التقدير أو برجة شفرية للخلايا Programming.

﴿مِنْ نُطْفَةٍ خَلَقَهُ فَقَدَرَهُ﴾ [عبس: ١٩].

﴿وَأَنَّهُ خَلَقَ الزَّوْجَيْنِ الذَّكَرَ وَالْأُنثَىٰ ﴿١٥﴾ مِنْ نُطْفَةٍ إِذَا تُمْنَىٰ﴾ [النجم: ٤٥ - ٤٦].

لا إزاي بقى!! من نطفة! ذكر وأنثي!؟

= أه!! في عبوة الكروموزومات.. في كروموسوم X وفي العبوة الثانية Y.. ودول اللي بيحددوا إذا كان ذكر أو أنثي من أول يوم.
بس مش بتكون أعضاء دلوقتي.

﴿إِنَّا خَلَقْنَا الْإِنْسَانَ مِنْ نُطْفَةٍ أَمْشَاجٍ نَبْتَلِيهِ﴾ [الإنسان: ٢].

- إزاي نطفة.. وأمشاج.. مفرد وجمع يعني؟

= لأن حركة البرجة دي اللي تحليه من نطفة.. بني آدم في خلال ٩ شهور.. محتاج سرعة رهيبية.. زي ما شوفت ٢، ٤، ٨، ١٦، ٣٢، ٦٤، ١٢٨، لحد ما تبقى توتة (أمشاج).. هي نطفة واحدة أه، بس فيها تريليونات الخلايا.. تفضل تندرج لحد آخر قناة فالوب.. وتغرس في تربة الرحم في الأسبوع الثاني.

- تربة!؟

﴿ نَسَاؤُكُمْ حَرَّتْ لَكُمْ فَأَتُوا حَرَثَكُمْ أَنِّي شِقْتُمْ ﴾ [البقرة: ٢٢٣].


وتبدأ تتطلع خطاطيف وشرابين تمسك في سقف الرحم.

﴿ ثُمَّ جَعَلْنَاهُ نُطْفَةً فِي قَرَارٍ مَكِينٍ ﴾ [المؤمنون: ١٣].

تحيل بلونة مجوفة.. متغطية بـ ٣ طبقات: طبقة بروتينية، وطبقة عضلات مكونة من ٣ أنواع من ألياف عضلية، ثم طبقة غشائية.. وسقف الرحم له ميل معين.. غير أنه يُحاط بحصن من عظام الحوض، وتعتبر من أقوى عظام الجسم، ومتربط كله بأربطة تثبته في مكانه.. بحيث يقدر يتمدد.. وينزل بشكل أضيق يكوّن عنق الرحم.. اللي على بوابته حراسات خلوية وغدد.. غير الأسلاك من شرابين وأوردة اللي «بتعلق» الجنين اللي شبه الدودة.

﴿ ثُمَّ كَانَ عِلْقَةً فَخَلَقَ فُؤُوسًا ﴾ [القيامة: ٣٨].

الجنين هنا يشبه دودة العلقه في الشكل من حيث الخطاطيف، والممصات عشان يمص الدم، وحتى شكل العينين والديل.



في الأسبوع الثالث بعض أجزاء الجنين تبقى شبه الصلصال المسنون أو لبانه ممضوغة كده.

﴿ ثُمَّ خَلَقْنَا النُّطْفَةَ عَلَقَةً فَخَلَقْنَا الْعَلَقَةَ مُضْغَةً ﴾ [المؤمنون: ١٤] (لاحظ

«ثم» و«ف»).

وأجزاء أخرى زي ما هي..

﴿ مِنْ مَّضْغَةٍ مُّخَلَّقَةٍ وَغَيْرِ مُّخَلَّقَةٍ ﴾ [الحج: ٥].



ومرحلة التخليق differentiation..

إيكتوديرم: يتكوّن منها الجلد والشعر والأظافر وفتحات الجسم من أنف وفم وأذن، جزء منها يتبرمج عصبي يخلّق مخ وجبل شوكي وأعصاب وشبكية عين.

وإيندوديرم: يشكل غدد وجهاز هضمي وتنفسي وأذن وسطي وأجزاء من الجهاز البولي وبعض الغدد الأساسية.

وميزوديرم: تخلق عضم وعضلات وقلب وأوعية وباقي الجهاز البولي وبطانات الجسم وأغشيتها.

ثم يبدأ يظهر الديل والشعر وتفتكره قرد.. وتتكون العظام، وإن كانت لينة.

﴿ فَخَلَقْنَا الْمُضْغَةَ عِظْمًا ﴾ [المؤمنون: ١٤].

ويختفي الديل وتظهر زعانف وخياشيم وتفتكره سمكة.. وتتغلف العظام باللحم.

﴿ فَكَسَوْنَا الْعِظْمَ لَحْمًا ﴾ [المؤمنون: ١٤].

﴿ ثُمَّ أَنشَأْنَاهُ خَلْقَاءَ آخَرَ ۗ ﴾ [المؤمنون: ١٤].

وفي اللحظة دي وعند يوم ٤٠ بالظبط يتشقلب كل شيء.. وينشأ إنسان..
ويُسرع الإنقسام وتنفخ فيه الروح، ويكتب له رزقه ويقدر له قدره.

﴿أَلَمْ نَخْلُقْكُمْ مِنْ مَّاءٍ مَهِينٍ ﴿٢٠﴾ فَجَعَلْنَاهُ فِي قَرَارٍ مَكِينٍ ﴿٢١﴾ إِلَىٰ قَدَرٍ مَّعْلُومٍ ﴿٢٢﴾ فَقَدَرْنَا فَنِعْمَ الْقَدِيرُونَ ﴿﴾ [المسرات: ٢٠-٢٣].

إن أحدكم يجمع خلقه في بطن أمه أربعين يوماً نطفة، ثم يكون علقة مثل ذلك، ثم يكون مضغة مثل ذلك، ثم يرسل الله إليه الملك، فينفخ فيه الروح ويؤمر بأربع كلمات: بكتب رزقه وعمله وأجله وشقي أو سعيد صدق رسول الله.

وبعد اليوم الـ ٤٢ تبدأ مراحل تخليق السمع والبصر ثم خفقان القلب بالترتيب.

﴿ثُمَّ سَوَّاهُ وَنَفَخَ فِيهِ مِنْ رُوحِنَا وَجَعَلَ لَكُمْ السَّمْعَ وَالْأَبْصَارَ وَالْأَفْئِدَةَ ﴿٩﴾ قَلِيلًا مَّا تَشْكُرُونَ ﴿﴾ [السجدة: ٩].

إذا مر بالنطفة ثنتان وأربعون ليلة بعث الله إليها ملكاً فصورها وخلق سمعها وبصرها وجلدها ولحمها وعظمها) [رواه مسلم] صدق رسول الله.

﴿وَقَدْ خَلَقْنَا أَطْوَارًا ﴿﴾ [نوح: ١٤].

من عناصر تراب الجماد المكون للنطفة إلى دودة العلق إلى ذيل الحيوان وجسده المشعر إلى زعانف السمك إلى تسوية الإنسان.

﴿مِنْ تَرَابٍ ثُمَّ مِنْ نُطْفَةٍ ثُمَّ مِنْ عَلَقَةٍ ثُمَّ مِنْ مُضْغَةٍ مُخَلَّقَةٍ وَغَيْرِ مَخْلُوقَةٍ لِنُسْبِنَ لَكُمْ وَنُقِرُّ فِي الْأَرْحَامِ مَا نَشَاءُ إِلَّا لِأَجَلٍ مُسَمًّى ثُمَّ نُخْرِجُكُمْ طِفْلًا ﴿﴾ [الحج: ٥].

﴿ الَّذِي أَحْسَنَ كُلَّ شَيْءٍ خَلَقَهُ، وَبَدَأَ خَلْقَ الْإِنْسَانِ مِن طِينٍ ﴾ [السجدة: ٧].
وهو بدء الخلق.. آدم عليه السلام.

﴿ ثُمَّ جَعَلْنَا نَسْلَهُم مِّن سُلَالَةٍ مِّن مَّاءٍ مَّهِينٍ ﴾ [السجدة: ٨].. ونحن نسله من بعده.

تأمل وتدبر تسلسل الآيات

﴿ الَّذِي أَحْسَنَ كُلَّ شَيْءٍ خَلَقَهُ، وَبَدَأَ خَلْقَ الْإِنْسَانِ مِن طِينٍ ﴾ (٧) ﴿ ثُمَّ جَعَلْنَا نَسْلَهُ مِن سُلَالَةٍ مِّن مَّاءٍ مَّهِينٍ ﴾ (٨) ﴿ ثُمَّ سَوَّيْنَاهُ وَنَفَخْنَا فِيهِ مِن رُّوحِنَا وَجَعَلْنَا لَكُمُ السَّمْعَ وَالْأَبْصَارَ وَالْأَفْئِدَةَ قَلِيلًا مَّا تَشْكُرُونَ ﴾ [السجدة: ٧-٩].

﴿ وَلَقَدْ خَلَقْنَا الْإِنْسَانَ مِن سُلَالَةٍ مِّن طِينٍ ﴾ (١٣) ﴿ ثُمَّ جَعَلْنَاهُ نَظْفَةً فِي قرارٍ مَّكِينٍ ﴾ (١٤) ﴿ ثُمَّ خَلَقْنَا النَّطْفَةَ عَلَقَةً فَخَلَقْنَا الْعَلَقَةَ مُضْغَةً فَخَلَقْنَا الْمُضْغَةَ عِظْمًا فَكَسَوْنَا الْعِظْمَ لَحْمًا ثُمَّ أُنشَأْنَاهُ خَلْقًا آخَرَ فَتَبَارَكَ اللَّهُ أَحْسَرُ الْخَالِقِينَ ﴾ [المؤمنون: ١٦-١٤].

﴿ فَإِنَّا خَلَقْنَاكُمْ مِّن تَرَابٍ ثُمَّ مِن نُّطْفَةٍ ثُمَّ مِن عَلَقَةٍ ثُمَّ مِن مُّضْغَةٍ مُّخَلَّفَةٍ وَغَيْرِ مُخَلَّفَةٍ نُّسَبِينَ لَكُمْ وَنُقِرُّ فِي الْأَرْحَامِ مَا نَشَاءُ إِنَّ أَجَلَ سَمِيِّ ثُمَّ نُخْرِجُكُمْ طِفْلًا ثُمَّ لِتَبْلُغُوا أَشَدَّكُمْ وَمِنْكُمْ مَّن يُوَفِّقُ وَمِنْكُمْ مَّن يُمِرُّ إِلَىٰ أَرْدَلِ الْعُمُرِ ﴾ [الحج: ٥].

ثم تبدأ مرحلة التسوية، واستقامة عظام الذراعين والرجلين، وتشكيل دماغ الوجه، وتنويم وجمال الإنسان في أحسن صورة.

﴿ الَّذِي خَلَقَكَ فَسَوَّاكَ فَعَدَلَكَ ﴾ (٧) ﴿ فِي أَيِّ صُورَةٍ نَّشَاءُ نَكْبِدُكَ ﴾ [الانفطار: ٧-٨].

وصلنا إلى الأسبوع التاسع: بقي قد الزتونة أهو ما شاء الله.. ودي رُكَب
وكوع اتكونوا أهو، وتقريباً أمعاء وبنكرياس دول، وبدأت الملامح تظهر،
والنمو بقي سريع جداً.. دماغه بقت قد نص جسمه عشان المنح ينمو أكثر..
شايف ييمص صوابعه! ده نام!!!

شيبس! ده ولد! يا ما أنت كريم يا رب!

= هو ابنك!؟

- لا.. بس بيكبر قدام عيني.

شايف بدأ يسمع صوتنا إزاي ويميز الأصوات (الأسبوع ١٣) ويتحرك
أهو (١٤).

بص جلده شفاف وعليه مادة غشائية تحميه (١٤)

بدأت الدورة الدموية تنتظم، وبدأ يتنفس السائل الأمنيوسي اللي حواليه
اللي بدأ يزيد وهنغرق يا شيبس.

= تم تعبئة أنابيب الأكسجين

- سامع نبض أمه يا شيبس! ده هو كمان سامع!! ويستجيب للنور، اقل
كشاف آلة الزمن (٢٠)

ده بيضحك!!!!!! ده سامع صوت أمه (٢١)، وصوت باباه (٢٢) شايف
لسانه وجذور سنانه!! (٢٤)

شيبس ده مسك إيدي!! البصبات بدأت تتكون! (٢٥)

العين اكتملت.. وفتحت!! (٢٧) وهو بيعمل كده ليه؟

= بيحلم.. وده دليل على أن المخ تطور

- ده بيعوم!

= دليل على إن العضم اكتمل بس لسه طري.

- شيبس! المكان بقى ضيق.. يلا نخرج.

= الخروج ليس سهلاً.. نحن محاطون بثلاث غرفات.. غرفة الأميون

بسائلها اللزج وغشائها، وغرفة الرحم بطبقاتها وجدارها، وغرفة البطن
بعضلاتها وجلدها وعظام حوضها.

﴿يَخْلُقُكُمْ فِي بُطُونِ أُمَّهَاتِكُمْ خَلْقًا مِّنْ بَعْدِ خَلْقٍ فِي ظُلُمَاتٍ ثَلَاثٍ﴾ [الزُّمَرُ: ٦].

- أومال هو هيخرج إزاي!؟

= ﴿ثُمَّ السَّبِيلَ يَسَّرُهُ﴾ [عبس: ٢٠].

تحت تأثير هرمون الريلاكسن.. يبدأ الحوض وأربطته في التراخي،
وتحت تأثير الأوكسيتوسين ينقبض الرحم انقباضات سريعة.. وينفجر
كيس الأميون اللزج، ويتعاون الطفل في الإنزلاق بأن يستدير برأسه نحو
الجاذبية ويدفع بقدمه.. ليخرج لهذه الدنيا.

- شيبس! ده مسك إيدي تاني.. افحص بصمته.

= لماذا؟

- عشان عايز أعرف مين ده.

= جاري فحص البصمة.. تطابق

- ها مين؟

= سيدي.. تطابقت البصمة مع بصمتك.

- هو ايه اللي تطابقت!!!!!!.. كرر الفحص!

= تطابق.

- ارفع مستوى الطاقة ١٥٠%.. كرر الفحص!!!!

= تطابق

- هو أنا كل ما أقولك افحص بصمة حد تقوله تطابق!! خذ خلية من

بصلة الشعر وافحص الـ DNA حالياً!

= تطابق.

!!!!-

= ما بك سيدي ألا تحب الطفل؟ الأ تعجبك الحياة داخل بطن أمك؟

- أنت مش فاهم حاجة.. يعني اللي هنا أنا.. واللي هناك أنا..

هاهاهاهاهاهاهاهاها.. أااااااااه..

هاهاهاهاهاهاهاهاها

= سيدي، هل فقدت عقلك؟

- بالظبط والله.. أنا فقدت عقلي حرفياً.. هاهاهاهاهاهاهاها.. أنا

ضيعت.. انتهيت.. أنا ميت.

= سيدي

- سيدك مات.. أنا قتلت نفسي في الحاضر.. لا أقصد في المستقبل.. لا في مستقبل الحاضر! هاهاهاهاهاهاهاها

- سيدي الميت

= أنا قتلت الرجل اللي في الكهف

- تقصد توأمك؟

= هو فين توأمي!! أنا في بطن أمي أهو.. ومفيش غيري.. أنت شايف حد!! شايف حد!!!!!!

- ولماذا قتلت توأمك.. أقصد نفسك؟!

= عشان أخذ عقلي أحطه في مجموعة عقول المدينة الفاضلة.. عقلي الغبي!

أنا غبي.. إزاي محدتش بالي إن بصمة الإيد في التوأم مختلفة.. يعني هو لو كان توأمي كانت بصمتنا هتبقى مختلفة!!!!!!!!!!!!!!!!!!!!!!!!!!!!!!

قتلت نفسي يا شيبس.. فتحت دماغ نفسي.. ومسكت المخ وأنا فاكره مخ توأمي، وهو مخي.. روعي طلعت قدامي!!

= تقصد نفسك اللي طلعت!

- مش وقتك يا شيبس!!! مش وووووقتك!! بس إزاي؟!

إزاي قابلت نفسي؟!

= أنت تعرف كيف.. الثقب الأسود الدوّار! جاذبيته الهائلة التي تجذب أي طاقة حتى شعاع الضوء.. ويُطوى بداخلها كما يُطوى الزمن.. وتتجمد كل القوانين.

- ومين فينا الماضي؟ أنا ولا هو؟!

= لا أعلم.

- علم! العلم هو اللي قتلتني.. قتلت نفسي بالعلم، ومن العلم ما قتلهاهاهاها.

وايه يعني.. ما إحنا كل يوم بنقتل نفسنا بالعلم؛

المبيدات الحشرية تقتل الحشرات والنبات وتقتلنا معها.. والإشعاع الذي يقتل ويشوه الجنين في بطن أمه.. والديناميت الذي أحرق صاحبه.. وسلك الكهرباء الذي يشق به نفسه.. ومُخلفات العلم وكيمائياته التي تقتل السمك المُسالر في عقريته ثم يقتلنا تسُممه.. وهفوات نواة الذرة وأخطاء مفاعلاتها.. وسموم غازاتنا وأبخرة معاملنا وعوادم ما كيناتنا التي اخترقت غلاف الجو ولوُثت فضاهه وبالذرة قتلنا وشوّهنا قارات بالكامل.. زي ما شوفنا في المستقبل.. هاهاهاها المستقبل.. المستقبل اللي راح.

هاهاهاهاهاهاها.. شيبس! الجنين بيتكلم! وآلة الزمن بتتكلم! كل حاجة بتتكلم! شعري بيتكلم!

شعره: زعلان أوي إنهم «حلقولك»؟! طب ما أنت «حلققتي».. ده أنت اللي «مرييني»!!! هونت عليك؟؟.. «قشرة» سنين.. كنت ماشي بمزاجك... أبقي «نايم» في أمان الله.. ألاقيك مغرقني مية في عز البرد وتحط عليا جل.. وأفضل واقف طول اليوم على «جذور» رجليا... وفي عز الحر تفتح عليا هواء سخن.. «استشوار في الحر ده».. قولي أنا عمري «قصفت» معاك.. وجزاتي إيه خلتي «ع الزيرو» عشان تفتح جمجمتك وتطلع مخك!

التي شيرت: تستاهل.. لازم يبيعوك، زي ما بعطني ... أنا استحملت معاك كثير وأنت طلعت «نُص كُم».. استحملتك لما كانت إيدك مبلولة وتنشف فيا.. استحملت عرقك.. استحملت الأكل اللي بتوقعه عليا، واستحملتك وأنت بتكوي فيا.. بتكوي في جسمي عشان تبقى أنت شيك ... أنا ما «صغرتكش».. أنت اللي «كبرت واتكبرت» وقولت إني مش من «مقاسك».. بعد ما كنت هتموت عليا.. دي آخرتها: «تمسح دمك فيا»!!

العين: أومال انا أعمل ايه طول اليوم مبرق ومبھلق في حاجة منورة وبشوف حاجات وأشكال غريبة.. وكله كوم ولما يبقى نايم في الضلمة وأفتح على شاشة منورة كده ... يعني ضلمه ونور مع بعض!!!

مبقتش عارف أبقى constricted ولا Dialated!

المخ: دي نضارات..

الأنف: يا عم النضارات دي ما أنا شايلها طول اليوم على دماغي.

المخ: دماغك ايه؟! متنساش نفسك ... أنت مناخير.

العين: بس أنا اللي شفته وهو بيقتل.. شوفت عينيا وهي بتقفل.. وشوفت الدم، وهو بيفتح دماغه كأنه بيفتح صندوق.

- مقتلش حد..

الأذن: الحقووووووني.... أنا تعبت خلاص.. طول اليوم مدخل فيا حاجة كده، وياريته بيسمع حاجة مفيدة.. ده غير النظارة اللي شايلها عليا طول.. أنا قرقوشتي مش هستحمل أكثر من كده.

المخ: أه دي ساعات.

الأذن: أنا سمعته .. سمعت صريره المكتوم .. أنا شاهد على إنه قتله.

- يا جماعة .. لاااا ..

اللسان: أف .. ايه الحرد ده ... هو مش هيبطل الدخان اللي بيشر به ده أنا

خلاص مش طابق لُعابي.

الأنف: قوله والنبي يا عم .. دي الرئة تعبانة وبنكح تراب.

المخ: أنت مش عاجبك حاجة .. ليه حاشر «مناخيرك» كده في كل

حاجة.

الأنف: أومال أحشر ايه .. ما أنا مناخير أصلا.

المخ: أه صح.

- حد يرد عليا .. مقتلتش !!

اللسان: غير إنه مش سايب حد في حاله وميقولش كلمة عدلة

ومبيسكتش.

المخ: هيجيلك يوم عظيم .. أنت هتسكت وإحنا نتكلم

القلب: أنتو هتناموا ... ولا أقف وأموتكوا كلكوا !!

- مقتلتش يا جماعة ..

- اليد: لا قتلت .. قتلت بيا .. بالمشروط ده .. محدش حاسس بيا .. أنا اللي

كسرت الجمجمة .. وخرجت المخ سليم .. وحطيته في برطمان .. عشان تحافظ

على عقلك .. ضيعت نفسك!

﴿ أَلَيْسَ نَحْمَدُ عَلَىٰ أَفْوَاهِهِمْ وَتُكَلِّمُنَا أَيْدِيهِمْ وَتَشْهَدُ أَرْجُلُهُمْ بِمَا كَانُوا يَكْسِبُونَ ﴾ [يس: ٦٥].

أنا

أنا مجرد شخص.. فرد عدد واحد راكب.. محبوس في أوضة.. محطوطة في شقة من الجسم.. في عمارة إنسان.. وسط عمائر كثير في شارع طويل من ضمن شوارع الحياة.. جزء من محافظة.. قد تكون عاصمة أو عاصمة في بلد ما من بلاد قارة في وسط ٦ والسابعة مجمّدة.. على كوكب ليس دائرياً ولا بيضاوياً بس لونه حلو وسط ٩ كواكب.. في مجرة قد.. بل أكيد أنها ليست الوحيدة في ملكوت موجود في علة سودة منقطة أبيض ملفوفة لفة هدايا.

أنا علة جوة علة جوه علة في صندوق مكانه حاوية ضمن حاويات سفينة.. منقولة في حاويات سفينة تحمل سفن لنقلها.. في زمن لا يتعدي الـ ١٠٠ سنة.

أنا تايه في النص مش عارف أنا ماضي ولا حاضر.. ومليش مستقبل.. ولا عارف أتقدم ولا قادر أرجع.. وأرجع اللي راح

لا لا.. أنا كائن مُعقّد بسيط.. مُتشابه بس مُختلف.. معقد في تفكيري، في تركيبتي.. بسيط في نهايتي المتشابهة.. مع ناس كثير بس أنا مُختلف بكوني أنا.. أنا محدش غيري «أنا».. محدش زيي.. محدش عنده نفس أحلامي وأيامي.. مفيش منك مُستنسخين بنفس جيناتك وكروموسوماتك.. يطاردوك عشان يقتلوك وياخدوا طاقتك أو تتوزع على باقي المستنسخين بالتساوي.. أو يجبسوا مخك فأر تجارب.

جائز أكون وِحش وبنكرياسي أحلى مني وقلبي مش مكالمة رومانسية ولا بوكيه ورد أحمر.. قلبي عضلة ب ثلاث إَوْض وصالة بتضخ سائل أحمر اسمه دم وكلام أحياء سنة ٥ إبتدائي.. بس بردو لو شيلت شوية الجلد والكرياتين هنبقى كلنا شبه بعض وجائز نبقى أحلى من الأول، شبه بعض ما يميزناش إلا شوية تجاعيد وتلافيف موجودة في مخك القانت في صندوق العضم.. أغلى ما تملك وده اللي يميزك ك كائن حي بين ثدييات وزواحف ويميزك ك إنسان بين بني آدمين كثير في العلة السوداء اللي قولتلك عليها.

كلنا ذلك الشخص السيكوباتي الشيسز وفريني المُعقّد.. ولكن أنت في إيدك تكون في العلة وتشوفها من جوه.. وفي إيدك تشوفها من بره وجائز تغير لونها.. في إيدك تبقى الجرثومة الـ ٠,٠١% اللي ديتول مقدرش عليها أو تفضل زيك زي غيرك من الـ ٩٩,٩%.

- أنا موتت نفسي يا شيبس.

= قصدك قتلت نفسك!

- وايه الفرق؟!

= الموت هو خروج النفس من الجسد، فيبلي من بعدها الجسد.. والقتل هو أن يبلي الجسد ف تذهق من بعده النفس!

- أنا قتلت نفسي بجهلي.. بجهل العلم.. العلم الأسود.

وايه الفرق أصلا بين العلم والجهل؟!

العلم زي العمر.. كل ما يزيد يقل.. كل ما العلم زاد الجهل زاد.. كل ما تعرف أكثر تكتشف إنك كنت جاهل أكثر.

نحن نعلم سلك الكهرباء ونجهل الكهرباء، ونرى النور ولا نعرف ما النور، ونعرف تفاحة نيوتن ونجهل الجاذبية، ونقيس الزمن ونجهل ماهية الزمن، ونستخدم الإنترنت ولا ندرك موجاته، ونقسم الذرة ولا نعرف شكلها ولا شكل أبنائها البروتونات والإلكترونات.

حتى الثقب الأسود.. ليس ثقباً ولا أسود.. هو نجم تكّدس على نفسه، وضُغِطت فراغات ذراته، حتى تضائل حجمه إلاّ حجم أصغر من ذرته، وحافظ على كتلته كما هي.. مما زاد من جاذبيته لتكنس كل ما حوله، زي السفنجه تقدر تضغطها في قبضة إيدك أو أصغر.. ولكن كتلتها تفضل زي ما هي.. وُسْمِي أسود لأن حتى النور لا يفلت منه.. ولا ينعكس بداخله.. فلا نرى له لون.

والاسم الأدق هو مكانس الكون.

﴿فَلَا أُقِيمُ بِالْحَقِّينِ ﴿١٥﴾ الْبُرُوجِ الْكُنُوسِ﴾ [التكوير: ١٥-١٦].

﴿وَإِذَا الْتَجُّومٌ أَنْكَدَرَتْ﴾ [التكوير: ٢].

﴿فَإِذَا الْتَجُّومٌ طُمَسَتْ﴾ [المرسلات: ٨].

حتى إننا نعرف الحياة، ولكن لا نعرف الموت وما بعد الموت، ولا ما قبل الميلاد.. وكل ما نعرفه هو نصف القصة.. بل فصل منها.. بل اسمها.

الموت في الحقيقة حياة.. الموت عملية الحياة.. والمستقبل هو وفاة الحاضر وجثة الماضي.

الموت ليس نقيض الحياة.. بل مصيرها.

نحن نموت بداخلنا كل لحظة ؛

كل شعرة تسقط.. كل نقطة لعاب تسيل.. كل دمعة ترينق.. كل قطرة عرق.. كل خلية.. مليارات الخلايا تموت في اللحظة وتولد غيرها.. ملايين كرات الدم تُنتج وغيرها يُستهلك، ويتم معالجته مجدداً.. والدهون تحرق.. والبروتين يتكوّن، وغيره يتحلل.. وفرن الكبد ينصهر بما فيه.. والمعدة تنضج بما فيها.. والأمعاء تتصارع.. والأكسجين يدخل.. ويطرد الكربون.. والجلد يتراكم.. ثم يتطاير ذرات في الهواء..

ليس هناك شيء باقٍ.. كل زائل وكل فانٍ.

حتى الأفكار.. تتفتح وتزدهر ثم تذبل وتسقط، ولهبب العواطف يبرد، ونار الحماس تُخمّد، وشرارة الذكاء تنطفئ والشخصية تخرج كالجنين.. من طور إلى طور.

وقطار الحياة الحلزوني الذي يدور على قطبان إلى ما لا نهاية.. فما أن يبدأ راكبها في محطة حتى ينتهي إليها مرة أخرى.

فالطفل يُولد ضعيف البصر والسمع.. بلا أسنان ولا لسان.. يحتاج من يأخذ بيده حتى يمشي.. ومن يحمله حتى ينام.. ومن يمضغ عنه الأكل.. ويصيف له شرابه.. ويقضي له حاجته.. من يبذل له ثيابه.. وينظف له بدنه.. ويحسب له خطاه.. ويحماط له في طريقه.. ويسهر له الليالي.. ويقوم معه نهاره.. ويرسم له أحلامه.. ويطرد منها مخاوفه وكوابيسه.. ليستيقظ فيجد شعره اشتعل شيئاً.. وعظامه تشكو وهناً.. عجوز القلب.. هَرِمَ العقل.. لـ ينوب عنه من كان ينوب هو عنه.. لأنه أصبح ضعيف البصر والسمع.. بلا أسنان ولا لسان.. يحتاج من يأخذ بيده حتى يمشي.

إلى آخر الدائرة المفرغة.. وكان العجوز عاد طفلاً بشعر أبيض.

﴿اللَّهُ الَّذِي خَلَقَكُمْ مِنْ ضَعْفٍ ثُمَّ جَعَلَ مِنْ بَعْدِ ضَعْفٍ قُوَّةً ثُمَّ جَعَلَ مِنْ بَعْدِ قُوَّةٍ ضَعْفًا وَشَيْبَةً يَخْلُقُ مَا يَشَاءُ وَهُوَ الْعَلِيمُ الْقَدِيرُ﴾ [الروم: ٥٤].

قد جنّت الدنيا في عجلة.. وولدت في ٤ عجلات «ترولي».. وخطوت خطواتي الأولى في عجلتين «مشاية» أول هدية لي كانت «عجلة» بعجلتين.. ثم سيارة ب ٤ عجلات.. ودارت عجلة الحياة حتى توقفت عجلة الإنتاج.. فعدت أخطو خطواتي الأخيرة في كرسي بعجلتين.. ثم إلى الترولي أبو ٤ عجلات مرة أخرى.

وكان الحياة عجلة... عجلة تزق عجلة.. بنعيش على عجلة.. ونموت في عجلة.. فجأة تسرق ونقع من على العجلة.. خليك في عجلتك وسوق على مهلك وبلاش عجلة.

لأن الموت هو المونتاج الذي يأتي على شريط الحياة.. ليضفي عليها معناها ويجلي أهميتها.

وإذا عرضت شريط حياة أي حد منا.. سنرى أنه من لحظة ميلاده.. «نفسه يكبر» وكأنه أسير اللحظة ويريد أن يتحرر منها.. ليسجن في لحظة أخرى.

فـ عندما وُلدتُ «كان نفسي أكبر» حتى أكل وأشرب كما هو حال أي نبات.

ثم «كان نفسي أكبر» ثاني حتى أمشي وأجري وأقفز كما هو حال أي أرنب.

ثم « كان نفسي أكبر » حتى ألتحق بالمدرسة وأحمل حقيتي.. وفي الإبتدائي « كان نفسي أكبر » حتى لا أذهب إلى المدرسة.

وفي الإعدادية « كان نفسي أكبر » حتى اتخلص من ذلك الشنب الأخضر والصوت الأجهش.. أو أعتاد عليهما.

وفي الثانوية « كان نفسي أكبر » حتى أصبح طالباً جامعياً حراً قد « ذاكر عشان يرتاح بعد كده ».

وفي الجامعة « كان نفسي أكبر » حتى أجد وظيفة تأويني بعد أن اكتشفت أن كشكول المحاضرات اتلغى ولن أجد ما احتضنه.

وفي وظيفتي « كان نفسي أكبر » وارتقى حتى « أُكُون مستقبلي وأتجوز » ونسيت إن في الثقب الأسود لا يوجد مُستقبل.

وفي زواجي « كان نفسي أكبر » وأخلف لأني عرفت أن الزواج هو الثقب الأسود الذي يقضي على اليابس والماء.. (لاحظ أن كلمة « حتى » اختفت فلم تعد هناك طموحات بعد الآن).

وعندما أنجبت « كان نفسي أكبر » عشان ابني يكبر قدامي وأحشره معايا في عربة المترو وألف بيه على المحطات.

وفي كل محطة.. نُفاجأ بأن اللجنة ليست هنا.. فنعود لنكمل الطريق.

لحد ما عَجَّرت و.. ومبقتش أمشي وكنت بجيب ألبوم الصور ده واتفرج وأقول في سري « نفسي أصغر » ثاني ل أول صورة وريتها لك.. طب ل شنب اعدادي.. طب لصياغة ثانوي.. طب شقاوة الجامعة.. طب ليوم جوازي.. ليوم ما خلفت... لقيت العمر عدي بيا بسرعة وملحقتش.

كان كل همي «نفسي أكبر».. نفسي المرحلة دي تخلص.. طب ليه..
 ماتعيش سنك.. عيش كل لحظة.. اللحظة اللي راحت دي مبرجعش..
 دي بقى.. آية «يَا لَيْتِي قَدَّمْتُ لِحَيَاتِي» بتلخص كل اللي فات ده.. فجأة
 هتلاقي العمر راح. وأنت قاعد دلوقتي عمرك زي ساعة العد التنازلي
 .Countdown

ويخلص وشريط حياتك يعدي وتلاقي كل مرحلة كان نفسك تعديها
 لو كنت كبير تصغر ولو كنت صغير تكبر وأنت مدتش كل مرحلة حقها
 وتقول يا ليتني قدمت لحياتي.

الدنيا محنة.. وامتحان، لا يعرف الإنسان قيمتها ولا قيمة نفسه.. حتى إذا
 انتهت وانتهى الزمن.. وأعيد ترتيب النفوس إلى درجاتها..

وما يفضحنا هو الموت.. كالعادة، ما لا نملكه يكشف لنا ما نملكه.

الشيخوخة تفضح جمالنا.. والحرمان يكشف نفوسنا.

أنا ميت.. نحن نموت.. نموت معناوياً ومادياً.. أدبيا علمياً حرفياً، نموت.

نموت تدريجياً من لحظة ميلادنا.. حتى لحظة ميلادنا الأخرى.

كل نبضة وخفقة.. كل نفس وهمسة.. كل فكرة وذكري.. كل خطوة
 وهفوة.. هو قرش ينفذ من رصيدك، ينفذ من رصيد لا تملكه، ولا نعرف
 قيمته، ولا فوائده ولا بدلاته.. ولا يوجد تأمين ولا إيداع.

فما يذهب لا يأتي.. وما يقني لا يعود.

مثل خلايا المخ.. عددها محدود غير قابل للتجديد والتكاثر.

فنحن لم نخلق عبثاً.. ولم نرث الأرض والسموات ببلاش.. ولم يُنفخ فينا من روحه هباءً.. ولم تسجد لنا الملائكة بلا سبب.

﴿ أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ ﴾ [المؤمنون: ١٥].

فها هو أحسن تقويم مصيره الموت.. وبه سوءة وعورة.. يبول ويغوط ويمتخط ويقين ويمرض ويشيخ ويصيبه العلل ويتآكله التلف.. فيفني.

والشمس ما أن تشرق حتى تغرب.. ولا تنبت الورقة لتحيا إلا أن تموت غيرها.

الإنسان معجزة المتناقضات.. فإنه يحتوي على خالد.. ميت يشتمل على حي.. عبد حر.

جسده يُقيده، وروحه تحلق به، ونفسه تصهر الحديد، ويسوي الجبال بالأرض، ويشق الأنفاق.. فأعضاؤه تبدو في التشريح مادة يُمكن وزنها وقياسها.. والنفس لا يدركها ميزان ولا يحيط بها علم، لأن العلم كالحواس.. لا يؤمن إلا باللموسات، وما نراه تحت الميكروسكوب، وخلال التليسكوب، وما تلتقطه أقمارنا الصناعية، وما ترصده رداراتنا وكاميراتنا، وما نشخصه بالإكس راي، وما فوق البنفسج.

إن أكثر ما تؤمن به غيبي.. ولهذا سُمي الإيمان.. لأن الله علمنا الأسماء فقط.. وأمرنا بتعلم المُسميات.

﴿ وَعَلَّمَ آدَمَ الْأَسْمَاءَ كُلَّهَا ﴾ [البقرة: ٣١].

العلم مش إنك تقفل شرنقتك على نفسك وتقع مستني الوحي ينزل عليك.. لأن العالم الحقيقي هو التلميذ المتواضع العاكف على المتحف الرباني، العابد في محراب جمال الطبيعة.. ومملكة الكون وملكوت الله.

فالعالم متوارث.. نتلقاه من الله.. الذات الأعلى.. أو من الأكابر والعلماء الذين تلقوها من الذات الأعلى.. فالله هو المُعَلِّم الوحيد.

﴿ قَالُوا سُبْحَانَكَ لَا عِلْمَ لَنَا إِلَّا مَا عَلَّمْتَنَا إِنَّكَ أَنْتَ الْعَلِيمُ الْحَكِيمُ ﴾ [البقرة:

٣٢].

﴿ وَلَا يُحِيطُونَ بِشَيْءٍ مِّنْ عِلْمِهِ إِلَّا بِمَا شَاءَ ﴾ [البقرة: ٢٥٥].

﴿ وَمَا أَوْتِيْتُمْ مِنَ الْعِلْمِ إِلَّا لَيْسَاءً ﴾ [الإسراء: ٨٥].

نحن نمدح العالم.. ونهاب القوانين.. ونبجل واضعها.. ونسي خالقها!
فلا تبرر كسلك للعالم بـ بُعْبُعِ الروتين.. وتقتن الإمكانيات.. وفقر
الماديات.. فالعلم في الكتب وفي المكتبات.. وهي الآن أرخص ما يكون..
بل مجاناً.

هات ورقة وأنا أوريك..

لو شعاع الشمس على حدة الأرض دي كان بينزل عمودي النهاردة..
وبكرة نزل على الأرض نفس الشعاع بس بميل.. ده معناه ايه؟

- إن الأرض بتلف!

حلو.. طب لو الشعاع على حدة الأرض دي كان بينزل عمودي.. وفي
أرض تانية بينزل بميل في نفس الوقت!! ده معناه ايه؟
- إن الأرض مش مُسطحة.. مُحدبة.. يعني كروية.

و بمعلومات بسيطة زي إن المسافة بين إسكندرية وأسوان حوالي ٨٠٠
كم.. وفرق ميل شعاع الشمس بين إسكندرية وأسوان ٧,٢ درجة.

٨٠٠ كم فرق المسافة ~~٧,٢ فرق الميل~~
 ٤٤٤ محيط الأرض ~~٣٦٠ محيط دائرة~~

$$\text{محيط الأرض} = ٧,٢ + ٨٠٠ \times ٣٦٠ = ٤٠٠٠٠٠ \text{ كم}$$

بمعلومات بسيطة وطريقة المقص الي خدناها في إبتدائي.. لفيت المتر على
 كوكب الأرض وقيسته.. وأنا قاعد مكاني

نجرب ثاني..

الشهر الهجري ما بين ٢٩ و ٣٠ يوم.. يعني متوسط (٢٩ + ٣٠) = ٢٩,٥ يوم

يعني السنة الهجرية = ١٢ × ٢٩,٥ = ٣٥٤ يوم

والشهر الميلادي ما بين ٣٠ و ٣١ يوم.. يعني متوسط (٣٠ + ٣١) = ٣٠,٥ يوم

يعني السنة الهجرية = ١٢ × ٣٠,٥ = ٣٦٥ يوم

يعني الفرق = ٣٦٥ - ٣٥٤ = ١١ يوم

يعني في ٣٠٠ سنة.. هيبقى الفرق ١١ × ٣٠٠ = ٣٣٠٠ يوم

يعني ٣٣٠٠ + ٣٦٥ = ٩ سنين تقريباً

ودي المدة اللي مكثها أهل الكهف في كهفهم.. ٣٠٠ سنة شمسية.. زادت

بالحساب القمري ٩ سنين.

﴿وَلْيَسِّرْ لِي كَهْفِيهِمْ ثَلَاثَ مِائَةٍ سِتِينَ وَأَزِدْهُمُ آتِسَعًا﴾ [الكهف: ٢٥].

ومن منا لم يصل إلى نظرية في يوم ما.. وصرخ.. أنا عالم.. أنا عبقرى..

توصلت إلى أن: في مثلث قائم الزاوية، مربع طول الوتر يساوي مجموع

مربعي طولي الضلعين المحاذيين للزاوية القائمة.

وهي في الحقيقة.. نظرية فيثاغورس.. وكل ما فعله أنه جرب أكثر من مرة، وتدبّر وتأمل، وعكف على التفكير.

في ظروف ثانية كان ممكن تتولد قبل فيثاغورس.. وتوصل للنظرية دي وتبقى أحمداغورس.. صح؟

لأ..

عشان إحنا بنخاف.. بنخاف من كل حاجة وأي حاجة، بنخاف نقول.. بنخاف نسمع.. بنخاف نفكر.. بنخاف نفتكر.. نكتشف.. نتكشف.

بنخاف نحلم، يطلع وهم.. نتمني، يطلع سراب

لو جاتلك فكرة.. بتخاف تقول، هيقولوا عيبط.. شايف نفسه.. خليني ساكت.. مليش دعوة.. كان غيرك أشطر.

فعلاً.. كان غيرك أشطر، وبقي أشطر وأشطر.

بنخاف نفكر.. وخصوصاً.. لو في مواضيع غيرنا خاف يفكر فيها.. بنخاف نتناقش، أو مبنعرفش نتناقش.. فبنخاف.

الفكرة بتتولد خايفة.. وتموت هربانة.

الفكرة زي الذرة.. حوالينا طيارة.. كل يوم بنتنفسها.. بتخرج وتدخل عادي، قدامنا طول الوقت.. إحنا مبندورش على الفكرة.. الفكرة هي اللي بتدور علينا.. على الشخص المناسب اللي يستحقها

الفكرة لا تفنى ولا تستحدث من عدم

= بس دي بناعة نيوتن!

المدينة الفاضلة

مدينتي الفاضلة

جئت إليك اليوم وبين يدي أتمن ما يمكن أن يقدمه
إنسان.. لأضعه بين توليفة عقول وتشكيلة عباقرة
ومجموعة جهابزة.

لا لمر أفقد عقلي.. بلى فقدت عقلي، حرفياً فقدت عقلي.. وهو شعور
غريب أن أتمسس تجاعيد ذلك الذي أرهقني تفكيراً وأرهقته علماً وأرقني
ليالي.. وصدّعته نهراً.

وما هو أصعب وأنا أقص حبلي الشوكي.. شعرت وكأنني أقص حبل
أفكاري، وأنا أحنط لحم مخي الطازج.. جمّدت معه أفكارني البكر.

أمسكت بشراييني وأخذت أفرغ الدم منها.. وأفرغت معها سيلاً من
الأحاسيس الدافئة والمشاعر المتجلطة، وأخذت أسلخ أغشيته وأخذت
ذكرياتي تنسلخ معها.. قطرة قطرة ولحظة لحظة.. ثم هممت أحقن مادة
الحياة في سر الحياة الميت.. ببطئ.. لأوقف تحلُّل ما بقى منه.. فتسكت معها
خواطري وتسكن معها الآلمي إلى الأبد.

المخ يغوص بين أحضان سائل شفاف.. ويغوص معها مستقبلي تحت
أعماق سواد جهل علمي.

وما العجيب وما المؤسف!

وأنتم تفعلون هذا كل يوم وكل لحظة ..

ولا ألومنَ نفسي أبداً.. فما أردت إلا أن أمنعكم من نخبشة عقولكم
في قوالب زجاجية.. قوالب تعزل الصوت والضوء والفكر والتحضر
والتساؤل.. حتى الهواء

عقولكم تعفنت!

كان يجب أن أستأصل الشر من جذور أفئدتكم.. وقد فعلت، ودفعتُ
ثمن فعلتي عقلاً.

فكانت الثمار.. مدينة فاضلة، مدينة كل من فيها ناجح.. عاقل متعقل..
لا يعرف إلا الخير والعلم والعمل.. كل من فيها شريف عفيف.. يسعى من
أجل السعي.. يعشق رائحة العمار.. وتراخي جفونه من الرخاء، فلا تنام..
إلا وقد أدت ما عليها.. ووصلت إلى حد الكمال

لا صراع ولا جهل ولا همجية.. ولا شيخوخة ولا مرض ولا نقص.. لا
عنف لا فقر لا شر ..

لا شيء..

سوي المدينة الفاضلة ..

وها أنا وقعت في جهل علمي مرة أخرى.. فنسيت أن التفاضل لا يأتي إلا
بالتكامل.

فالطبيب لن يداوي أصحابه، ولكن سيداوي جرح بطالته.. فلن تطيب..

والشرطيون لن يقبضوا على أبرياء، ولكن سيقبضوا على طموحاتهم.. فلن يجدوها.. والمهندسون لن يرموا العمران، ولكن يرمون أحلامهم بخيوط من سراب.. والقضاة لن يحكموا على الفراغ في الأقفاس.. ولكن حكموا على أنفسهم بالسجن المؤبد في أقفاص الفراغ.. ومجاري الصرف لن تصلح ذاتها.. والحرائق لن تطفى نفسها.. والقمامة لن تلقى بنفسها إلى التهلكة.. إذا ترفّعنا عنها.

فكان ولا بد من الشر.. لا مفر منه.

سنة الحياة.. وكافة ميزانها الثاني، والوجه الآخر للعملة.

فلا بد من المرض والشيخوخة والموت، ولا مفر من السم والعفن والميكروب، ولا سييل من دون الزلازل والبراكين والأعاصير.. فالبراكين هي بوابة كنوز الأرض.. فهي كما تقيئ حممها، تفرز معادنها، وهي في الأصل جبال.. مسامير وثقالات تحفظ الأرض من أن تميد، والزلازل هي تنفيسة الأرض عن الضغط الزائد في باطنها.. لتحمي ظاهرها وتحفظ قشرتها.

ومن المرض تنشأ المناعة.. ومن الشيخوخة عرفنا الصحة وقيمتها.. ومن السم تأتي بالترياق.. ومن الأعاصير تتلقح الزهور ومن العفن نشق البنسلين.. ومن الميكروب ننتج الإنسولين.

حتى في الموت منافع.. ورث لمن بعده.. ومناصب لمن يخلفه.. ومن الموت عرفنا إكسير الحياة.

وبأضدادها عُرِفَت الأشياء.

﴿ كَتَبَ عَلَيْكُمُ الْقِتَالُ وَهُوَ كُرْهُ لَكُمْ وَعَسَىٰ أَن تَكْرَهُوا شَيْئًا وَهُوَ خَيْرٌ

لَكُمْ وَعَسَى أَنْ تُحِبُّوا شَيْئًا وَهُوَ شَرٌّ لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ ﴿﴾
[البقرة: ٢١٦].

حتى الحروب.. فهي كالبركان ما أن تهبج بما فيها.. حتى تهدأ.. وتفرز هذنتها.. وتعقد اتفاقيتها.. وأثناء فترة حمل الحروب.. تنجب عقول العباقرة معظم اختراعات العصور.. ومن مشقات الحروب تنجلي معادن الرجال.

﴿وَلَوْ لَا دَفَعُ اللَّهُ النَّاسَ بَعْضَهُمْ بِبَعْضٍ لَفَسَدَتِ الْأَرْضُ﴾
[البقرة: ٢٥١].

فالشر عَرَضٌ مؤقت زائل.. يخلف خيراً كثيراً.

فما رأيك.. بعريس تصدمه سيارة في ليلة زفافه.. لتهرس كليته اليسرى.. فيقضي الشاب باقي عمره.. ذا كلية واحدة.

لماذا هذا الشر كله؟! ماذا فعل يستحق به هذا؟

فتأتي نتيجة التحاليل.. بالكشف عن سرطان خبيث.. في أوائل بدايات مرحله.. قد بدأ يكشر عن أنيابه.. ومن المعروف أن سرطان الكلى صامت.. يقتل على نار هادئة.

لماذا كل هذا الخير؟! ماذا فعل يستحق به كل هذا؟

﴿فَمَسَىٰ أَنْ تَكْرَهُوا شَيْئًا وَيَجْعَلَ اللَّهُ فِيهِ خَيْرًا كَثِيرًا﴾ [النساء: ١٩].

هذا لأن الدنيا رواية.. والآخرة فصلها الأخير.

فالعيوب التي نراها نحن عيوباً.. هي في الحقيقة تكامل للصورة الكلية.. لأن كل منا بداخله شر.. الشر جزء من إنسانولوجيتنا.

ف الإنسان ليس حاصل جمع الجينات.. وتوازن الشخصية في مجموع صفاتها.

بل لو وضعت حيواناً أمام المرأة.. لرأيتَه يتعارك مع انعكاس صورته!
﴿ كُلُّ نَفْسٍ ذَائِقَةُ الْمَوْتِ وَنَبَلُوكُم بِالشَّرِّ وَالْخَيْرِ فِتْنَةً وَإِلَيْنَا تُرْجَعُونَ ﴾
[الأنبياء: ٣٥].

﴿ وَقَفَّسَ وَمَا سَوَّاهَا ﴿٧﴾ فَأَلَمَهَا فُجُورَهَا وَتَقْوَاهَا ﴾ [الشمس: ٧-٨].

بل أن نقص الكون هو عين جماله.

وفي إعوجاج الضلع حُنو على القلب.. وفي إعوجاج المرأة حُنو على رجلها.

وفي إعوجاج القوس قوته.. ولو استقام ما رمى.

وتحت الجليد تمكُن الحمم وتغلي.. وتحت الخضار تنصهر المعادن..
وتحت الرماد.. نار تغيظ.

ولكل خير شره.. كما لكل داء دواؤه.

فالحديد يصدأ.. والحريز يبلى.. والورد يذبل.. والنبات له حشرات..
والحشرات لها ملاقيطها.. والطيور لها ممسكيها.. وكل حيوان فريسة لغيره..
والعين لها رمدها.. والأنف زكامه.. والأذن صممها.. والأسنان سُوسها..
وللجلد سُكَّانه من الطفيليات.. وللشعر زواره.. وللأمعاء ديدانها.. وللدم
ضغطة.. وللسكر خلله.

بل أن بداخل كل تجويف من هؤلاء.. تستوطن معاشر البكتيريا

والميكروبات متأهبة لحظة الخروج.. لتدعو من تبقى من قبيلتها ليتلذذوا في تحلله.

ومن صداع لقراع.. وبين صلح وهلع.. وزرع وقلع.. وبني وهدم.. ومحيا وممات.

الإنسان يمرض فيشيخ فيموت فيفني.. يُدفن وتُدفن معه شروره.. فتطرح من بدنه ذرية صالحة.

وخلق الله الشر.. ولن يمنعك منه.. ولر يأمر به.. ولكن سمح به.. وجعل به حكمة.. ومنه عظة.. وفيه تذكرة.

فلا تنظر إلى ما أخذ منك.. وانظر إلى ما بقى لك.. وارضى بما قسمه الله خيره وشره.

فإذا ألقينا شرورنا في صندوق.. وأطلعنا عليها جميعها.. لارتضى كل منا بـشْره.

رسالة إلى نفسي

ل تعلم كل نفس..

أن كل ما حولك.. من إنسان، حيوان، جماد.. حتى أنت نفسك.. مش بتاعك، دي عناصر ربنا بعتها لك.. قوة من عنده.. أي حاجة في حياتك.. عنصر مترجم.. زي برجة الكمبيوتر.. وحدة إدخال.. برجة.. وحدة إخراج.

مخك اللي أنت فاكره مخك.. هو أمانة عندك، وأنت حاطة في درج العضم

اللي فوق ده.. مبتستخدموش، راكنه على الرف.. شغال بكهرباء مبتقطعش، وجلوكوز وشوية كيمياء صعبة.. وأنت مش حاسس بحاجة.. دي قوة من عند ربنا.

حركة صوابي وأنا قاعد بكتب الكتاب، وحركة عينيك وأنت تقرأ.. ثم ترجمة مخك في أجزاء مجزئة من الثانية.. لا تملكها.. دي قوة من عند ربنا.

شوية الأكسجين اللي ربنا يبيعتهم لك من تحت عقب الباب وأنت قافل بالمفتاح.. عشان تعصيه، ومش مكسوف وهو شايفك.. قوة من عند ربنا.. ويمكن في نفس الأجزاء من الثانية.. يقطعه عنك.

النعمة (وحدة إدخال).. أي نعمة من حب، جمال، عطاء.. ربنا بعتهالك في شكل صور مترجمة (برمجة).. من شخص، فلوس، نفوذ.. وربنا بيستني رد فعلك (وحدة إخراج) من شكر، عبادة، عمل، إحسان.. كلها دواير مُفرغة جوه بعض.. زي اللي كنا بنرسمها بالبرجل في هندسة ه إبتدائي.

يا نفسي ..

أوعى تستقل بنفسك أبدأ.. أو تستقل بحاجة بتعملها.. مهما كانت صغيرة.. في يوم هتلاقي لها لازمة..

متناساش في يوم أنك كنت في ضلمة وسط ملايين.. وأنت بس اللي قدرت ووصلت لهدفك، وبعد ما كنت نطفة لا تذكر.. اتشعبت في الدنيا وبقيت ما شاء الله علقّة، ومسكتش وبقيت مُضغّة.. حتة لحمه طرية.. نشفت وبقيت عظمة، وانتصرت على ملايين ملايين غيرك.. وأنت دلوقتي اللي قاعد تقرأ الكتاب.. وهم لا.

متناساش إنك استحملت ٩ شهور في مكان واحد مفهوش نت ولا نور ولا كهرباء ولا فلوس.. وبالنسبة للبنات مفهوش مراية.. متناساش إنك فضلت أكثر من سنة نايم على ظهرك.. ومن واحد شايلك.. لواحد بيقولك كلام افريقي وتعاويد «اختي ثمالا خلاثي» وأنت رافض تتكلم.. وبدأت تزحف عشان توصل للي أنت عايزه.. اتخبطت مرة وقُمت.. وقعت وحاولت.. زهقت ومشيت.. وجريت..

متناساش إن ليك بصمة لوحذك.. حاجة Unique حاول تسيبها.

ال DNA بتاعك محدش عنده زيته.. و ٨٠٪ منه محدش عارف بيعمل ايه.. غير جسمك..

نفسك تعبت معاك أوي.. فمتجيش عليها أكثر من كده.

ومتناساش إنك إنسان.. كان ممكن في يوم تكون قرد محبوس في قفص وسط زيه كثير.. والناس بتعدي عليه ترميله شوية موز وسوداني.. وبقشره!

ومتعرفش إن الموز فيه بوتاسيوم كثير.. ممكن يعمل Arrhythmia.. أو مشاكل في القلب.. أو إن القرد أصلاً مش بيحب الموز.

أنت أحسن من كائنات كثير.. مقولتش ابقى مغرور واتكبر على الناس.. بس اعرف قيمة نفسك وادبها حقها.

وخليك إيجابي..

لأن كل واحد منا شخصية متفردة يتميز بها مثل بصمة إصبعه.. لا يوجد إنسان عادي.. لا يوجد نموذج إجابة، وإنما كل واحد موديل مُبتكر.. نمط فريد.. نسيج لوحده.. ليس له شبيهه.. ولا يوجد له توأمه..

فلا یخلق الله من الشبه أربعین، وإنما توجد فروق.. في لون بشرة.. في نظرة.. لفتة.. تنهيدة.

نعم، كلنا أصل واحد.. خامة واحدة.. من طین واحد، لكن لكل شخصية مبتكرة فريدة فردية.. وخاصة بصاحبها.. بذرة عبقرية تحتاج لموقف ينميها..

والعادي عادي في وجهة نظر صاحبه.. قد لا يكون به ما یوقفنا.. ویوقف غيره.. قبل أن یكتشف العبقری بذرتة.. كان عادياً في وجهة نظر نفسه.. ومن حوله والسر في ذلك أن اكتشاف البذرة ليس هیناً.. بل هو أصعب من إكتشاف بذرة في حقل ذرة.. والأمر یتدعي المحاولة والمثابرة.. مثل اكتشاف النار.. لا نصل إليه إلا بالاحتكاك والاصطدام بما حولك.

والفرق بین اینشتاين وعامل النظافة هو أنه اكتشف بذرتة.

ثیق أنك موهوب، وأن الله قد خصك بشئ، وأنك لا تشبه غيرك من الناس.. لأنه لا فائدة من التكرار، ولا جدوي من التناسخ.. وإنما جئت إلى الدنيا ناجحاً لتكشف ما یميزك.

كلنا ناجح من أول يوم.. من أول رشفة أكسجين وقطرة ماء، وصرخة بكاء.. لا ینقصنا إلا أن نتم نجاحنا.. ونكمل ما بدأنا.

الفاشل فاشل عشان یخاف.. مش یخاف من الفشل.. یخاف من «فاشل».. من كلام الناس.. بالرغم إن مفيش إنسان ناجح.. مكش فاشل..

ما تخفش من الفشل.. ولا تخاف یتقال عليك فاشل.. ده لو الناس إتفقت عليك وعلى نجاحك.. إعرف إن فيك حاجة غلط.. وإنك فاشل.

الصاروخ عشان يطير.. الأول محتاج حماس.. شُعلة تولّع غاز.. يطلع هواء كافي إنه يادوب يرفعه من على الأرض.. واحدة واحدة.. يبدأ يواجه صعوبات؛ صعوبة إنه مصنوع من معدن ثقيل جداً (صعوبة إمكانيات).. صعوبة إن كل ما تتطلع فوق.. الجاذبية تزيد وتشدّه لتحت (أعداء النجاح).. صعوبة إن الأكسجين قلّ مع كل متر يطلعه.. والحماس قلّ.. والتشجيع كمان قلّ.

عشان يكمل.. بيضحى بنفسه.. بيتخلص من أجزاء من جسمه.. كل ما يقرب، يبعد.. فيه صاروخ ٣ أجزاء.. وفيه صاروخ اتنين.. أنت ورزقك.. يبدأ يرمي الزعانف والقاذف الشرعي والجسم الأسطواني اللي في النص.. بيوصل إنه يرمي المحرك!.. تخيل!!

النجاح مش بالساهل.. إنك تنجح بس.. ده فشل في حد ذاته، لأن النجاح زي الحياة.. يقتدي استمرارية.

لو عشت يوم واحد ومُت.. يبقى أنت عايش؟

النجاح إنك تنجح كل يوم.. أنت مهما كنت ناجح مش هتبقى صاروخ!، ده حتى الصاروخ بيضحى..

لازم تضحى وتيجي على نفسك.. تتغلب على وزنك ومعدنك الإنساني وجاذبية الفشل وتحافظ على شرارتك الصغيرة

هيجيلك يوم هتبقى يدوب مخروط أمامي من غير محرك.. عايم على سجادة سوداء من غير جاذبية.. لا أنت عارف تتقدم ولا قادر ترجع ثاني تجيب اللي راح.

ساعتها متنساش إن النجاح هو إنك بعد ما تفشل تكمل نجاح.. لأن
الفشل نجاح مُتَقَطَّع.. الناجح في عمله يراه البعض فاشلاً في حياته.. والمتفائل
يراه البعض عبيط وأهبل.

ولو رسمت + على ورقة بيضة.. وسمعت رأي الناس.. هيكون:

- ده حرف t بس خطك وحش ومش باين.

- ده علم هيتلر.. باين جداً بس محتاج يتظبط شوية ويتلون أحمر.. بس
رسمك مش حلو.

- ده صليب.

- ده بروتون.. شحنة زائدة من الكهرباء جعلت العنصر يفقد إلكترون
بالتبادل.. وأصبح عنصر نشط.. ده هيدروجين مُفَعَّل بالطبع.

- ده زائد.. عمليات حسابية، جايز يكون ناتج عن إلقاء سالبين.. أو
ممکن قصدك صفر زائد صفر مثلاً... لا استني.. ده واحد؟! لا، سوري
دي شعرة

- بص ده واحد ييلعب ميدل أوف أونر.. وده المؤشر اللي بينشّن بيه.

- لا ده واحد غرس مَثَك في الورقة ف عمل الشكل ده، يعني لو خدت
مقطع في المفك هيطلع الشكل ده... بس يكون مفك صليبية.

ها شوفت؟

مفهمتش بردو؟ ... هو أنا فاشل بجد ولا ايه ... ده طلع ايه في الآخر

يعني؟

زي ما أنت شوفت الناس عمرها ما هتتفق على حاجة ولو اتفقوا على حاجة.. قولي عليها عشان اختلف معاهم، من الآخر يعني... دي ورقة بيضاء.. الناس سابوا الورقة البيضاء الكبيرة وبصوا على + السودا الصغيرة
 أااااااه.. مفهمتش بردو.. خدعة بصرية؟

يعني الناس هيسيوا كل الحلو اللي فيك.. وبيصوا على الوحش.. ينسوا كل النجاح بتاعك وبيصوا على النص درجة اللي نقصتها.

ولماذا؟

أصبحنا نشبه أقلام الرصاص..

بتتغير مع الوقت زي سن القلم بتتشكل.. في الأول يبقى سن رفيع بس بعد كده بيتخن لحد ما يبقى «تِلِم».. والدنيا تبوظ، وممكن يكتب خطين فوق بعض «بوشين» بنحتاج موقف جامد زي البراية الحديد.. يرجع السن رفيع تاني.. بس المرة دي مع شخص تاني.. ونقطة ومن أول السطر.

ومع الوقت وكُتر البري «المواقف»، القلم يفضل يقصر، والسن «العمر» بيتقصف، ويخلص ويموت.

فيه أقلام أصيلة في آخرها أستيككة لما تغلط تمسح غلطها وتأسف.. دي أقلام غالية ومبقتش موجودة.

بقينا عايشين في مقلمة كترت فيها الأقلام الجاف والبراجل..

ويا بخت من له صاحب أستيككة تصصح له غلطه، ويا ويل من اللي قلمه

حبر لما يغلط يطفح.. صاحبك مسطرة أو أستيكة وفكر قبل ما تكتب..
وخذ بالك قبل ما السن يخلص أو يتقصف.

بقينا زي ء كوبايات فيها سائل شفاف.. سكر وملح، خل ومياه.
من برا بيانوا مياه.. بس من جوالا.

زي البني آدمين.. نبان من برازي جوا.. فيه المملح والمسكر والمخلل،
واللي معدنه طيب، واللي طبعه غلاب، لأن النفوس مش زي بعضها.. والناس
لا يشبه بعضها الآخر.

وها قد رأيتني اختلف عن توأمي.. بل اختلف عن نفسي، فالنفس غير
النفس في زمان آخر.. ومكان غير ما كان.

تشكل صلصال كلانا.. فانقسمنا إلى خير وشر.. مثل قايل وهابيل،
ولكن من نفس الشريط الوراثي.. في بدن واحد.. وسحنة مشتركة.

﴿ إِنَّا هَدَيْنَاهُ السَّبِيلَ إِمَّا شَاكِرًا وَإِمَّا كَفُورًا ﴾ [الإنسان: ٣].

وها أنا أنتظر غراباً ليأتي ليعلمني كيف أوري سوءة أخي.. بل سوءة
نفسي.

لـ تلقى إلى ورقة كتب فيها :

« المدينة الفاضلة بداخل إنسانولوجية كل منا.. والعلم لا يكبحه إلا
ال... ».

إلا ماذا.. أجبني.. أجبني يا أنا.. أجبني يا عقلي !!

الآن عرفت لمن كانت تلك المدينة التي رأيتها في المستقبل.

ثم سمعت إجابة اللغز تأتي من بعيد :

افتح مصحفك.. على سورة «القلم» رمز العلم..

وتأمل الكلمة الثالثة في الآية الرابعة..

وتساءل لماذا لم يبدلها الله بكلمة «علم»..

وقتها فقط ستعلم ما يكبح العلم..

ثم تتبععت الصوت حتى دخلت كهفاً.. فوجدت زحاما من أشياء لم أرى

مثلا من قبل....

واقرا معي الكتاب من الأول.

شقریات

- تعمّدت أن تكون اللغة سهلة والأسلوب بسيط.. لأنني لا أكتب للمتقنين.. ولكنني أكتب ليزيد المثقفين واحداً.
- اللي يميزك عن باقي الكائنات هو الخيال وصحابه في المركز إياه اللي في الجبهة.. فلو عشت حياتك كلها تاكل وتشرب وتسمع وتشوف وقلبك يدق وتنفس وقلبك يدق وبغرايزك وعواطفك وشهواتك وروتينك الطاغي على كل ده.. ولغيت «ميزتك» في الخيال وصحابه.. فأنت نملة! مع احترامي للنملة اللي أحسن منك في حاجات ربنا إداها لها.. أنا وأنت وغيرنا منعرفهاش.
- إنها النسبية.. الإنسان أمر نسبي كما هو الزمكان.. (الزمان والمكان).. شأنه شأن كل شيء في الكون، بل الكون نفسه نسبي.
- بس جايز لو كان نظرنا إكس راي أو أشعة فوق البنفسجية.. كنا شوفنا بعض من جوه.. هيا كل وهواء.. أبيض وأسود.. من غير ما نشوف الجمال النسبي.
- من الذكاء إنك تجمع الشيء ونقيضه.. لأنه أمر نسبي.. يكاد يصل إلى حد الكمال.. وكون إنك تثبت نظرية صحيحة كاملة ١٠٠٪ بمعادلاتها وإثباتاتها.. وترجع تثبت عكسها.. فده قمة النجاح.. لأن مع تغير الظروف... تتغير النتائج.

- «الإنسان أوضح شيء نسبي.. فهو أوضح من الزمان والمكان.. فإنها النسبية كما يجب أن تكون».
- فـ عجباً.. فـ «الإرتقاء إلى القمر أيسر من الإرتقاء بالأخلاق!.. وكان السفر إلى القمر ليس بصعود.. بل هروب»، فليس هناك كذب مُلون.. فـ الكذب أسود.. حتى يليق بنا.
- خليك سفنجة! لو قطعتها فتافيت صغيرة بـ إبرة.. وطحنتها وفرمتها بشاكوش.. وعصرتها في قماش ثقوبه صغيرة.. وصفيتها في مصفاة ثقوبها أصغر من القماش.. الذرات اللي اتبقت من كل التقطيع والطحن والعصر ده.. كل نقطة منها هتكبر تاني.. وتكوّن حيوان الإسفنج زي ما كان.. وكان مفيش حاجة حصلت.
- جايز مشكلتك تفاحتك.. وأنت نيوتن
- خلاصة الكلام.. لو قلمك الرصاص اتكسر نصين.. ابري النص الثاني.. هيبقى معاك قلمين.
- فليست كل النهايات نهاية.. إذا جعلتها أنت بداية.
- أليس الاستغفار آله زمن! أليس الاستغفار.. تكفير ذنوب وتصحيح أخطاء.. أليس عودة إلى الماضي ومحو خطايا من عقود بالاستغفار نسافر عبر الزمن.. عبر الماضي والمستقبل.. فـ الاستغفار آلتنا الزمنية.
- واللي بنتخيل إن إحنا نسيناه.. موجود.. وب يظهر فجأة في لحظة غضب، أو مع طعم دمة نزلت من عينيك، أو فنجان قهوة، أو حلم، أو زلة لسان، أو خطأ إملائي في إمتحان...

□ محاولة الخروج عن المألوف.. في حد ذاته شيء مألوف.. فهي مجرد محاولة.. ف الخروج عن المألوف.. لا يتطلب محاولة.. يتطلب عبقرية.. بل هو العبقرية. احترم عقلك!

□ طيب ما لسه في فرصة! ولو دقائق في فيديو.. ياما ساعات عدّوا علينا دقائق.. وياما دقائق كانوا ساعات! فدقيقة تسوى ساعة وسنة لو ليها قيمة ونية سليمة.. والساعة دقيقة.. لو نائمة وزيّها زي غيرها مش دائمة.

□ البقاء ليس للأقوى.. والبقاء ليس للأصلح.. ولا للأجمل.. ولكن البقاء لله.

□ هل أصبحنا طرزان!.. هل أنا انسان أم حيوان.. هل كنت انساناً وتحوّلت قرداً.. أم كنت قرداً واتسخطت إنساناً.

□ العقل هو أخطر شيء موجود على وجه الأرض.. فهو أقوى من العضلات وأصلب من الدبابات.. فهو الذي فجّر قلبته النووية وهو الذي أبطلها.

□ ولنا في الأحلام خيال! ولنا في الخيال حياة!

□ لما تصحي من حياتك.. تهتس نفس إحساس لما تفوق من حلمك.. بس الفرق، إن الحياة هي الحلم الوحيد اللي تقدر تتحكم فيه.. وعشان كده هتتاسب عليه.

□ الحلم فكرة.. والفكرة لا تفنى ولا تستحدث من عدم.. ولكنها تنتقل من عقل إلى آخر.

- الفكرة شجرة.. اسقيها تكبر.. انساها تموت.
- الفكرة كالمطر.. ولكن تهطل من الأرض إلى السماء.
- الخيال إنساني بحث بكل ما تحمل الكلمة من معنى.
- الطفل يرى أحسن مما نرى.. وبراءته هي أعمق من تفكيرنا.. لأنه يسأل أسئلة وجودية لا تخطر ببالنا.
- فد النفس أمارة بالسوء إلا من رحم ربي.. وهي مطمئنة في أحسن أحوالها إذا ما صادقت الروح.. وهي ما بين ذلك وذاك.. لواقمة.
- وبين صراع النفس والروح.. نشأ الضمير.
- إن الضمير هو «البوصلة» GPS يحدد الطريق الذي وصلت إليه نفسك بأخلاقتها.
- الضمير هو الذي يرجح كافة الميزان.. ميزان الروح والنفس.. فهو يجلو صدأ النفس لتشف نور الروح.
- آلام النفس فلا تشفيها أجزخانات العلم.. ولا ترويضها عقاير الطب.
- فد أنا لست هاتفاً عطبت شاشته.. أو جهازاً سقطت نسخة ويندوزه.. لست بـإلكترونيات تتقاذف على قطعة زجاج، فتعكس ألواناً تضيء في عين من يراها.
- الرزق مش بس فلوس.. الرزق ممكن يكون حكمة، علم.. صحة، منصب.. ذكاء، جمال.. موهبة، أخلاق.. طلاقة لسان، إنسان.. حب، وأجمل رزق وهو دعوة.

- فرزقك موجود ومقدر قبل أن تُولد.. بل قبل أن تُوجد.
- قد يكون في رزقك رزق غيرك.. وقد تكون أنت في حد ذاتك رزق غيرك.
- توزيع الأرزاق بحكمة هي حكمة لا يعلمها إلا الحكيم.. وتوزيع الإبتلايات برحمة هي رحمة لرحمة لا يقدرها إلا الرحيم.
- رزقك هو الرزق الوحيد المناسب لتوزيعه حياتك.. وكل ما عليك هو السعي.
- إن طلبت رزقك، جاء إليك.. وإذا أتقنت، سعي إليك.. وإن سعيت، بُورك لك.
- الرزق يطلبنا كما نطلبه.. والله يرزقنا ولكن لا يطعمنا في أفواهنا.
- إن لم تسع.. فلن تنال رزقك.. وإذا سعيت نلت رزقك.. وهذا مكتوب وذاك مكتوب.
- كأن الثابت الوحيد هو التغيُّر.
- إن كان خلقك كعدمك.. وحياتك كماتك.. لما خلقك الله.
- فليس الخير ما تهواه.. وليس الشر ما تهابه.
- فأنت مُسير حتى تعلم.. ومُخير حتى تفهم.
- خلقك الله وعظمتك وأعلى شأنك.. ونفخ فيك من روحه وأسجد لك ملائكته.. فأنت عظيم! عظيم في نفسك.. عظيم عند ربك وإذا ظلم عظيم عظيمًا.. تدخل الأعظم، ولأنه الأعظم.. فحسابه عظيم.. وعذابه أليم.

- مريضنا فشعرنا فشكرنا.
- عذاب الدنيا رحمة.. وتخفيف عن عذاب أشد.
- أنت كسر من الواحد.. يتوحد لوحده ليصبح واحداً.. محدش شبهك.. أنت حرف.. أنت سطر.. أنت آية من الوجود.
- نحن متساويين في شيء واحد.. نتساوى في إختلافنا.
- وكما خلقنا درجات.. نموت درجات، ونبعث درجات.. ونحاسب بدرجات.. فالجنة درجات.. والنار أسوء الدرجات، والظلم هنا أن تتساوى تلك الدرجات.
- فلا تتساوى كلمتان.. ولا يوجد شيء في الدنيا له مثيله.. ولو وُجد لما وُجد.
- فكل مرفوع ومرفوع عليه.. مرفوع بما تميّز فيه ومرفوع عليه فيما لا يعقله من صفات أخرى تميّز بها غيره.
- بما أن الناس أرقام.. ففي ناس فوق المقام.. وناس تحت المقام.. وناس أس الفساد.. وناس زي اللوغر يتمتات.. وناس نسيت جذورها.
- الحياة دايرة مفيهاش أضلاع.. كلنا نقط بنكمل بعض عشان نرسم الدائرة.
- مجموع كل إنسان يساوي مجموع كل إنسان في سياق قانون التفاضل والتكامل.
- الدنيا من فوق شكلها أحلى.. بدون صوت.. بدون جمال.. الناس كلها

سحنة واحدة.. هياكل ماشية تزق بعض واحد ورا الثاني.. إلى مقبرة الحياة.

□ ما أن تملك الشيء حتى يذهب سحره.. ويسيل لعابك على غيره.

□ الغني غني أغلي ما يملكك الإنسان.. غني النفس.

غني يُغني عن غني كل ما سبق.. غني يُغنيك.

□ إن العمر ثلاثي الأبعاد.. له طول وعرض وعمق، فطول العمر مقدور أجلاً.. ولكن عرضه لك، وهو اللحظة التي توسع فيها.. حتى يصبح عرضه أطول من طوله.. وعمقه هو أن يترك أثر بعد أن ينتهي طوله وعرضه.

□ العمر كالنهر.. يُقاس طوله وهو ما يتسع من مصدره إلى ينبوعه.. ويقاس عرضه وهو ما يتسع لما يتدفق من انفعالات، أي أن اللحظة طولها وهي ما تتسع لتدرك الحدث.. والعرض هو انفعالك لذلك الحدث.. أما العمق فهو أثر ذلك الحدث في من حولك.

□ العلم زي العمر.. كل ما يزيد يقل.. كل ما العلم زاد الجهل زاد.. كل ما تعرف أكثر تكتشف إنك كنت جاهل أكثر.

□ الفكرة بتتولد خائفة.. وتموت هربانة.

□ الفكرة زي الذرة.. حوالينا طيارة.. كل يوم بتتنفسها، بتخرج وتدخل عادي.. قدأما طول الوقت.. إحنا مبندورش على الفكرة.. الفكرة هي اللي بتدور علينا.. على الشخص المناسب اللي يستحقها.

- النفس غير النفس في زمان آخر.. ومكان غير ما كان
- «المدينة الفاضلة بداخل إنسانولوجية كل منا.. والعلم لا يكبحه إلا الخلق».

﴿وَلْيَعْلَمَ الَّذِينَ أُوتُوا الْعِلْمَ أَنَّهُ الْحَقُّ مِنْ رَبِّكَ فَيُؤْمِنُوا بِهِ، فَتُخْبِتَ لَهُ قُلُوبُهُمْ وَإِنَّ اللَّهَ لَهَادِ الَّذِينَ ءَامَنُوا إِلَى صِرَاطٍ مُسْتَقِيمٍ﴾ [الحج: ٥٤].

ورقة امتحان

الاسم:

الدرجة:

مدة الإمتحان:

الأسئلة:

السؤال الأول: عُمر؟

السؤال الثاني: فلوس؟

السؤال الثالث: فلوس؟

السؤال الرابع: صحة؟

الخامس: عِلم؟

السادس: رضا؟

السابع:

نموذج إجابة

- اسمك بالكامل، مفيش زمن محدد.. الورقة هتتسبب في أي وقت..
لخص عمرك في سطر
- السؤال ده مش مُكرر، ده سؤالين.. الفلوس جات منين؟ وراحت
فين؟! .
- الصحة زي الفلوس كده رزق بتروح وتيجي.. مؤقتة لفترة.. حتى في
الفترة دي مؤقتة، بتتولد في ضعف من غير صحة.. نبدأ نبقي شباب
وترجع ضعف تاني.. طفل بشعر أبيض.
- هل أنت راكب أوتوبيس أجرة موحدة واستخسرت تنزل فكملت
للآخر.. جبت مجموع دخلت كلية إحنا سمينها القمة.
بعد ما دخلت كلام على ورق.. ولا كلام ومفيش ورق.. ولا ورق ومفيش
كلام.. ولا ولا ده ولا ده.
- الرضا.. رضيت بكل ده.. ولا شاغل نفسك بغيرك.. وتاعب روحك على
الفاضي.. وبالك مشغول إنك تجاوب أكثر من سؤال وتأخذ أكثر من
درجتك وفي الآخر درجة السؤال ثابتة.. ومهما جاوبت مش هتاخذ
أكثر من حقتك.
- الفراغ ده: يعني كل حاجة بتخلص على مفيش.. كله ليه نهاية.. النبات
بيدبل ويموت.. الحيوان ييموت.. الإزاز بيتكسر.. المياه بتتبخر..

الإنسان.. بتيجي منه وتعيش بيه ومعاه وترمي حملك كله عليه.. يفطس ويموت.. ده حتى الفراغ بيفضي.. والفضاء بيفرغ.

الإجابة: الصبر.

في الإمتحان ده.. الجاف والرصاص زي بعض.. الاتنين بيتمسحوا..

ممكن تتشد منك الورقة في أي وقت وأي مكان.. ومهم أوي آخر سؤال (الخاتمة)، ومفيش إعادة تصحيح.. لأن الإمتحان هيتصحح قدامك وقدام الناس كلها.. ومتقلقش فيه درجات رافة وشفاعة، وفي تقديرات (درجات الجنة) وفي سقوط (النار) ..

فأنت بقى ظببط نفسك وشوف ناقصلك ايه والأسئلة اللي سبتها وخلي خطك (نيتك) حلو وراجع عشان ممكن وقتك يخلص ومتلحقش تراجع.

«ارضي.. ترضي.. تُرضي»

المصادر

١. The ١٠٠: A Ranking of the Most Influential Persons in History
by Michael H. Hart
٢. ABC of Relativity by Russel
٣. Quantum of Mechanics by Landau
٤. أينشتاين والنسبية لمصطفى محمود
٥. النسبية العامة والخاصة لألبرت أينشتاين
٦. A Brief History Of Time by Stephen Hawking
٧. Animal Life: Secrets of the Animal World Revealed by Katie
Parsons
٨. The Encyclopedia of Animals by George McKay
٩. Netter's Atlas of Human Anatomy
١٠. Gray's Anatomy of the Human Body
١١. Anatomy and Physiology for Dummies
١٢. الطرائف العلمية مدخل لتدريس العلوم لصبري الدمرداش
١٣. Human Development as described in Qura'n and Sunnah by
Keith Moore
١٤. Langman's Medical Embryology by T.W. Sadler

الفهرس

الصفحة	الفصل
٧	مش مقدمة
٩	النسبية كما يجب أن تكون
١٩	أندرويد الحياة
٤١	النسبية كما هي
٥٣	آلة الزمن
٦١	اليورিকা
٧٣	الطرزان
٩٧	لوغاريتمات
١٣٣	التفاضل والتكامل
١٥٣	أوسكار أحسن مشهد
١٦٥	٣٠١٦
١٧٩	هذيان
٢٠٥	المدينة الفاضلة
٢١٩	شقریات
٢٢٧	ورقة امتحان
٢٢٩	نموذج إجابة

إنسانولوجي

هل لدينا القدرة على أن نهج أينشتاين !
هل يأتي يوم ومحتفظوا بعقولنا أملا في أن يهلوا التقنية زراعة الغنم ،
وإعادة إحياء العبقريّة ؟!
هل تستحق لقب إنسان ؟
هل تستحق اسمك يتعط في موسوعة إنسانولوجي ؟!
هل نحن نحترم عقولنا ؟! متى نحترمنا من مولنا ؟!
هل نحترمنا عقولنا ؟! أم تسخرنا ؟!
هل تستحقنا ؟ هل نستحقها ؟
امترم عقلك .
هذا الكتاب يأخذك في رحلات زمكانية بداخل
عقلك متى تكتشفه .
لذلك يتصح بأن يكون ذهنك مائيا كما يتصح بشرب القهوة أثناء
قراءة الكتاب فقد تهاب بالجنون أو تفقد عقلك .

شروط

تصميم الغلاف : شريف عبدالله



فرست بوك
للنشر والتوزيع